

LIBRERIA DI TORINO



P

VII. 31.





IVVENALIS LEVERONI  
FOSSANENSIS MEDICI  
IN APHORISMOS HIPPI.

LVCVRATIONES.

*Orlando fresij a Montecalvo Scoria ac saony Medici Doctus.*



*In Monte Regali Leonardus Torrentinus  
excudebat. M. D. LXF.*

THE UNIVERSITY OF CHICAGO  
LIBRARY  
1000



THE UNIVERSITY OF CHICAGO  
LIBRARY

# Q V A E I N T O T O H O C <sup>3</sup>

Aphorismorum opere continentur ,  
hæc sunt .

Legitimorum Sectiones numero septem ,  
quarum

Prima est de uacuandi ratione.

Secunda de Instituenda uictus forma.

Tertia de quatuor anni temporibus, & eorum constitutionibus, quos uidelicet morbos pariant.

Apho-  
rismo-  
rum

Quarta de Aetatibus, quæ quibus morbis sint obnoxia.

Quinta de quorūdam morborum & symptomatum tū causis, tū curationibus.

Sexta de Mulierum passionibus.

Septima & postrema de Prædictionibus.

Spuriorum Catalogus, cui annectitur legitimorum Aphor. iuxta ordinem Alphabeti index.

ad Lectorem.

**S**i quis es, Hippocratis qui prisca Volumina quondam  
 Legeris, hoc iterum perlege Lector opus.  
 Forſitan innumeris Vſo non ordine clarus  
 Oppoſui nimias premia ad ampla moras.  
 Ecce iterum cunctis ſerie meliore renaſcor,  
 Quodq; ego non potui, tu LEVERONE potes.

SERENISS. ATQVE  
INVICTISS. EMANVELI PHILIBERTO,  
& MARGARITAE SABAUDIAE  
DVCIBVS, Pedemontanorum  
Princip.&c. IUVENALIS  
LEVERONVS Fossa-  
nensis Medicus  
X<sup>o</sup> p<sup>o</sup> p<sup>o</sup>.



QVIDEM  
mibi iam diu ga-  
uisus sum, ac in  
dies magis ma-  
gisq; gaudeo, vo-  
bis uerò, Sereniss.  
Principes, quum  
haëtenus non li-

cuerit, nunc primùm gratulor, quòd pius  
& misericors Deus votis annuens nostris  
prole uos masculina toties, tamq; ab uni-  
uersis optata fecerit parentes. O felix at-  
que iterum felix dies illa, felicior hora, fe-  
licissimus nuntius, quæ de edito fœtu isto

nos tandem fecere certiores. Quale gau-  
 dium arbitramini felici in primis ac fausto  
 partu hoc nuntiato omnium, quotquot ve-  
 stro verè subiacent imperio, inuasisse ani-  
 mos? Tale nimirum ac tantum, ut excogi-  
 tari mentevè concipi à quopiam uix possit.  
 Quod sanè ut factò à plerisq; testatum relin-  
 queretur, alij alia (de more uidelicet, & ut  
 cuiq; pro fortuna datum est) uobis obtule-  
 runt munera. Horum ego institutum ac ve-  
 stigia insequi percupiens, quum nil aliud, ut  
 qui pauperculus sim, haberem offerendum,  
 hoc ipsum (qualecunque id sit) de charta-  
 cea nostra supellectile excerptum Ampli-  
 tudini uestrae dicare, inscribere, & conse-  
 crare volui: eodem mehercule consilio, ut &  
 mea latitiae ex primogeniti uestri natalitio  
 die conceptae aliquod apud vos extaret argu-  
 mentum. Accipiat is itaque, Principes be-  
 nignissimi, nostrum hoc exiguum quidem,  
 sed tamen ex deuoto corde, obsequentissi-  
 moq; animo proficiscens munus. Quin verò,

ea, qua uobis offertur, mente, hoc susceptu  
 ri suis & amplexuri, dubitare nec possum,  
 nec debeo: quum illud omnibus sit perspi-  
 cuum, quanti semper uestrum vierque fe-  
 cerit bonas lueras, & bonarum literarum  
 studiosos, ut nemo sit uel mediocriter erudi-  
 tus, quem cognoscere non expetatis, ad uos  
 uenientem vlnis patentibus non excipiat, *honoribus muneribusq; onustum non dimit-  
 tatis.* Quæ sanè officiorum tum multitudo  
 tum magnitudo omnes laceſcit, & penè co-  
 git, ut excelsas tantorum Principum doctes  
 ac egregias laudes canant ubique, ubique  
 haud uulgari celebrent encomio. Quos ta-  
 men pro dignitate laudare nemo vnquam  
 satis commodè poterit, quum ex animi bo-  
 nis, quæ sola uerè ac perennia bona sunt,  
 nullum sit penitus, quod uobis natura rerum  
 omnium parens cumulatiùs largita non sit. ut  
 nihil interim de bonis corporis referã, qui-  
 bus illud in ambobus pollet, renitet, totumq;  
 splendeſcit: adeò, ut qui

EMANVELI PHILIBERTO iunctā  
 norunt matrimonio , non secus illis mirari  
 subeat , quàm si ex fulgentissimo auro miro  
 elaboratum artificio anulum pyropo topa-  
 iiovè insignitum pretiosissimo intuerentur .  
 Quum itaque (vi cò demum , vnde digres-  
 sus sum , redeam ) tanto studio , tanto af-  
 fecturei literariæ candidatos prosequamini ,  
 non est quòd verear , quin hic noster ad vos  
 veniens libellus , idest Iuuenalis vestri hu-  
 milis mancipij munusculum quàm libentis-  
 simè , hilariq; fronte in vestros suscipiatur  
 amplexus , susceptumq; vnà cum autore i-  
 pso foveatur , ac demum aduersus liuido-  
 rum rabidos morsus , & præacutos obtre-  
 ctatorum aculeos protegatur strenuè . Te  
 verò omnis boni autor & largitor Deus Opt.  
 Max. supplex oro , deprecorq; , vt EMA-  
 NVELEM PHILIBERTVM , &  
 MARGARITAM duo Orbis Terrarum  
 clarissima lumina , quibus ceriè discussis bel-  
 lorum ac tot calamitatũ tenebris felix tan-  
 toperè



9  
reperere expectata pacis dies iam nobis illu-  
xit, diu serues incolumes. Tantorum au-  
tem beneficiorum memor nostra hac aetas  
gratias tibi & agere, & habere nunquam  
desinat. Fossani Anno à Christo nato  
M. D. LXIII. viij. Idus Ianuarij.

AD SERENISS. EMANVELEM  
 PHILIP. Allobrogum Ducem, &c.  
 Iuuenalis Ancina Fossanen.  
 Philosophiæ ac Medi-  
 cinæ studio-  
 fus .

**D**um saeva exacuit bello Mars impiger arma  
 Hostileis Populi sustinuerunt manus.  
 Verum una ante alias inuictæ pectore forteis  
 Nostra tibi genuit Patria Terra viros.  
 Non sic intactam (vos Diuum numina testor)  
 Seruauit Priamo maxima Troia fidem.  
 Nunc eadem, cum iam Pax alma illuxerit orbi,  
 Quos peperit iuuenes, nectare Phœbus alit.  
 Unus adest, clara qui pignora *MARGARITAE*  
 Prima ferat: pariter sacrat & illa tibi.  
 Mox quoque te ipse canam, faueat si pulcher Apollo,  
 Ut feriat nomen Sydera celsa tuum.

Eiusdem Elegia ad Lectorem .

Multa olim Græci primùm scripsere parentes  
 Dogmata, quæ meritò laudat uterque Polus.  
 Hos inter magno nunquam cariturus honore  
 Cens Apollinea fulget in arte senex.  
 Unde virum nobis longo post tempore natum  
 Pergamus ad cæli nobilis astra tulit-

Sæpe

*Sape illum, dum ferret opem mortalibus agris,  
 Insignem coluit Græcia tota Deum.  
 Obscurus igitur diuina oracula miscens  
 Reddidit, & sacrum prodidit alter opus.  
 At uerò molem informem, nullo ordine nixam  
 Qui nostro exornet tempore, nullus adest.  
 Butinus ( fateor ) quondam labentibus annis  
 Incepit numeris reddere cuncta suis.  
 Verum opus haud equidem exiguum, sed uiribus impar  
 Aggreßus, media concidit ille via.  
 Peruertit methodum : satius si iam edita nunquam  
 Mutasset, series nam magis apta prior.  
 En igitur meliora tibi **LEVERONVS** amicè  
 Præbet Apollineo munera digna choro.  
 Accipias : primus quanquam labor iste videtur,  
 Ingenij Vireis Pagina lecta docet.*

## IUVVENALIS LEVERONVS

FOSSANENSIS MEDICVS

AD CANDIDOS

Lectores.



*Quis ille Hippocrates, quum  
 medicinae facultatē rudem  
 adhuc, ac innumeris penē  
 erroribus refertā excepisset:  
 hāc ipse primus omnium in  
 Artē redegit, suisq; scriptis amplificauit,  
 illustrauitque adeò, vt meritò vnum hunc  
 medicorum Principem ex omnium consen-  
 su appellarit Galenus, omnium item bona-  
 rum disciplinarum Ducem & autorem.  
 Præter cætera autem eius viri præclara mo-  
 numenta, quæ sanè multa ac varia poste-  
 ris relictæ sunt, extat Aphorismorum de  
 his ipsis inscriptum opus, in quo Diuinus  
 ille senex vniuersam medendi vim brevis-  
 simis quibusdam sententijs (si potius sen-  
 tentiæ,*

Aphorif-  
 morum  
 Hipp. cō-  
 mēdatio.

tentiæ , quàm oracula sunt appellandæ )  
 complexus est . Quò fit , ut perspecta nimirum  
 eius operis insigni ac multiplici utilitate  
 artis medicæ studiosi hoc assiduè perle-  
 gant , hoc perpetuò secum deferant , maio-  
 ri sanè lectorum & commodo & profectu ,  
 si materiæ in eo contentæ suo quæque tra-  
 ctarentur loco , non ita variè miscerentur :  
 Farrago enim illa , & diuersarum rerum  
 miscellanea congeries confusionem , atque  
 adeò difficultatem parit . Neque verò Hip-  
 pocrati id vitio verti debet , quòd videlicet  
 tantum opus ἀτακτον , hoc est inordinatum  
 ( ut ita dicam ) incompositumq; prodire in  
 lucem passus fuerit : non enim adduci pos-  
 sum ut credam , hos Aphorismos ab Hipp.  
 fuisse conscriptos , ut sic digesti aliquando  
 in publicum emitterentur . Verùm , quum  
 multa scriberet Hippoc. ut tunc illi se se scri-  
 benda passim offerebant , rationi consen-  
 taneum est , ut aut alijs districtus nego-  
 tiis , aut fortassis morte præuentus hæc  
 inter

Excusa-  
 tur Hip.

inter reliqua castigare, & suo quaque loco digerere, collocareq; nequiverit. Quid aliud, quaeso, de tanto viro possumus excogitare, si æqui boniq; iudices esse uelimus? Referenda igitur erit mali causa uel in Thessalum eius filium, qui hos Aphorismos, quæ admodum & multa alia collegerit, ex ipsisq; sic dispositis confiatum opus ediderit: vel certè in eos Hipp. interpretes, ne dicam peruersores, qui nonnulla immutare, quædam auferre, plurima verò de suo temere adicere non erubuerunt, non in Aphorismis duntaxat, sed etiam in alijs ferè omnibus eius viri lucubrationibus. Ut illud libere ingenuèq; fateri auserim, nullum apud nos extare genuinum Hipp. scriptum, quod non aliquid supposititij spurijq; habeat annexum. Cuius rei optimus testis est Galenus, cum multis aliis in locis, tum præcipuè primo in Tertium de morbis vulgaribus circa finem expositionis primi ægroti Pythionis; Tertio itè de difficultate respirationis paulo post initium.

ium. Ex quibus locis colligere facile quisq;  
 potest, quot quantaq; mala passa fuerint  
 Hipp. scripta. Quorum sanè miserandam  
 infelicitatem non potuit nō mirari idem Ga-  
 lenus eo primo in Tertium de morbis vulg.  
 Non igitur Hipp. culpa hoc ipsum Aphor.  
 opus, eo, quem cernimus, digestum ordine  
 ad nostras peruenisse manus credendum est.  
 Quod quum semel totum aliquando percur-  
 rissem ( ut quò nostra spectat oratio, tandem  
 deueniam) materiasq; in eo contentas nulla  
 omnino serie digestas perspexissem, (magno  
 interim ediscentium damno, quid enim dif-  
 ficilius memoria committitur, quàm quod  
 neque ordine, neque ulla denique ratione  
 cohaeret?) cæpi mecum sic cogitare, diuq;  
 animo uoluere; quale medicinae candidatis  
 impenderetur officium, si quis hos Hipp.  
 Aphorismos, ut materiae videlicet diuersi-  
 tas exoptulat, digereret ita, ut unaquaq;  
 materia suum sibi uendicaret locum, hoc  
 nanque pacto fore, ut & citius & tenacius

Suscepti  
 operis oc-  
 casio.

Arist. laus  
ex miro  
dicendi  
ordine.

memoriae infigerentur. Tantum potest rerū  
inter se germanus, & congruus ordo; unde  
licet permulta sint, ex quibus Aristoteles  
ille Stagiritā Philosophorum omnium facile  
Princeps decus, nomenq; immortale sibi  
comparauit, nulla tamen in re se nobis ma-  
gis præstitit admirabilem, quam in eo, quo  
in dicendo usus fuit, ordine. Præterea,  
si ipsius vniuersi structuram opificiumq; in-  
tueri velimus, non ne cuncta, pusilla quæ-  
que ac maxima miro quodam & penè inef-  
fabili ordine disposita esse vltro fatebimur?  
ut nihil non summi opificis tum sapientiam  
tum providentiam longè, latèq; patefaciat.  
Quo nimirum argumento ductus Aristote-  
les suæ Metaphy. 12. in calce, ad vnius  
primi motoris nutum refert omnia, cum in-  
quit: Entia nolunt malè disponi, sit vnus  
ergo princeps. Quare, in omnibus potis-  
simum habendam esse ordinis rationem,  
hinc puto satis fieri manifestum. Sed in-  
terim pugnabit quispiam: Dum in his Hipp.  
Aphorif.



*Aphorismis ordinem disquiris, & expetis, velle videris ordinem posse assignari, ubi nec est, nec ullus esse potest ordo, quum doctrina hac Aphoristica, de qua habetur sermo, non sit ex earum genere, quæ alicui ordini inhaerent, utpote vel compositiuo, vel resolutiuo, vel definitiuo: quorum sanè aliquo nisi debet doctrina quælibet, quæ via, ratione, ac methodo constituitur. Huic argumento ità paucis responsum volo: propositum, ac institutum meum non esse in Aphorismis quæpiam ex prædictis ordinem venari, sed priuatam duntaxat vniuscuiusq; materiae determinationē ita, ut quicūq; Aphorismi ad vnum & eundē scopum spectare videntur, ij in vnum congerantur locū, ut vitetur materiarum confusio: exēpli gratia, ut quicumque Aphorismi ad præscribendam victus rationem pertinent, propriā, & peculiare sortiantur sectionē de ratione victus inscriptā: sicq; in alijs eodem modo. Non ergo hic quarimus vel cōpositiuum ordinē, vel resolutiuū, vel de-*

Dilutio.

In Gale-  
num.

finitium; nec singulorum Aphor. inter se ordinem, quum pleriq; tales sint, ut nihil vel parum referat, quis cui preponatur. Illud itaq; Galeno obicere iure optimo quis posse videretur, quod quum alioqui Hipp: dicta, quæ sunt obscura, dilucidè interpretari, quæ parum discreta distinguere, quæ autem defecerunt supplere studuerit; (ex quo non parum laudis consequutus fuit, quum is, qui subtiliter factum emendat, laudabilior sit eo, qui primus inuenit; ut asserit Iustinianus Imperator l. j. §. Sed si. Cod. De veteri iure enucleando) hoc vnum, quod ab eo maximè videbatur præstādum, omiserit. Sed tantum abest, ut in hoc merito sit accusandus Galenus, ut potius omni præconio dignus esse censeatur, si rem ipsam (ut par est) exactius perpendamus. Galenus enim, ut qui Hippocratici nominis studiosissimus, idemq; observantissimus erat, sibi haudquaquàm licere existimabat uelle in Hipp. scripta corrigendi ac castigandi gra-

Defendi-  
tur Gale-  
nus.

tia manus admouere, ea foriè ducius opi-  
 nione, ne, si hoc tentasset, studio duntaxat  
 contradicendi fecisse existimaretur. Vel po-  
 tius, ne in eam, quam ipsemet in alios fert,  
 accusationem incideret, qui quàmplurimos  
 temeritatis damnauerat, quòd sic audaces  
 extitissent in immutandis Antiquorum scri-  
 pturis: quando re uera id fieri nequeat, nisi  
 uniuersum opus immutetur, aliamq; omni-  
 no patiatur metamorphosim. Neque ut mul-  
 ti consueuere in antiquos scriptores, nulla  
 scilicet dignitatis personæ habita ratione,  
 sic in Hipp. ipse inuehi & efferrì voluit: imò  
 ipsius nomen innumeris laudibus passim ex-  
 tollit, & celebrat. Nam, magnum appel-  
 lat, senem, magistrum, nobilissimũ, pro-  
 bum, veracem, diuinum, medicorum Prin-  
 cipem, medicorum diligentissimum, omnium  
 philosophorum & medicorum primum, o-  
 mnium bonarum disciplinarum ducem &  
 autorem, exactissimum medicorum artifi-  
 cem, omnium denique bonorum artis me-

Hipp. laus  
 multiplex  
 ex Gale-  
 no.

dica autorem. Bonæ insuper ac verè præ mē-  
 tis fuisse Galenum in ipsum Hippoc. decla-  
 ranti, quæ ab eodem Galeno scripta compe-  
 rimus quinto Aphor. lib. Comm. Aphor.  
 62. in ipso statim initio, cum inquit: Si  
 mihi liceret omnibus Aphorismis congruen-  
 tem ordinem apponere, non essem verius  
 paulo antea dictum Aphorismum in huius  
 locum transferre, &c. Quid præ se ferunt  
 verba hæc, si mihi liceret? Quid testantur,  
 quæso, nisi humanitatem, obseruantiam, vel  
 potius pietatem quandam in senem. & anti-  
 quum magistrum? Hæc, inquam, in causa  
 fuerūt, quò minus Galeno liceret ipsos Apho-  
 rismos in vniuersum tum congruenti ordine  
 digerere, tum castigatiores reddere. Ceterū,  
 quoniam veritas ipsa nunquàm reticēda est,  
 omnibusq; quàmlibet arcuissimis necessitudi-  
 nis, & amicitie vinculis præponenda, (vnde  
 illud Aristotelis celebre: amicus Socrates,  
 amicus Plato, magis tamē amica veritas,)

propterea, licet quicquam immutare nolue-

rit Galenus, eidem tamen placuit exami-  
 nandae, perquirendaeq; veritatis ansam  
 nobis praebere: dum videlicet multorum  
 Aphorismorum praeposterum ordinem no-  
 tat, ac germanum, congruentemq; subinde  
 nobis indicat: dumq; multa nunc addenda,  
 nunc contra eximenda innuit, ipse intacta  
 relinques omnia. Quod igitur neq; Galenus  
 aggredi sibi fas esse putauit, neq; alius quif-  
 quam post ipsum, quod scia, efficere statuit,  
 hanc ego prouinciam quanquam meis hume-  
 ris longe imparem, cum adhuc Papiae Ar-  
 tium, & Medicinae studijs operam nauare,  
 suscipere non formidavi: idq; exercendi in-  
 genij, & otii utendi gratia, quo tempore va-  
 cationes, quas appellant, nobis indicebantur.  
 Quare, quum tempus opportunum nactus  
 essem ad opus propositum inchoandum, atq;  
 ad hoc vnum perficiendum caeteris omnibus  
 posthabitis vniuersas ingeniois vires collegis-  
 sem, tandem diuina adiutus cpe anno à  
 partu virgineo. 1559. exoptatum finem

cæptis imposui, hoc est Hipp. Aphorismos  
 primum quidem iuxta materierum varie-  
 tatem digessi ita, ut vnaquæque materia  
 suum sibi vendicaret, obtineatq; locum. De-  
 inde spurios, ac subditios, cuiusmodi com-  
 plures esse noueris, seorsim reposui, ut ab  
 iisdem legitimi probe dignoscantur. Legiti-  
 mos verò ita ad Galeni amussim concinna-  
 uimus, ut iam sic castigati ac recogniti non  
 Hippoc. potius, quàm Galeni iure dici posse  
 videantur. Quibus sic peractis & ad cal-  
 cem deductis illhinc ad biennium post susce-  
 pta Doctoratus insignia huc in Patriam mul-  
 tis iam annis non visam commigraui, ubi  
 fortè post pauculos menses noster hic labor  
 in manus quorundam, quos vnicè amo, ob-  
 seruoq; plurimum, inciderat, qui sanè (ci-  
 trà iactantiam) hoc à me & inuentum, &  
 excogitatum multis nominibus probasse visi  
 sunt, imò dignum adiurasse, ut in commu-  
 nem artis medicæ studiosorum vtilitatem ty-  
 pis excudendum traderetur. Hac qualia-  
 cunq;

Harù elu-  
 cubratio-  
 num edi-  
 tionis cau-  
 sa.

cunque me non ea de causa conscripsisse, ut aliquando in lucem proditura existimarem, sed pro meipso tantum confecisse, mihiq; vni annotauisse asserenti responderunt, nihil vnquam esse mortalibus occultandum, quod ipsis aliqua ex parte prodesse queat. Nec solum nobis natos esse, (ex Diuino Platone) sed ortus nostri partem Patriam, partem amicos vendicare: hosce verò Hipp. Aphorismos eo nouo quidem, at non pœnitendo digestos ordine artis medicæ studiosis haud mediocrem allaturos opem. Horum sanè virorum quāquā apud me plurimum valeret autoritas, ut qui in re medica haud contemnendi iudicij & sint, & habeantur: multa tamen ab edendo opere animū meum auocabant, distrahebantq;. Unde anceps diu multumq; permansi, viris ne illis probatis præsertim iusta petentibus, & mihi necessitudinis vinculo coniunctissimis morem aliquando gererem, nec ne. Sed tandem in eam deueni sententiam, ut clarissimum Gi-



nodium Celsitudinis Ducis nostrae MARGARITAE *ιατρου*, qui hunc mihi de edendo opere suboritur tolleret scrupulum, adirem, consuleremq; . Ille, quum vltro sibi oblatum opus non semel percurrisset, solertiusq; lectitasset, ne latum quidem vnguem ab aliorum discessit iudicio, utq; eadem scripta in publicum usum exire sinerem, cohortatus fuit. Tum ego: quando, uir praestantiss. tui, & aliorum quorundam creberrimi hortatus ad id me urgeant compellantq;, ut quod mihi ipsi tantum in adolescentia penè constituto, & in scholis adhuc uersanti paraueram, illud omnibus ex aequo commune efficiam: cum primum eas lucubrationes paulò locupletiores reddidero, in lucem emissurum sancie ingenuèq; polliceor. Primum itaque operae pretium me facturum existimaui, si duas saltem priores Sectiones, & obscuriores, & usu potiores scholiis quibusdam exornarem. Quam rem potuissem equidem uberius pleniusq;

Quae prior  
ri elucubrationi  
accesse-  
sint.



nusq; tractare, eoq; adiustiore volumi-  
 nis magnitudinem deducere libellum: sed  
 superuacaneum simul ac ridiculum fore pu-  
 tauit post Galeni, Oribasii, Philothei, totq;  
 aliorum tum ueterum, tum recentiorum lu-  
 culentas enarrationes velle in rem toties,  
 tamq; à multis pertractatam nouum, & lon-  
 gum intexere commentarium. In aliis verò  
 Sectionibus paucos admodum, & hos quidē  
 Annotatiunculis verius, quàm scholus illu-  
 strandos curauimus. Ad haec, Auic. loca,  
 in quibus autor ille grauiſſimus eandem ab  
 ipso Hipp. huiusq; enarratore Galeno mu-  
 tuatus est ſententiā, ſubnectere, indicareq;  
 mēs erat: in primis quidem eā ob cauſam, ut  
 iis, qui poſt Græcos Arabū quoq; placita li-  
 benter ſectantur, faceremus ſatis: deinde,  
 ut cuius manifestum relinqueretur, quā  
 ſine Arabum dicta Græcorum dogmatibus  
 affinia, non contrā, diſſona valdē, totoq; di-  
 ſcrepancia cælo, ut quidam noſtri tempo-  
 ris medici ſolūm rabie quadam aduerſus

Mauri-



Peroratio

*Mauritanos affecti falsò putarunt. Sed ob publicum, quod hoc anno suscepi, curandorum agrorum onus, ne tantum quidem otij suffurari potuissem, quantum ad id inchoandum, ne dicam perficiendum, sufficere posse videbatur. Quare, ut fidem meam tandem absoluerem, utq; honesto etiam quàm plurimorum desiderio facerem satis; hæc apud me diutius latitare nolui. Quæ si æqui, boniq; (Apollineæ Artis cultores) vos consuluisse persenserò: & quæ per præsentis occupationes aggredi, tentareq; non licuit, & his fortè graviora aliquando in gratiam quoque vestram animus noster molietur. Interim verò benè valete.*

**N**on deerunt, sat scio, qui legendo nō poterunt non vehementer mirari, & Hippoc. Aphorismi tantam passi fuerint metamorphosim, adeoq; à vulgata distent editione: quū aliqui, qui seorsim prius scripti erant, nunc alijs copulati cernantur: aliqui addito vno, aut altero verbo nunc adauēti, aliqui contra imminuti, vel quoquo pacto à priori effigie immutati legantur. Has proinde obseruationes in ipso statim operis lumine exarare consilium fuit, vt ijs perlectis mirari quisq; desinat, rationibusq;, quibus iusti facti causa redditur, acquiescat. Complures itaq; Aphorismos, qui prius seorsim, diuisimq; conscripti erant, cum alijs copulauimus, vt scilicet ita exigente re ipsa sermo vnus fieret, & quidem manifestior. Ex his nāque hoc pacto annexis, & copulatis alij sunt præcedentis sermonis veluti exēplum quoddam, cuiusmodi est decimus sextus quarti lib. ad trigesimum septimum secundi. Alij verò prioris doctrinæ redditionem causæ continent, qualis est trigesimus secundæ Particulæ cum vigesimo nono eiusdem. Plurimos itē, aut superaddito, aut dempto, vel etiam immutato

mutato vno, alterouè termino ab antiquiori  
scriptura euariare cernes: non alio sanè insti-  
tuto, neq; alia de causa, quàm vt ipsius Apho-  
rismi integritas se se statim Lectori prodat.  
In quibus tamen omnibus Galeni mentem  
sequuti fuimus. Quos igitur asterisco hoc si-  
gno \* inuenies notatos in margine, geminos  
esse censeto: atq; inibi alterius Aphorismi a-  
desse initium, ubi apposita erit nota. At, quæ  
duplici hac clausula [ ] circumsepta com-  
peries verba, ea ex adiectis & superadditis, uel  
quo quo pacto immutatis esse coniicies. Ne-  
que illud silentio prætereundum, permultos  
esse Apho. qui non secundum simplicem unâ  
scripturam, sed alia donati, atq; alia ad Gale-  
ni manus peruenerunt. Nobis uerò placuit,  
vt sub ea tantum lectionis forma incederent,  
quæ & a Galeno primum admittâ, & in hunc  
usq; diem recepta conspicitur, seruata ubiq;  
Nicolai Leonici interpretatione, vtpote  
magis vulgata. Aliquot porrò inter scri-  
bendum mihi subortos scrupulos reticere de-  
creueram, ne in his explicandis, ac diluen-  
dis bona temporis pars insumeretur. Verùm,  
quum ea sanè dubia haud omnino leuis esse  
momenti viderentur, non potui hæc ipsa in-  
tacta penitus relinquere, missauè facere, quin  
vel

vel digito saltem commonstrarem. Itaq; , ne nos alioqui ulterius properantes diutius immorari, & susceptum iter subinde intermittere cogamur :

*Ad vos spectabit congestos solvere nodos ,*

*Et mihi sat fuerit vel tetigisse locum .*

Ad hæc, quoniam nonnullos offendi Aphorismos, qui subiectæ ui materiæ non vnam tantum videbantur adire posse stationem, iccirco, præter eam, quam quisq; sortitus est sedem, alteram quoq; , quæ haud iniuria ijsdē potuisset assignari, pro vario nimirum considerationis scopo, indicare volui: vt sic admirationi, quam facilè imprudens quispiam subiisset, nullus locus sit reliquus. Restat iam, vt illud vos moneam, quasdam in singulas sectiones me cōscripsisse Præfatiunculas, vt subiectæ rei argumentum cuilibet statim innotescat. Numerus verò, qui singulis Aphorismis suppositus est, & annexus, vulgatæ editionis seriem indicat ita, vt prior quidem ipsum signet Aphorismum, posterior autem Librum.

*Prima Sectionis .*

- 1 Quos purgare non oporteat;
- 2 De præparatione ad purgationem.
- 3 De eorum, quæ vacuantur, qualitate.
- 4 De vacuandorum humorum quãtitate.
- 5 Quodnam anni tempus vacuandis corporibus incommodum, quodq; contrà idoneum sit.
- 6 Quo morbi tempore vacuare cõueniat, & per quam nostri corporis regionẽ: quando item ab omni vacuatione desistendum.
- 7 Quando per vomitiones, quando verò per alui deiectionem purgandum sit: quiq; ad alterutram purgationem sint idonei, & qui secus.
- 8 Quo pacto tum ciendẽ, tum sistendẽ sint purgationes exemplo epoti ellebori.
- 9 Qui superius, quiuè per inferiora purgandi sint, signa.
- 10 Prognosticon.

## *Secunda Sectionis.*

- 1 De victus Quantitate.
- 2 De victus Qualitate.
- 3 De cibandi vsus modo.
- 4 Quædam veluti Axiomata in ipsa victus  
ratione obseruanda.
- 5 Prognosticon.

## *Tertia Sectionis.*

- 1 De quatuor anni temporibus in genere.
- 2 De ijsdem sigillatim, & primùm quidem  
de Vere.
- 3 De Aestate.
- 4 De Autumno.
- 5 De Hyeme.
- 6 De Vere rursus, & Autumno.
- 7 De temporum Constitutionibus, & pri-  
mùm quidem de simplicibus.
- 8 De compositis Constitutionibus.

## *Quarta Sectionis.*

- 1 De prima ætate, id est de recens natis Pue-  
rulis siue Infantibus.

- 32
- 2 De secunda ætate, in qua Pueri iam dentire incipiunt.
  - 3 De tertia ætate, quæ ad duodecimū vsq; annum progreditur.
  - 4 De quarta ætate Pubertati proxima, quæ ad quartumdecimū annū extenditur.
  - 5 De quinta & sexta ætatibus, nempe Adolescentia, & Iuuentute ipsa.
  - 6 De septima ætate, quæ est Declinantium, & prima senectus dici potest.
  - 7 De octaua & postrema ætate, quæ seniū, & senecta, siue senectus dicitur.
  8. Prognosticon.

### *Appendix.*

Sequuntur alij quidam Aphoristici sensus De tuenda Puerorum bona valitudine.

### *Quintæ Sectionis.*

- 1 De Calido.
- 2 De frigido.
- 3 De causis morbofis, & salubribus, sigillatim: & primū quidem de morbofis.
- 4 De Causis salubribus.

Vtraq;



- 5 Vtrasque causas, & morbosas, & salubres  
continens Aphor.
- 6 Duo præcipua medendi Methodi Theo-  
remata.

### *Sextæ Sectionis.*

- 1 De menstruis purgationibus.
- 2 De signis & causis sterilitatis & fœcundi-  
tatis in viris, ac mulieribus.
- 3 De signis conceptionis in vniuersum, &  
de signis concepti maris vel fœminæ.
- 4 De signis & causis abortus.
- 5 Quibus argumentis deprehédatur fœtus  
in vtero matris belle valere, aut cōtra.
- 6 De signis lethalibus in prægnante.
- 7 De grauidarum purgatione Canon.
- 8 Trium vteri passionum curatio.
- 9 Prognosticon.

### *Septimæ & postremæ Sectionis.*

- 1 De somno & vigilia.
- 2 De excretionibus, quæ uel per aluum in-  
feriorem, vel per os ipsum fiunt.
- 3 De vrinis.
- 4 De fudoribus.

- 5 De rigoribus & febribus.
- 6 De vnus in alterum præter naturam affectum transmutatione.
- 7 De superuenientibus, & primum quidẽ de ijs, quæ immodicæ vel inanitioni vel repletioni superueniunt.
- 8 De ijs, quæ ipsius capitis noxis superueniunt.
- 9 Sequuntur Thoracis mala alia alijs superuenientia.
- 10 De superuenientibus in ventre inferiori & mēbris naturalibus in eo contentis.
- 11 De superuenientibus non in determinata nostri Corporis parte.
- 12 De doloribus, lassitudinibus, & laboribus.
- 13 De morbis acutis.
- 14 De Crisi, & diebus tum decretorijs, tum contemplabilibus.
- 15 Prædictiones variæ.

PETRI MALLIANI DOCTORIS  
Medici Tetrastichon.

*Quod prius Hippocrates maturo scripserat æno  
LÉVRONVS sparsum ritè coëgit opus.  
Not ergo allesti tantorum fruge laborum.  
Nunc Iunonem colimus, consulimusq; senem.*

AVREVM

## AVREVM DIVI HIPPOCRATIS

Aphorismorum opus nouo quodam  
digestum ordine, ac nuper in  
lucem editum à I V V E -

N A L E L E V E R O -

N O F o s s a n e n -

si Medi -

co.

## AVCTORIS PRAEFATIO.

**V**ita brevis, ars longa, occasio præ-  
ceps, experimentum periculosum,  
iudicium difficile. Nec solum seipsum  
præstare oportet opper una facientem, sed  
& ægrum, & assidenes, & exteriora.

In duas distribuitur partes hæc auctoris in  
vniuersum opus suum præfatio. Et secundæ  
quidem initium est; [Nec solum seipsum præ-  
stare oportet, &c.] In priori itaq; parte inten-  
dit Hipp. (licet satis obscure) commentatio-  
num præcipue Aphoristicarum vtilitatis, ac  
necessitatis causam assignare; causam inquã,  
ob quam Aphoristicas compendiosasq; com-

mentationes in arte medica cōscribere, & posteris relinquere oporteat. Hanc verò causam non nisi vitæ humanæ compendio, & ipsius artis magnitudini adscribendam, cēset: vt primæ partis huiusce contextus talis sit (ex Galeno) intellectus: Quoniam artis magnitudo vitam excedit hominis adeò, vt ab homine quā tumuis diligenti, ac laborioso nō possit & inchoari, & ad finē vsq; perducī: propterea operæpretium est, quæ quisque cognouit, ea mandare literis, & tradere posteritati commentationes, quæ rerum docendarum naturam omnem, diligenter, breuiter, & dilucidè interpretentur. In altera præfationis parte quoddam Hippocratis veluti cōsiliū explicatur, quod certè ad eos, qui opus eius lecturi sunt, dirigitur. [Nec solū seipsum præstare oportet &c.] Quod est perinde, ac si dixisset: si quis unquā dijudicaturus est, quantum in se veritatis cōtineant, quæ à me hoc in libro scripta compertiet, non solum seipsum medicū oportet quæcūq; sui muneris sunt exacto iudicio, & accurata opera præstare, nihil videlicet, quod laboranti aliqua ex parte prodesse queat, omittendo, verum etiam ægotantem parère ipsi medico: ministros item ad omnia munia obeunda idoneos assidere, præstoq; esse: postremò

exteriora omnia (qualia sunt ambientis nos  
aëris constitutio, ægri domiciliū, quæ nuntiā  
tur, quæ aguntur, & id genus alia plurima) ri  
tè cōparata esse, & in nullo delinquere. Hæc,  
inquam, sunt quæ si opportunè fiant, & pro  
hè administrētur, præsens hoc nostrum opus  
ab omni calumnia, & falsitatis nota vindi  
cabunt, quæq; ad sanitatem comparandam  
totius artis præcipuum finem, & scopum om  
nino concurrant, necesse est.

## DE VACVANDI RATIONE;

### Sectio Prima.

#### P R A E F A T I O.

**E**A Medicinæ pars, in qua medendi ratio  
docetur *θεραπευτικὴ* Græci appellant, in  
tres primarias diducitur partes nempe in  
*διαίτητικὴν, φαρμακευτικὴν καὶ χειρουργικὴν*. Prima est,  
quæ victus ratione morbis mederi docet. Alte  
ra, quæ medicamentis intus & extra corpus  
ad motus medetur. Tertia, quæ ipsis manibus  
curationem molitur. Prioribus duas partes satis  
abundè videlicet pro compendij, & doctri  
næ Aphoristicæ ratione hic prosequutus fuit  
c ii j Hip-

Hippocrates . De tertia peculiare cōscripsit Tractatus , de fracturis, de articulis, &c. Primum itaq; vacuandi methodū præscribit. Cæterum, quū vacuationum plures sint differentiæ (vacuamus enim vel venæ sectione, vel purgante medicamento, vel cucurbitularum appositione, vel hyrudinū usu, &c.) nullum vacuationis genus in Aphorismis magis tractauit Hippocrates, q̃ quod purgante fit medicamentū idq; tum per vomitum, tum per alui deiectionem, quod propriè purgationis nomenclaturam sibi vēdicat. Est autem purgatio humorum sua qualitate molestātium excretio, 1. Apho. commen. 2. Aphorismi. Quæ sanè nō nunquam per se, suaq; sponte fit: aliquando arte, & ope Medici. Hæc proinde artificialem appellant, illam verò spontinam & naturalē: de quibus in prima hac Sectione statim mentio fiet.

## Q V O S P V R G A R E

non oporteat. Cap. I.

I *Qui bene se habent corpore, difficulter ferunt medicationes . \* Sic ergo & elleborus*  
carne

*carnes sanas habentibus periculosus; facit enim conuulsionem. 37.2. & 16.4.*

Quum purgatio illis duntaxat conueniat qui cacochymia, & succorū vitio laborant: vel luce meridiana clarius euadit, q̃ ea propter sanis haud quaquam propinanda sunt purgātia medicamenta. Si enim purgentur, ijs omnino difficulter purgationes procedunt; quoniam quum epotum pharmacū proprium sibi & familiarem, quem attrahat, educatq; nō inueniat humorē, carnes ipsas necessariō, ac sanguinem colliquat; unde nimirum tormina, vertigines, viriū exolutio, & alia huiusce modi mala consequuntur. Fecit autem Hippocrates hoc loco expressam mentionem de elleboro ipso, eo quod propter operationis uehementiam, & vim suam, effrānem, illud præcipuum habeat, vt conuulsionem excitet, & inducat.

2 *Qui salubritatem corporis habent, cum per medicamenta purgantur, citò exoluuntur; & qui prauo utuntur cibo. 36.2.*

Quod in præcedēti Aphorismo vniuersaliter est comprehensum, hoc nūc sigillatim in vnico symptomate nobis proponitur, quod



40 DE VACVANDI RATIONE

est virium exolutio, & ipsius animi defectio : cui & qui prauis succis refertum corpus habent (non secus quam sani) in purgationibus sunt obnoxij.

DE PRÆPARATIONE AD  
purgationem. Cap. 11.

3 *Corpora cum quispiam purgare uoluerit oportet fluida facere. 9. 2.*

Purgationi, siue ea vomitu fiat, siue alui deiectione, perpetuò debetur præparatio. Hæc autè perficitur humores crassos attenuando, lentos ac glutinosos incidendo, abstergèdo : meatus verò obstructos referando.

4 *Qui ad elleborum non facile supra purgantur, eorum corpora ante potitionem copiosiore cibo, & quiete humectanda sunt. 13. 4.*

Cautio hic traditur in ijs adhibenda, qui elleboro per vomitum purgandi sunt. non enim debet cuiquam propinari elleborus, nisi factò prius periculo per aliquod leue & mediocre vomitorium, nūquid ille, qui sumpturus est elleborum, facillè per vomitum purgetur, necne. Quibus itaq; difficulter talis purgatio



gatio succedit, ij ante ellebori potionem præparandi sunt ad eum, quem nunc præscribit Hippocrates, modum.

DE EORVM, QVAE VA-  
cuantur, qualitate. Cap. III.

5 In perturbationibus uentris, & vomiti-  
bus spontinis, si talia purgentur, qualia pur-  
gari oportet; confert, & leuiter ferunt: sin mi-  
nus, contra. Sic & vasorum inanitio si talis  
fiat, qualis fieri debet; confert, & bene tole-  
rant: sin minus, contra. Inspecere itaq; opor-  
tet & regionem, & tempus, & aetatem, &  
morbos, in quibus conueniat, aut non. 2. I:

Vt vacuatio ipsa, quam molitur medicus,  
& quæ externi auxilij ope suscitatur, rectè &  
legitimè procedat; nonnullos canones, qui se-  
riatim hoc loco ab ipso Hippocrate explican-  
tur, obseruare oportet. Primum enim in va-  
cuationibus qualitas perpendenda, hoc est  
quodnam genus humoris, seu qualis humor  
sit vacuandus. Solus autem is, qui noxius est,  
quiq; corpus nostrum infestat, purgandus, et  
non alius. Hoc est in proposito vacuationis  
quali;

qualitatem considerare. Quum autem Hippocratis institutum esset hac in parte de artificiosa simul, & naturali purgatione verba facere: prius quidem de naturali, & spontanea, quàm de ea, quæ Artis fit adminiculo, pertractauit. Nec temere, quando artem imitari naturam sit verisimile, non contrà. Neque verò in sola purgatione, de qua præsens est sermo, sed in omnibus simpliciter naturam rectè operantem imitari debet medicus, qui re vera non nisi eiusdem naturæ minister & est, & dicitur. Non sat autem visum fuit Hippocrati docere quodnam genus humoris esset vacuandum, sed insuper quosdam apponere voluit scopos, ad quos respiciens medicus tutius ad infestantis, & vitiosi humoris vacuationem perueniet. Sunt autem regio, anni tempus, quod præsens est, ægrotatis ætas, & morbi species. Quibus vberioris doctrinæ gratia addere possumus eum, qui in toto corpore efflorescit, colorem, præsentem temporis constitutionem, ægri temperaturam, vitæ institutum, & ipsam deniq; victus rationem.

6 *In medicationibus talia educere è corpore, qualia & sponie prodeuntia, + vtile: quæ*

*quæ verò contrario modo prodeunt, cohibere oportet. 2. 4.*

Rectius legendū puto † [vtilia] in numero multitudinis, ut sit sensus: [in medicationibus talia] subaudi oportet [educere è corpore, qualia & sponte prodeuntia vtilia] supple tu, esse nouimus. Nam, nō absolutè & simpliciter naturā ipsam imitari debet medicus, sed eandem rectè operantē, cū scilicet ita robusta est, vt & morbo, & causę faciēti morbū dominetur. Pręterea, huic nostrę lectioni annuit & Philotheus ipse in comm. cum inquit: Reliquum est igitur, ut ea, quæ excernuntur dominante natura, & vtilia sint, & spontina uocentur: utilia quidem, quoniam euacuatur id, quod superfluum est: spontina autem, quoniam excernuntur sine opera medici. Habet & [vtilia] textus antiquę tralationis. Io. Baptista Rasarius Nouariēsis medicus, qui totum ferè Hipp. nuper Latinum fecit, ac infinita propemodum loca tum in Gal. tum in Hippoc. illustrauit, atq; suę integritati restituit, legit hoc loco [iuuant] quod sanè verbum ad eundem sensum commodè trahi potest. Sed hac de re satis. Galenus in comm. maluit saluare Hippocr. ne in nugationis uitium

tium prolapsus uideretur, quàm undequaquē sibiipſi conſtare:quū dicat Hipp.hic loquutū de ſola purgatione, in antecedenti verò de omni vacuatione generalius: & tamen in comm.eiuſdem Aphor. ex illis verbis [qualia] & [qualis,] ex verbo item [purgari] deducit aduerſus quorundam ſententiam de ſola purgatione Hipp.ibi verba facere.

## DE VACVANDORVM

humorum quantitate. Cap. IIII.

7 *Habitus exercitatorum, qui ad ſummū bonitatis attingunt, periculoſi, ſi in extremo conſtiterint: neque enim poſſunt in eodem permanere, neque quieſcere. Cum verò non quieſcant, neque poſſunt proficere in melius: reliquum eſt igitur, ut decidant in deterius. His de cauſis, bonum habitū ſtatim ſolvere expedit, ut corpus ruruſus nutrirī incipiat. Neq; compreſſiones ad extremum ducendæ: (periculoſum enim) ſed qualis natura fuerit eiꝯ, qui debet perferre, ad hoc ducere conuenit. Sic & euacuationes, quæ ad extremum deducunt, periculoſæ.*

*culosa. & rursus, refectiones, cum extrema fuerint, periculosa. 3. I.*

Quod secundo loco in omni vacuatione considerandum venit, est quantitas ipsa, id est humorum vacuandorum copia, & mensura. Ad quam duas nobis intentiones præscribit Hipp. Quibus habitis non nisi rectè, legitimèq; processisse vacuationem, quam facere ausi fuerimus, audacter pronuntiare poterimus, nempe ægrotantis vires, quæ initio statim spectandæ sunt, iuxtaq; earum tenorè metienda vacuationis mēsuræ: & quæ vacuationem ipsam sequitur, tolerantia facilitatē, de qua in sequenti Aphorismo. Aegrotantis igitur vires prius diligenter sunt expēdendæ. Donec enim tolerant, nec laborant, (vt Galeni doctrina, & verbis utar) tentandū est humorem exuperantem educere: cum verò dissoluuntur vires, etiam si restent aliquæ superfluitates, cauere oportet earum vacuationē. Quocirca ab immodicis vacuationibus in vniuersum summopere cauendum, vt quæ vires supra modum deiciant, quæ potius in omni morbo fouendæ sunt, q̃ ijs labefactatis, atq; collapsis spes omnis salutis pereat. Cæterum, quum nō minori vacet periculo immodica

dica repletio, atq; vehemens, & immoderata inanitio: (omne siquidem nimium est naturæ inimicum) vtrunq; magno studio vitandum, ab immoderata repletione sumpto initio (proposito ad hoc boni habitus Athletarū exemplo) ijs verbis præcipit Hippocrates: [Habitus exercitatorū, qui ad summum bonitatis attingunt, periculosi, &c.]

8 *Deiectiones nō multitudine sunt æstimanda, sed si talia deiciūtur, qualia conueniūt, & ægri faciliè tolerant. Atque, vbi vsq; ad animi defectionem expedit ducere, faciendum, si æger possit tolerare. 23. I.*

Quæ factā vacuationem subsequitur, tolerantia facilitas, argumēto nobis est, quale simul ac quantum oportuit fuisse eductū. Ista autem tolerantia facilitas dignoscitur, si nō sequatur viriū dissolutio, quinimo æger sentiat seipsum, quàm prius, factum leuiorem. Quod attinet ad secundam Aphor. partem, in qua consulit Hippoc. vbi expediat, tentandam esse vacuationem, quæ eò deueniat, vt ipsum ægrotatem ad animi deliquium perducat: nouisse oportet, tres esse casus relatos ab ipso Galeno hac in parte, in quibus sanè licet tantam moliri vacuationem: sed non nisi

integris uiribus, atq; ualentibus, (vt idem subdit Galenus) quæ tunc integræ erunt, & bene valentes, si ea adsint omnia, quorum meminit ipsemet Galenus 4. De rat. vic. in morbis acutis. 74. virtus robusta, ætas florens, si sanguis abundet, si habitus corporis densior duriorq; si anni tēpus, si cōstitutio, si ipsa deniq; regio probè cōmoderata fuerint, & tēperata. Ego tamē (etiam hisce omnibus annuētibus & cōsentientibus) consulerem potius à tāta uacuatione cauēdum esse, propter ingens, quod imminet ex ea, vitæ quidem ægrotantibus, nobis ipsis verò famæ discrimen: quamuis Galeno in artis huius operibus exercitatissimo id plerumque ex voto, animiq; sententia successisse habeamus pro comperto.

Q V O D N A M A N N I T E M P V S

vacuandis corporibus incommodum, :  
quodq; contrà idoneum sit.

Cap. v.

9 *Sub cane, & ante canem difficiles sunt medicationes. 5.4:*

Tertium in omni uacuatione consideratio nis locum habet præsens anni tempus. Sunt enim duo anni tēpora, in quibus tum purgationis,



tionis, tum etiam venę sectionis usus incómodat, damnumq; haud mediocre affert: hyems, & ea adhuc magis æstas, potissimum verò secunda eius pars, quam canis ortus inchoat.

Quod si hisce temporibus morbi necessitas urgeat, nosq; ad purgandum, vel sanguinem mittendum compellat, parcius, & non nisi cū sagaci præmeditatione horum alterum, aut vtrunq; tentabimus. Ver autem, utpote quòd in medio omnis excessus sit constitutum, maximè opportunū est, siue illos, præseruare uelimus, qui adhuc quidem sani, sed ægri futuri sunt: (de quibus peculiarem hunc qui sequitur, Aphorismum conscripsit Hippoc.) siue eos curare, qui præsentī malo conflictantur.

10. *Quibuscūq; venæ sectio, vel purgatio cū medicamento conuenit, hos vere purgare vel venam incidere oportet. 47. 6.*

Post vernum tempus Autumnus & ipse accommodus est, tum uenę secandæ, tum vacuationi, quæ purgante fit medicamento.



## QVO MORBI TEMPORE

vacuare conueniat, & per quam nostri  
corporis regionē: quando item  
ab omni penitus vacua-  
tione desistendum.

Cap. VI.

II. *Cum morbi inchoant, si quid mouen-  
dum videtur, moue: cum verò consistunt,  
ac vigent, melius est quiescere. \* Circa ini-  
tia [enim] & fines, omnia imbecilliora:  
circa vigores verò, fortiora. 29. & 30. 2.*

Quartus scopus est affligentis morbi tem-  
pus, & materiæ facientis morbum dispositio.  
Nam inchoantibus morbis si quid videtur mo-  
uendum, moue: (inquit diuinus senex) cum  
verò consistunt, melius est quietem habere.  
Item, concocta duntaxat medicanda sunt, atq;  
mouenda, non cruda &c. Sententia huius A-  
pho. et sequentis totam medicorum scholam  
adeo turbauit, vt ij in varias, ac penè mōstro-  
sas sectas inter se toto dissidentes cœlo distra-  
cti, dispersitiq; sint. Rem verò hanc sanè per  
difficilem aliquando explicare aggressus ter-  
tium post Hippo. & Galenum Medicinæ ful-  
gētissimum lumen Matthæus Curtius, in tan

ta controuersia dirimenda sic se gessit, vt omnes Curtio posteriores in vnius Curtij decretum conspirare coacti fuerint. Propositi itaque Aphor. germanus intellectus hic est: [cum morbi inchoant, si quid mouendum videtur] nempe vel purgante medicamento, si materia turgeat: vel alioqui sanguinis missione, [moue tunc &c.] Si Aphorismus hunc in modum exponatur, omnis difficultas sublata erit, corrueant omnes instatæ, perspicua euadet sequentis Aphor. doctrina, nec ullo pacto huic, quæ præ manibus habemus, aduersabitur Aphorismo. Quorum pugnantes sensus vt conciliarent nonnulli, dictu mirum quàm absurdas distinctiones excogitarint, quàm deliras. & temerarias inuexerint opiniones, quàm longè demum ab Hippoc. & Galeni placitis, atq; adeo ab ipso veritatis scopo aberrauerint. Cæterum, quòd liceat nonnunquam in morborum initiis purgare etiam num furiosa haudquaquam existente materia, vtpote sistendæ & cohibendæ fluxionis alicuius gratia, cum ad determinatam nostri corporis partem fluunt vel saltem parati sunt fluere humores: (quos etiam præstat aliquando, si nihil obstiterit, sanguinis missione repellendo vacuare Hippoc. & Galeni de-

creto

creto passim in libr. de ratio. vict. in mor-  
bis acutis) illud profecto non demolitur eius  
Aphorismi, quem nuper destitimus explana-  
re, sensum & intellectum. Nec, si ea materia,  
quæ reuulsionis causa in fluxionibus purga-  
tur, cruda (vt fieri potest) extiterit aliquâdo,  
id continuò euerit Hippoc. dogma: [Con-  
cocta medicari, atq; mouere, non cruda &c.]  
Etenim, quod pro huius nodi solutione ab  
aliquibus haud sanè aspernandæ autoritatis  
viris dictum animaduertimus, illud idē nos  
quoq; & fatemur & constanter asserimus: nē  
pe Hippo. ipsum hac in parte de ea duntaxat  
purgatione verba facere, qua noxios in corpo-  
re humores purgare consueuimus, non autē  
subortam quandoquē fluxionem cohibere  
intendimus. De his verò hæctenus.

I 2. *Concocta medicari, atque mouere, non  
cruda, neque in principijs, modo non turg-  
geant: plurima verò non turgent.* 2 2. I.

Neoteri-  
cus quidā  
vertit pru-  
riant.

Materiæ itaq; dispositio & ipsa in vacuan-  
di ratione prænoscentia uenit. cruda nanq;  
(nisi turgeat) siue pituitosa, siue biliosa ea fue-  
rit, vacuanda non est, quoniam multa incom-  
moda inde sequerentur, autore Hippo. 4. de  
rat. vic. in morbis acutis. 40. Post concoctio-

nem verò tempestiuum est purgationē adhibere, quòd nimirum tūc temporis habeamus naturam ipsam vacuationi adminiculantem. Signanter dictum est [nisi turgcat] eo enim in casu præstat quod imminet discriminis ex turgente materia subterfugere, quàm coctio-  
nem, & maturationem expectare. Turgens namque materia, nisi statim educatur, facile posset ad aliquod princeps nostri corporis membrum decumbere, & ita exitium afferre.

13 *In acutis passionibus raro, & in principijs medicinis purgantibus vti, & hoc cū præmeditatione faciendum.* 24. 1.

14. *Medicari in valde acutis, si materia turgcat, eadem die: tardare enim in talibus malum est.* 10. 4.

Facile est cuilibet vel mediocriter erudito ex dictis horū duorum Aph. intellectū colligere. Nam ob id rarò circa principia acutorum morborum in vsum nobis ueniunt purgationes, quoniam ex tentandæ non sunt, nisi in casu turgentis materiæ, plurima verò non turgent, vt dictum est. Quare &c.

15 *Quæ iudicantur, & iudicata sunt integrè, neque mouere, neque nouare aliquid, siue medicamentis, siue aliter irritando, sed sinere. 20. 1.*

Quintus scopus, in quem potissimum cōiectos oculos habeat medicus oportet, est futura naturæ crisis, & iudicatio: quæ si perfecta, & indeficiēs fuerit, nullos nobis vel vacuandi, vel quippiam mouendi locus est reliquus. Sin minus, id, quod deficit opera nostra supplendum erit. Quæ verò, & quot requirantur ad integram, & vndequaue absolutam iudicationem, sigillatim enumerata habes apud Galenum in postrema commentarij parte.

16 *Quæ ducere oportet, quò maximè natura vergit per loca conferentia, eo ducere conuenit. 21. 1.*

Quod pro sexto, & postremo scopo nobis considerandum proponitur, est regio, siue pars, per quam facienda est vacuatio ipsa. Ad quam igitur partem ex ijs, quæ vacuationibus conferentes sunt, & accommodæ, (plures autem huiusmodi esse nemo est, qui ambigat) noxii humores inclinant & uer-

gunt, per eandem moliri nos vacuationem expedit. Eorum autem a nobis ipsis tentanda est vacuatio, quæ uel omnino non iudicatur, vel plenè haudquaquam iudicata fuisse.

### QUANDO PER VOMITIONES,

quando verò per alui deiectionem purgandum sit: quiq; ad alterutram purgationem sint idonei,  
& qui secus.

Cap. vii.

17 *Medicari æstate [ ventres ] superiores magis, hyeme uerò inferiores. 4. 4.*

18 *Graciles, & facile vomentes purgare superius [ magis ] cauentes hyemem. \* Vomentes verò difficulter, & mediocriter bene carnosos, per inferiora, cauentes æstatem. 6. & 7. 4.*

Hosce duos Aphor. sub numero. 18. non inepte fuisse copulatos existimabis, si rerum verborumq; affinitas spectetur, & ipsa deniq; commenti series. Quorum quidem, & trium subsequantium doctrina ex Galeni enarratione

ne

ne clarior euadit, quàm quod ulla nostra uel modica egere videatur explanatione.

19 *Tabidos verò, cauentes ad superiores purgationes.* 8. 4.

20 *Melancholicos autem plenius per inferiores, eadem ratione contraria apponentes.* 9. 4.

21 *Quorum alui intestinorum leuitate laborant: hyberno tempore supra purgari malum.* 12. 4.

## QVO PACTO TVM CIENDAB

tum sistendę sint purgationes exemplo epoti ellebori.

Cap. viii.

22 *Cum biberit quis elleborum, ad motiones quidem corporum ducere magis: ad somnos verò atque quietem, minus. indicat autem nauigatio turbari motione corpus:*

14. 4.

23 *Cum volueris magis ducere elleborum, moue corpus: cum verò sistere, somnum facito, & non moueto.* 15. 4.

Galenus, ne cuiquam videatur idem fermè ab Hippoc. fuisse repetitum, ita hos duos Aphor. continuat: prior quidem Aphor. quomodo oporteat hominem, qui elleborum sumpsit, ad purgationem præparare, nos docuit: præsens uerò quomodo sistere purgationem &c. Quo in loco Galenum satis mirari non possum, quum clara res sit, quòd de ciente primùm, tum de sistenda purgatione integrè nos docet vterque Aphor. Sed tamen vincat Galeni sententia, quum ea in Hippoc. gratiam cedat.

Q V I S V P E R I V S, Q V I  
ue per inferiora purgandi sint, signa.

Cap.

IX.

24 *Si quis febrem non habens abstineat à cibo, & cordis morsum, & tenebrosam vertiginem patitur, & oris amaritudinem sentit: purgatione indigere per superiora significat.* 17. 4.

25 *Non febricitantibus si tormina acciderint, & genuum grauias, & lumborum dolor:*



*dolor : purgari inferius oportere significatur. 20. 4.*

*26 Supra septum transversum dolores, purgatione indigere per superiora significant : quicunque vero inferiora molestant, per inferiora. 18. 4.*

Trium horum præcedentium Aphor. ratio pendet ex doctrina eius Aphorismi, cuius initium : [ Quæ ducere oportet &c. ] Secundum enim quòd repunt humores, faciendæ sunt vacuationes. Quod autem scribitur de doloribus supra vel infra præcordia ipsa infestantibus, non intelligatur simpliciter de omnibus doloribus: sed de ijs tātum, qui purgationem exposcunt, quiq; per eandem sanari natura apti sunt. Sunt verò eius generis, quicunq; ab aliqua materiali causa ortum habent. Qui enim nudæ alicui intemperiei accepti ferūtur, nulla omnino egent purgatione, sed alterantibus tantum propulsantur contrarijs.

## PROGNOSTICON. Cap. x.

27 *Qui in medicamentis purgati non sitiunt : non quiescunt prius , quàm sitiant .*

19. 4.

Sitis , cum euenit ob membrorum inanitionem , debitæ , & completæ vacuationis est nota. [ non quiescunt ] uel potius [ non desinunt ] scilicet excernere prius , quàm sitiant .

28 *Quæ relinquuntur in morbis post iudicium , recidiuas facere consueuerunt . 12. 2.*

Galenus , & post ipsum Philotheus admo-  
nent debere præsentem Aphor. illi connecti ,  
cuius initium : [ Si quis à morbo cibum assu-  
mens non corroboratur , &c. ] 2. Aphor. 8.  
eo quòd causam assignet necessitatis vacua-  
tionis in conualescentibus , qui cibum non  
appetentes pristinas uires recuperare non va-  
lent. Veruntamen , quum eius vacuationis ne-  
cessitas (vel ipso Galeno teste) similiter dedu-  
ci possit ex sententia decimi Aphor. eiusdem  
secundi lib. [ Non pura corpora &c. ] proposi-  
to autem Aphorismo congruentior sit hic  
de vacuandi ratione locus : iccirco rectius fo-

re existimaui,decimum quidem illum Apho.  
cum eo octauo copulari, hunc verò seorsim  
hac in parte collocari.

*Prima Sectionis Finis.*

## DE INSTITVENDA VICTVS

FORMA,

Seçtio Secunda.

### P R A E F A T I O.

**A**Ggreditur nunc Hippoc.alteram The-  
rapeuticæ partem, quam Diæteticem  
appellari supra monuimus. Ea verò est  
quæ ægris conuenientem præscribit victus  
formam. Vniuersa porro victus ratio tribus  
capitibus est circûscripta, qualitate, quanti-  
tate,& vsus modo. In quibus ritè & opportu-  
ne administrandis docet hoc loco Hippocr.  
sumere indicationes a morbi constitutione,  
& viribus egrotantis: ad hæc autem & ab æta-  
te, à consuetudine, anni tempore, aliisq; id  
genus,vt intuenti patebit. constitutionis au-  
tem morbi appellatione (ne in ignotis uerfe-  
mur

60 DE INSTIT. VICT. FORMA  
mur terminis) intelligitur ea, quæ de morbis  
ipsis habetur contemplatio, num videlicet ij  
peracuti sint, an acuti, an verò diuturni: quan  
do item in suo consistent uigore. Testis est  
Gal. 1. Aphor. comm. 12.

## DE VICTVS QVANTITATE

Cap.

1.

I *Victus tenuis, atque exquisitus, in pas  
sionibus quidem longis semper, in acutis ve  
ro, in quibus non conuenit, periculosus.  
Et rursus, qui ad extremum deuenit tenui  
tatis, grauis est. Nam & repletiones, quæ  
ad extremum deueniunt, graues sunt. 4. 1.*

Victus ex parte quantitatis diuiditur in te  
nuem, tenuissimum, mediocrem, & plenum.  
Tenuis rursus in exquisitè & non exquisitè ta  
lem. Tenuissimus quoq, in eum, qui ad extre  
mum deuenit tenuitatis, & in tenuissimum  
quidem, at non in extremo. Plenus igitur vi  
ctus (vt hinc auspicemur) is dicitur, qui vires  
ipsas potens est augere. Tenuis cōtrà, qui eas  
dem diminuit, & diminutas conseruat, fitq;  
per pauca (autore Galeno) vel parum nutriti  
tia

tia edulia ita, vt ad tenuem victus rationem attineant non ea tantum, quæ parum suapte natura alimentis præstant, sed & quæ plurimum alunt, dummodo in pauca quantitate & parua exhibeantur mensura. Ad quam sane Galeni doctrinam permulti non animaduertentes scelus putant nefandum, ac piaculum eos cõmittere, qui in febribus cõtinueis, aut alijs morbis acutis audent ipsis ægrotantibus largiri paxillum uel carnis contusæ. vel chondri, vel vitelli recentis oui, & id genus aliorum, quæ tamen Galenus ipse minimè ve reatur concedere. Hic autem tenuis victus (vt iam dictum est) diuiditur in exquisitè, & non exquisitè talem. Quemadmodum tenuissimus in eum, qui ad extremum deuenit tenuitatis: & in tenuissimum quidem, non tamen in extremo. Mediocris verò, qui & modicus, is esse perhibetur, qui naturæ robur conseruat, fouetq; corporis vires: non autem cassidè vel auget, demolituruè. Hasce verò omnes victus formas miro hic perstrinxit compendio Hippoc. Quum enim dicat primùm [victus tenuis] ac deinde subdat [exquisitus] duas priores victus tenuis differentias tangit, exquisitè. (inquam) & non exquisitè tenuis. In altera autem Apho. parte cum grauem statuit

tuit esse victum, qui ad extremum deuenit tenuitatis, victum circumscribit tenuissimum, quem rursus secare licet in tenuissimum in extremo, & non in extremo. Plenum porrò victum assignat, cum immodicas damnas repletiones inquit: [nam & repletiones, quæ ad extremum &c.] Mediocrem verò substituit quidem, sed quem facile colligere ac inferre possis ex dictis. Nam positis extremis ipsius victus differentijs, facile est cuilibet eam, quæ in medio consistit, subintelligere. Præterea, si victus tenuis in morbis diuturnis grauis perpetuò est ac periculosus: relinquitur necessariò vt iisdem morbis non nisi mediocris congruere dicatur, siquidem in longis morbis studemus (vt inquit Gal.) seruare vires: quod sane munus ad mediocrem attinet victus rationem. Loquuturus itaq; Hippo. de ipsa victus Quantitate sumpta indicatione à morbi cōstitutione, hoc est à natura morbi, & futuro totius morbi vigore: hoc Apho. vult edocere in quibusnam morbis victus tenuis dicatur esse periculosus, per hoc ipsum dogma cautos reddens medicos ne temere victum imperent tenuem ac tenuissimū: quando ex magnis in victu mutationibus magni & effatu digni contingant errores. Vnde verò

rò emergat, suboriaturvè periculum in præscribenda tenui victus ratione, sequens disse-rit Aphorismus.

2 *In tenui victu agri delinquant : quò fit , ut magis ledantur . Quicunque enim error committitur , maior in hoc fit , quàm in paulo pleniori victu . Propterea etiam sanis periculosus existit valde tenuis , & constitutus , & exquisitus victus , quoniam errores grauius ferunt . Ob hoc igitur tenuis victus atque admodum exquisitus , eo , qui sit paulo plenior , magis periculosus . 5. 1.*

Cauet his verbis Hippo. monetq; , ne quis absq; diligenti trutina , & examine tenuem , atq; admodum exquisitam præscribat agris victus rationem: vt quæ ægrotantium corpora ad tolerãdos innoxie errores ( si qui fortè vel medici culpa, vel ipsius ægroti, vel assidentium committantur) reddat impotentiora . Quòd si hanc omnino imperare cogatur quãdoq; medicus , impensè obseruet , ac strenuè laboret, ne quis error accidat, quomodoq; irreperere is queat.

3 *Extremis morbis extrema exquisitè remedia optima sunt . 6. 1.*



4 *Ubi igitur morbus peracutus est, statim & extremos habet labores, & extremè tenuissimo victu vitendum est. Ubi verò non, sed pleniorē victum contingit adhibere: tantum cibi indulgendum est, quantum morbus extremis est mollior. 7. 1.*

Nisi terminum [remedia] latè alioqui patentem ad solam victus rationem contraheamus, non esset reuera eius Aphor. proprius hic locus: sed in quinta potius collocandus fuisset sectione, vbi Theoremata ad curatiuā methodum spectantia proponuntur. Extremis igitur morbis extrema adhibenda sunt remedia, ex quibus vnum est inedia, & de qua nobis futurus est sermo. Continuatur autē ij duo Aphorismi ad præcedētes hunc in modum: Quum hætenus docuerit Hippocr. in quibus morbis tenuis victus sit periculosus, nunc volens edocere in quibus ille cōueniat, hanc vniuersalem in primis assumit, statuitq; sententiam: [extremis morbis extrema remedia optima sunt] Deinde sumens quasi sub ea minorem, (sed morbus peracutus est extremus,) illius probationem statim apponit alterius Aphor. initio cum inquit: [vbi morbus



morbus peracutus est, statim extremos habet labores, ] & tandem infert conclusionem : ergo in eo extremè tenuissimo victu est vtendum . Hanc sanè artificiosam duùm horum Aphor. connexionem explicuit Oddus quidam Patauinus, cuius commentaria in primam Aphor. Sectionem nuper in lucem prodire. In altera verò Apho. parte cum inquit : [vbi verò non, sed pleniorẽ victum, &c.] quandam tradit regulã genericã, qua cuilibet morbo non peracuto addiscamus conuenientem adhibere victus rationem. Quanto enim morbus extremis est mollior, id est quanto magis ab acutis seu peracutis distat, tãto eius vigor remotior, & per consequens tanto uberior adhibendus erit victus .

5 *Quando morbus in suo vigore consistet, tunc victu tenuissimo vtendum est .*  
8. I.

Visum est hætenus quo pacto victus quantitatem metiri expediat sumendo indicationem à natura ipsius morbi; restat nunc de eadem victus quantitate verba facere indicatione sumpta ex futuro totius morbi vigore. Quòd verò in statu ipso victu tenuissimo vtendum sit, tum propter symptomatum magnitudi-

66 DE INSTIT. VICT. FORMA  
gnitudinem, tum etiam ob morbi coctionē,  
in confesso est apud omnes.

6 *Quibus igitur statim morbus consistit, ijs etiam statim tenuis victus adhibendus est: quibus verò posterius debet consistere, iis & in ipso consistendi tempore, & parum ante illud cibus subtrahendus: prius verò vberius victus adhibendus est, ut ager sufficiat. IO. I.*

Quodam consequutionis modo deducitur huiusce Aphor. sententia ex immediatè antecedentis doctrina. Quare, perperam interpositus fuerat sequens Aphor. in quo de spectandis ægrotantium viribus fit mentio. [ *Quibus igitur statim morbus cōsistit &c.* ] Quod est perinde ac si dixisset Hippoc. Si in morbi vigore perpetuò victu est utendum tenuissimo: patet, quòd quibus statim morbus consistit, ijs etiam statim &c. Quod sanè quàm ex dictis iam satis relinqueretur manifestum, id ipsum tamen voluit Hippocr. quodammodo iterare, ut nobis indicaret quanti sit momenti vigoris morbi prænotio ad ipsam victus rationem probè instituendam. Quo in casu iure meritoq; excusandū Hipp. putat

putat Galenus. 5. Aphor. comm. 64. in calce .  
Futurum itaq; morbi vigorem prænosse me-  
dicum oportet, vt discat tantū à victus tenui-  
tate esse declinandum, quantum à suo vigore  
& statu morbus ipse.

7 *Coniectari autem oportet, an æger cum  
victu sufficiat perdurare, donec morbus  
consistat: & nunquid prius ille deficiat, nec  
possit cum victu perdurare: vel morbus an-  
tea deficiat, atque hebetescat. 9. I.*

Ipsius victus quantitas non solum ex mor-  
bi constitutione metienda est, sed et ex viri-  
bus ipsius ægrotantis.

8 *Senes facillimè ieiunium ferunt: secundo  
loco, qui ætatem consistentem habent: mi-  
nus adolescentes: omnium minimè pueri,  
præsertim qui inter ipsos sunt viuiores.*

\* *Qui [enim] crescunt, plurimum habēt  
calidi innati: plurimo igitur egent alimen-  
to, alioqui corpus absumitur. Senibus verò  
parum calidi innati inest: paucis propterea  
fomitibus egent, quia à multis extinguun-  
tur. Hanc etiam ob causam febres senibus*

*non similiter acuta fiunt: frigidum enim eorum corpus. 13. & 14. 1.*

De victus quantitate nunc verba facit sumpta indicatione ab ætatum differentia. Hæc enim ætas maiorem, illa minorem cibi exigit oblationem: pro ipsa nimirum calidi innati mensura, quæ in varijs ætatibus varia esse dignoscitur. oportet siquidem alimenta caloris multitudini proportionem respondere. Illud verò ignorandum non est, quod & Galenus annotare voluit, per verbū [ieiuniū] duo nos posse intelligere: vel paucitatem ciborum, vel omnimodam inediam. Si primum, de senibus, qui extremam agunt senectam, hoc esse dictum est arbitrandum: Si alterum, de ijs solum, qui in ipso senectutis limine sunt constituti.

9 *Ventres hyeme & vere natura calidissimi sunt, & somni longissimi: quare per ea tempora alimenta copiosiora sunt exhibenda. Etenim tunc calor innatus copiosior est, unde & pluribus egent alimentis: indicio sunt ætates, & athletæ. 15. 1.*

Expedit

Expedit & ab anni temporibus sumere indicationem in quantitatis offerendorum ciborum electione. Qui enim calor corpora nostra regit, & gubernat nō perpetuò, hoc est quouis anni tempore ijsdem omnino præditus est viribus: sed hyeme quidem, atq; vere auctior in nobis est, & vegetior: æstate verò, & Autumno exiguus, ac imminutus.

10 *Ubi alimentum præter naturam plus ingestum est, hoc malum facit: ostendit autem [ & ] sanatio. 17. 2.*

Claudit hoc sermone Hippocr. de victus quantitate doctrinam, præcipiens uitandam esse satietatem, atq; immodicam repletionē, ut quæ multis & grauissimis malis nos reddat obnoxios. Quod scribitur in calce Aphor. ita intelligere oportet: [ostendit autem & sanatio] videlicet cum ipsa rei natura, quòd ubi supra modū corpus repletum est, ipsum ægrotet sit necesse. [Sanatio] inquam, id est medela & curatio, quæ vacuatione ipsa perficitur. Quicunq; enim morbi ex repletionē fiunt, (eodem Hippoc. autore) curat euacuatio &c. 2. Apho. 22.

## DE VICTVS QUALITATE

Cap.

II.

II *Victus humidus febricitantibus omnibus confert, maximè verò pueris, & aliis, qui tali victu vti consueuerunt. 16. I.*

Quæcunq; præter naturam (sunt autem in vniuersum tria, morbus, morbi causa, & quod morbum, velut umbra corpus sequitur symptoma) suis contrarijs perpetuò expugnare oportet, ac demoliri. Quæ verò secundum naturam, (qualia sunt ætas uniuscuiusq; proprium temperamentum, & ipsa deniq; adscititiam faciens naturam consuetudo) ea suis similibus cōseruare, ac fouere cōuenit. Hinc elicitur, quod passim in ore omnium versatur: Similia similibus conseruantur. Quod fanè Axioma, nisi rectè intelligatur, bonam subuerteret Medicinæ partem, ac plurimas in se concitaret easq; implacabiles controuersias. Huius porrò germanum planumq; intellectum prodit Galenus 3. Apho. comm. Aph. 3. Loquens enim de ætatibus, naturis, & morbis ipsis quomodo se habeant ad tempora, loca, & victus genera subdit, & inquit: Contrarij quidem ad contraria bene, similes autē ad

ad similia malè, præterquam, si ætas temperata & victui, & regioni, & loco temperato cõparetur: Hoc enim solo modo similes à similibus bene afficientur, &c. Cur verò Hippocr. hic victum tantum humidum febricitantibus consulat, non etiam frigidum, quum eadem ratione illud competat, pulchra est disceptatio.

## DE CIBANDI VSVS MODO.

Cap.

III.

12 *Et quibus semel, aut bis, & quibus plura, vel pauciora & particulatim oporteat afferre, considerandum. Condonandū autem aliquid tempori, ætati, & consuetudini. 17. 1.*

Discretam victus quantitatem, & cibandi vsus modum, rem sanè animaduersione dignam proponit nunc Hippocr. medico scilicet contemplandum esse, nunquid siue noctu, siue interdiu semel, bis, vel etiam sæpius cibare ægros oporteat. Item, siue semel, siue sæpius, nunquid plura, vel pauciora sint quæque vice exhibenda. Quam rem explicare, ac determinare distulit in eo, qui statim hunc



sequitur, Aphor. Illud tantum nos admonet hoc loco, vt ad ætatem, anni tempus, & consuetudinem respicientes: his ipsis nonnihil concedamus, aliquid condonemus

13 *Æstate, & autumno cibos difficillimè ferunt, hyeme facillimè: secundum locum ver habet. 18. 1.*

Quibus itaq; semel, aut bis, quibus item plura, vel pauciora sint offerenda, hinc perpendere, & omnino perdiscere licet: quòd æstate quidem & autumno (quoniam cibos difficillimè ferunt ægrotantes) sæpius & pauca exhibere oportet: hyeme verò (quoniam facillimè) contra, rarò & plura. Non esset autè opportunum hyeme quidem sæpius & pauca afferre quia multiplicarentur vices sine ulla necessitate: quum vis naturalis eo tempore valida existens plures simul & semel conficere cibos queat. Ex his perspicuum euadit, quòd licet ad victus quantitatem præscribendam sumantur indicationes potissimum quidem à morbo, & viribus ægrotantis, ad hæc verò & ab anni tempore, ab ætate, & consuetudine, quæ tria coindicantia potius, quàm verè indicantia dicenda sunt: quod attinet tamen ad ciborum vsus modum, id est particularem



larem cibandi normam, haud levis à tempore ipso sumitur indicatio.

14 *In accessionibus abstinere oportet: nã cibum dare nocuum est; &, quibus per circuitum fiunt accessiones, in ipsa accessione abstinere oportet. II. I.*

Particulariũ cibi oblationum idonea tẽpo-  
ra docẽt, ac nobis insinuant ipsæ morborũ ac-  
cessiones. Nam, neq; cũ iam adsunt neq; haud  
ita multò post affuturæ sũt accessiones dādus  
est cibus: sed cũ declināt iam, aut omnino ces-  
sant. Signanter dictum est, [Et quibus per cir-  
cuitum &c.] In quibus enim morbis hæ per-  
circuitus minimẽ fiunt, hoc est accessionum  
ordo non seruatur, ratio exquisita inuenien-  
di temporis, quo cibus offeratur, haberi ne-  
quit.

15 *His, qui per circuitus accessionem ha-  
bent, nihil dare oportet, neque cogere, sed  
subtrahere adiectioni ante indicationes.*

19.1.

Vel hic, vel superior tanquam superfluous  
erat reiiciendus. Galenus tamen vtrunq; ad-  
mittit, & vtrunq; eodem modo introducit.  
Tu verò diligenter considera.

Acces-

16 *Accessiones verò, & constitutiones, morbi indicabunt; & anni tempora; & circuituum successiva incrementa, siue quotidie, siue alternis diebus, siue per maiora interualla fiant. Sed & ex iis, quæ mox apparent, indicia sumuntur; quemadmodum in morbo laterali, si circa initia statim sputum appareat, morbum breuiat: si verò postea appareat, producit. Et vrina, & alui excrementa, & sudores, quæcunque apparuerint, vel bonam morborum iudicationem, vel malam, vel breues, aut longos fore morbos ostendunt. 12. 1.*

Quum ad absolutam & integram victus rationem instituendam docuerit Hippoc. sumere indicationes à morbi constitutione, accessionibus ipsis & viribus ægrotantis: quo pacto quis valeat tum morbi constitutionem dignoscere, tum futuras accessiones prævidere, non minus peritè & artificiosè, quàm breuiter & summatim hac oratione edocuit magnus Hippocrates.

QVAEDAM VELVTI AXIOMATA in ipsa victus ratione obseruanda. Cap. IIII.

17 *Parum deterior potus & cibus, suauior autem, melioribus quidem, sed minus suauibus est praferendus.* 38. 2.

18 *Quae ex longo tempore consueta sunt, etsi deteriora sunt, insuetis minus molestare solent. Oportet igitur ad insueta permutari.* 50. 2.

Circa ea, quae assumuntur, vnicè & delectionis & consuetudinis habendam esse rationem ex his manifestum relinquitur. Licet autem posterior Apho. de omnibus simpliciter consuetis intelligi possit, & fortè ad hunc sensum ab ipso Hipp. exaratus fuerit: placuit tamen ipsum contrahere ad hanc materiam de victus ratione ob id, quòd si alia quapiam in re, vel maxime in assumendis consuetudo est attendenda.

19 *Ubi fames, laborandum nō est.* 16. 2.

Deficiente cibo non est exercitandum corpus, siue sanum illud fuerit, siue ægrum. Si enim quo die quis sumpturus cibum non est  
huic

76 DE INSTIT. VICT. FORMA  
huic labor iniungatur, viriū dissolutionem  
incurfat necesse est.

20 *Quæ longo tempore extenuantur cor-  
pora, lentè reficere oportet: quæ verò bre-  
ui, breuiter. 7. 2.*

21 *Facilius est impleri potu, quàm cibo.  
11. 2.*

22 *Eorum, quæ vniuersim, & velociter  
nutriunt, veloces quoque fiunt excretiones.  
18. 2.*

Qui refectione indigēt, alij quidem te-  
nuer ac non nisi longo in tempore sunt refi-  
ciendi: alij verò plenius, & celeriter. Quæ  
autem id efficere nata sint, hoc est quænam  
citissimè nutrire valeant, & quæ contrà, sci-  
tè admodum, ac compendiose nobis indica-  
uit Hippocrates. Potus itaq; qui quidem nu-  
triendo sunt, & ea in vniuersum quorum ve-  
loces fiunt excretiones, alijs nutriendi cele-  
britate præstant.

## P R O G N O S T I C O N.

Cap. v.

23 *Ubi fauces agrotant, aut tubercula  
nascuntur in corpore, excretiones inspicere*  
re

*re oportet . Nam , si bilioſæ fuerint , corpus vna agrotat , [ neque tutum eſt ipſum nutrire . ] Si verò ſimiles ſanis : [ corpus vnà non agrotat , ] & tutum eſt ipſum nutrire .*

15. 2.

In propoſito caſu, vbi bilioſæ & his , quæ præter naturam, ſimile appareât excretiones: cacochymum eſſe corpus, & prauis adhuc reſertum eſſe ſuccis teſtantur . Quare, haud tutum eſt ipſum nutrire; Non pura enim corpora (vt ſtatim dicetur) quanto plus nutries, tanto magis lædes.

24 *Omnes ferè , qui malè ſe habent circa initia , bene cibati, nec quicquam proficientes ; circa finem rursus cibum valde nõ appetunt , qui vero circa initia cibum valde non appetunt , poſtea bene appetentes ; ii melius euadunt. 32. 2.*

Ad conualeſcentes attinet, hic , & duo ſequentes.

25 *Si quis à morbo cibum aſſumens non corroboratur , plurimo alimento corpus vii ſignificatur . Quod ſi non aſſumentem cibum hoc accidat , ſcire oportet , quod indiget*

eua-

78 DE INSTIT. VICT. FORMA  
*euacuatione. \* Non pura [ enim ] corpora  
quantò plus nutries , tantò magis lædes. 8.  
¶ 10. 2.*

Quæ hic scribit Hippoc. non sic accipien-  
da sunt, vt ea perpetuò ac necessario ita se ha-  
bere credendum sit: sed sufficit quòd vt pluri-  
mũ, magnaq; ex parte id vsu veniat. Primũ  
enim fieri potest, quòd quispiam conualescẽs  
cibum assumat, nec inde pristinas vires recu-  
peret: & tamen in causa non erit cibus plus,  
quàm modo naturæ conueniat, ingestus, sed  
prauorum humorum copia, ad quos conficiẽ-  
dos natura erit distracta. Quam vtiq; causam  
pulchre nouit Galenus ipse 2. Aphor. comm.  
32. vbi his propemodum verbis inquit: Cau-  
sa verò, ob quam bene ab initio cibati ni-  
hil proficiant, est totius corporis vitium  
cum partium appetentium uigore. Huc pos-  
sunt & aliæ referri causæ, de quibus Auic. 2.  
4. cap. de regimine conualescentis. Item, pos-  
sibile est conualescentem reperiri, qui ab o-  
mni humorum vitio immunis existens, quũ  
cibum non assumat, ad pristinam sanitatem  
redire haud poterit: & tamen nemo sanæ mẽ-  
tis dixerit hunc vacuatione indigere: quippe  
is vitiosos humores (ex hypothesi) non habet  
quos

quos vacuare necesse sit. Quænam igitur erit huiusce affectus causa? multiplex hercle iuxta Auic. placita ea 2.4. cap. de cibatione cõualefcentis. In his itaq; & multis alijs tũ Hippoc. tum Galenus sano modo audiendi sunt. Quod veró dicitur in secunda Aphor. parte, [Non pura corpora &c.] non omnino ambiguitate caret. Palam enim Auic. 2.1. Doc. 3. cap. 7. de regimine eius, quod comeditur & bibitur, huic sententiæ aduersari videtur in hæc verba: Cum alicuius corpus malis fuerit repletum humoribus cum subtilitate, ipsum nutrientibus laudabilibus copiosè refice. Sic & Galenus 1. Aphor. com. 17. cū inquit: Si cū humorum defectu vel corruptione vires validæ fuerint, tunc multos cibos atq; multotiens his, qui ita laborauerint, dabimus. Hæc verò inter se dissidentia loca vobis concilianda relinquo. Interim reliqua nostri instituti prosequar.

26 *Quibus tubercula, vel in articulis labores ex longis febribus fiunt, ii pluribus viuuntur cibis. 45. 4.*

Illud [ex longis feb.] in codice, qui ex tertia Iuntarum editione circumfertur, omnino desideratur. At in vulgatiore Leonicensi interpret-

terpretatione nequaquam omiſſa ſunt ea verba : ſunt enim re vera de integritate ipſius Aphor. Quod additamentũ etiam reperies factum in codice nuperrime à Raſario emendato ac reſtituto .

*Secunda Sectionis Finis .*

## DE QVATVOR ANNI

Temporibus , & eorum conſtitutionibus , quos videlicet morbos pari-  
ant .

*Seçtio Tertia .*

## PRAEFATIO.

**A**Bſolutis hætenus duabus Therapeuticae partibus , de quibus ab Hippocr. in Aphorismis ſermo eſt habitus : nũc ea , quæ de temporibus , eorumq; conſtitutionibus ab eodem conſcripta fuere auctore , tertia hac claſſe complectemur . Quæ in duas diſtribuitur partes. Prior quidem erit de temporibus : altera verò de ipſorum temporum conſtitutionibus . Et hæc pars ſecunda bipartitò  
rurſus



rursus secatur, prout & ipsæ constitutiones dupliciter considerantur, vt simplices, & vt compositæ. Compositas nunc vocamus constitutiones, duorum, vel plurium temporum inuicem connexas alterationes & temperaturas: vt, cum hyemem supponimus siccam & aquiloniam iunctam veri pluuioso & australi, quæ nimirum constitutio æstate subsequente febres inducit acutas, lippitudines, &c. Ac priorem quidem simplices, secundum verò cōpositæ sibi vēdicabunt locum. Est enim natura atq; doctrina prius simplex composito. 3. Aphor. comm. 15. Nouisse autem oportet, longè plures esse Constitutionum differentias, quàm meminerit Hippocr. in Aphorismus. Qui igitur plenorem de his tractationem exquirat, libellum adeat, cui idem Hippoc. titulum fecit de Aquis, locis, & aëre: item, primum de morbis vulg. cum luculenta Galeni enarratione. De temporibus ipsis illud tantum hic obiter subscribam, videlicet quòd ortus Pleiadam æstati, occasus verò hyemi initium facit. Arcturus oriens Autumnū: Acquinoctium, quod hyemem sequitur, Ver ipsum inchoat. 3. Aphorif. comm. 14. Sed hæc ipsa Astrologis potius discutienda relinquamus.

## DE QVATVOR ANNI

Temporibus in genere .

Cap. 1.

1 Per tempora anni, vere quidem [adole-  
scentes, & prima aestate pueri] optimè de-  
gunt, & sani sunt maximè: aestate verò &  
autumno vsq; ad aliquid, senes: reliquum,  
et hyeme, qui mediam ætatem habēt. 18. 3.

2 Naturarū, hæc quidem ad ætatem, hæc ve-  
rò ad hyemem, bene, maleuè se habent. 2. 3.

3 Morbi quoq;, [ & ætates, alijs ad alia  
tempora & loca, & victus genera, bene, ma-  
leuè se habent. ] 3. 3.

4 In constantibus temporibus, cum tempe-  
stiue tempestiua redduntur, morbi constan-  
tes, et boni iudicij fiunt: in inconstantibus au-  
tem, inconstantes, & mali iudicii. 8. 3.

5 Aestiuæ quartana magna ex parte bre-  
ues, autumnales longæ, & maximè quæ  
hyemem attingunt. 25. 2.

Habita febris ratione poterat hic Aphor. in septima Sectione in cap. De febribus conscribi. Verum, quoniam agitur hoc loco de quartana in ordine, & respectu ad ipsa tempora, ideo &c.

DE IISDEM SIGILLATIM, ET  
primùm quidem de vere. Cap. II.

6† Morbi omnes quidem in omnibus temporibus fiunt, quidam verò magis in quibusdam ipsorum & fiunt, & excutuntur.

\* Vere etenim furores, & atræ biles, et morbi comitiales, & profluvia sanguinis, & angina, & grauedines, & raucedines, & tussis, & lepra, & impetigines, & vitiligines, & pustulae ulcerosae plurimae, & tubercula, & articulorum morbi. 19. et 20. 3.

† Quum hic ad sequentes se habeat ut Proœmium quoddam, haud ab re nobis visum fuit cum eo, qui sequitur immediate, illum copulare. Nec ad hoc parum me mouit particula [etenim] alterius Aphoris. initio statim apposita.

## D E A E S T A T E.

Cap. III.

7 *Aestate autem nonnulli horum, et febres continuae, et ardentes, et tertiana febres plurimae, et quartanae, et vomitus, et alui profusio, et lippitudines, et aurium dolores, et oris ulcerationes, et genitalium putredines, et sudamina. 21.3.*

## D E A V T V M N O.

Cap. IIII.

8 *Autumno verò et multi aestivi morbi sunt, et febres quartanae, et erraticae, et lienes, aquae inter cutem, et tabes, et stillicidia urinae, et difficultates intestinorum, et laevitates intestinorum, et coxendicum dolores, et anginae, et anhelationes, (quas Greci asthmata vocant) et ilei, et morbi comitiales, et furores, et melancholia. 22.3.*

9 *Autumnus tabidis malus. 10.3.*

## D E H Y E M E .

Cap. v.

10 Hyeme verò morbi laterales, et pulmonis inflammationes, grauedines, atq; raxcedines, tusses, dolores pectoris, et laterum, atq; lumborum, capitis dolores, vertigines, et apoplexia. 23. 3.

## D E V E R E R V R S V S ,

&amp; Autumno. Cap. vi.

11 Dolores podagrici vere, et autumno magna ex parte mouentur. 55. 6.

12 Autumno morbi acutissimi, atque exitiales, maxima ex parte. ver autem saluberrimum, et minime exitiale. 9. 3.

D E T E M P O R V M C O N -  
stitutionibus, & primùm quidem de simplicibus.

Cap. vii.

13 Mutationes temporum potissimum pariunt morbos: et in quibusdam temporibus

f iij magnè

*magnæ mutationes, aut frigoris, aut caloris: et alia pro ratione, eodem modo. 1. 3.*

Galenus in commento nititur probare aduersus quorundam sententiam, quòd Hippo. per [mutationes] non successiones temporum intellexerit: sed alterationes, quæ fiunt in ipsis temporibus, idq; propter illud verbum, [potissimum] quod initio Aphor. est appositum. Quum enim, inquit, temporum successiones non minus soluant, quàm pariant morbos, si per [mutationes] ipsorum temporum successiones intellexisset Hippo. certè dictionem hanc [potissimum] non apposuisset. Ego verò vnum addo pro astruenda, & roboranda Galeni interpretatione, nèpe hoc idem præter vocem illam [potissimū] iam tertio repetitam satis superq; constare ex eo, quod statim subdit Hipp. [Et in quibusdam anni temporibus magnæ mutationes, aut frigoris, aut caloris, &c.] Quid aliud quæso, per magnas mutationes, aut frigoris, aut caloris in quibusdam anni temporibus contingentes intelligi potest, quàm alterationes, quæ in iisdem ipsis fiunt temporibus? Quòd si tu dicas, Hippocr. per [mutationes] hîc vnum voluisse, ibi verò in capite Aphor. aliud:

aliud: contra, ergo æquiuoco nomine vsus esset Hipp. in eadem sententia, quod est vel cogitatu absurdum.

14 *Austri auditum hebetantes, caliginosi, caput grauantes, pigri, dissoluentes. Quando huiuscemodi tempestas præualuerit, talia in morbis patiuntur. At, si aquilonia fuerit, tusses, fauces, alui duræ, difficultates vrinae, horrores, costarum dolores, et pectoris. Quando hæc tempestas præualuerit, talia in morbis expectare oportet. §. 3.*

15 *Quotidiana autem constitutiones, aquiloniae quidem corpora densant, et bene firma, et bene mobilia, bene colorata, et melius audientia faciunt, et aluos exiccant, oculos mordent, et, si pectus dolor aliquis prius obsederit, dolorem augent. Austrinae [humeant, et ob hoc dissolunt corpora,] auditum obtundunt, capita aggauant, et vertigines faciunt, oculis atq; corporibus difficilem motum præstant, et aluos humectant.*

17.3.



In eo, qui hunc antecedit, Aphor. mala dū taxat, quæ ex Austrinis, & Aquiloniis proficiſcuntur constitutionibus, enumerauit Hipp. In hoc verò recenset bona, quæ affert eadem Aquilonia constitutio, cum hæc ipsa viget: paucis quibusdam, ijsq; leuibus malis (collatione facta ad ea, quæ Austrum sequuntur) annexis. Bona autem, quæ Auster spirans afferrat, nulla retulit Hippocr. vt qui vndequaq; malus sit, & morbosus. Omnium enim aeris temperamētorum pessimum id existit, quod calidum, & humidum, auctore Gal. in 1. de tēperamentis.

16 *Ex anni autem constitutionibus (quod in totum dixerim) siccitates imbris sunt salubriores, et minus mortifera. 15.3.*

17 *In siccitatibus febres acutæ fiunt: et, si annus magna ex parte talis fuerit: qualem fecerit constitutionem, tales magna ex parte morbos oportet expectare. 7.3.*

Quoniam visus fuit Hippo. in his duobus Aphor. pugnantia dicere; iccirco Galenus, vt apparentem tolleret contradictionem, ita posteriori Aphorismum exponit: Nō multas ait febres in siccitatibus fieri, sed acutas. Hæc ille



ille. At, meo iudicio, nō uidetur ob hoc sublata difficultas. Licet enim sicca tēpora pauciores numero pariant febres, quā pluuiosa: verū, quia acutiores, ideo & periculosiores, (quod & sensit Philotheus, qui postremis illis verbis contextus: [ & si annus magna ex parte talis fuerit &c. ] subdit: acutos, & periculosos) Cuius tamē oppositum ab eodem Hippoc. prius fuit dictum, cum statuit ex vniuersis anni constitutionibus siccitates esse imbris salubriores, & minus mortiferas.

18 *Morbi in pluuiarum multitudine magna ex parte fiunt, febres longae, alui profluvia, putredines, morbi comitiales, apoplexiae, et anginae. In [immodicis] autem siccitatibus, [lippitudines tabidae,] articulorum morbi, stillicidia urinae, & difficultates intestinorum. 16. 3.*

Secunda huius Aphor. pars non caret obscuritate, nisi eas adhibueris distinctiones, de quibus fusius in commento Galenus.

19 *In temporibus, quando eadem die modo calor, modo frigus sit, autumnales morbos expectare oportet. 4. 3.*

Quando

20 *Quando aestas fit veri similis, sudores in febribus multos expectare oportet. 6.3.*

Aestatem re vera talis temperatura experti sumus Anno ab Auctoris nostræ salutis ortu. 1560. Et memini tunc in febribus multos cōtigisse sudores. Cuius rei euentum cum medicus quidam haud sanè obscuri nominis (quicum actum prætictum eo tēpore exercebam) admiraretur, hac eadem prænuntiatiua Hipp. sententia à nobis in medium producta mirari statim desijt.

## DE COMPOSITIS CONSTITV- tionibus. Cap. VIII.

21 *De Temporibus, si quidem hyems sicca, & aquilonia fuerit, ver autem pluuiosum, et australe, necesse est aestate febres acutas fieri, & lippitudines (Graeci ophthalmias vocant) & intestinorum difficultates, praecipuè verò mulieribus, et viris, qui natura sunt humidiores. II 3.*

22 *Si verò hyems australis, et pluuiosa † fuerit, ver autem siccum, et aquilonium, mulieres, quibus partus ad ver inest, ex quacumque*

*que occasione abortiunt: quae verò parient, imbecilles, et morbosos infantes parient: Quare, vel statim intereunt, vel tenues, et valetudinary viuunt. Caeteris verò mortalibus difficultates intestinorum, et lippitudines siccae fiunt: senioribus autē destillationes, quae cito interiment. 12.3.*

† In Græco exemplari interiacet dictio [ ὡς ἂν ] quam aliqui serenam, aliqui tepidam, alij clementem interpretantur. Mihi verò magis arridet, vt expungatur: & re vera lectio hæc Galeni comento est cōgruentior, tum quia de ea dictione ne verbum quidem fit in toto eo commento: tum etiam propterea quòd Galenus ipse talem hic supponit hyemem, quale in antecedenti Aph. erat ver, quod ibi descriptum fuit pluuiosum tantum & australe.

23 *Si vero aestas sicca fuerit, et aquilonia, autumnus verò pluuiosus, & australis; dolores capitis ad hyemem fiunt, & tusses, rauedines, atque grauedines: quibusdam autem et tabes. \* Si vero aquilonius, & siccus, iis, qui naturam habent humidiorē,*  
 &

*et mulieribus confert; reliquis autem erunt lippitudines siccae & febres acutae, et grauedines, nonnullis vero et atrae biles. 13. et 14. 3.*

Quidam alioqui haud contemnendae auctoritatis Medici quum vellent causas perscrutari, vnde tot tuisses, tot capitis dolores, tot demum raucedines, atq; grauedines (quæ mala hoc anno. 1562. incunte hyeme per totam ferè Europam, graui nimis Mortalium damno, grassari visa sunt) ortum traherent: mera ac penè ridicula excogitarūt somnia. Qui si tempestatem hanc, seu temporis constitutionem ab Hipp. in prima Aphor. parte descriptam tantillum olfecissent, ac primis duntaxat labris degustassent, re ipsam acu (quod dici solet) tetigissent omnino. Neq; in re vel luce meridiana clariori adeò cæcutissent. Quòd autem æstas præcesserit sicca, eidemq; autumnus successerit pluuiosus, nemo est qui hoc ipsum ingenuè non fateatur.

*Tertia Sectionis Finis.*

DE AETATIBVS, QV<sup>93</sup>AB  
quibus morbis sint ob-  
noxia,

Sectio Quarta .

P R A E F A T I O .

**A**etas, qua quidē voce nobis designatur  
totius humanæ vitæ periodus, nō vna  
in singulis esse dignoscitur, sed multi-  
plex: variè tamen ab autoribus ad varia respi-  
cientibus diuisa, ac distributa. Hipp. 1. Apho.  
13. ad ieiunij tolerantiam respiciens ætates  
quaternario numero absoluit, complecti-  
turq; . Primo loco statuit senium, secundo cō-  
sistentiæ ætatem, tertio adolescentiam ipsam  
quarto demum pueritiam. Idem verò 3. Aph.  
a 24. infra ad morborum generationem suæ  
mentis dirigens intuitum, prout videlicet  
contingit alias ætates alijs morbis esse obno-  
xias, longè plures statuit ætatum differentias.  
Auic. 1. 1. Doc. 3. cap. 3. ætatem primū qua-  
dripartitò diuisam reliquit dicens. Aetates  
omnes sunt quatuor &c. Deinde primam  
ætatem, quæ adolescentia est, subdiuidit, ac  
in partes quinque distribuit, in infantiam,  
dentium

dentium plantatiuam, quam ipse appellat, et  
concussionis ætatem, &c. De quibus sigilla-  
tim Hippocr. loco paulò ante citato, & à qua  
Aphorismòrum serie nostram hanc sequentē  
auspicati sumus Sectionem.

DE PRIMA AETATE, ID EST  
de recens natis puerulis siue Infanti-  
bus. Cap. I.

1 *In aetatibus autem talia contingunt: par-  
uis, et nuper natis puerulis oris vlcera,  
(quae aphthae vocantur) vomitus, tusses,  
vigiliae, pauores, vmbilici inflammatio-  
nes, aurium humiditates. 24. 3.*

DE SECVNDA AETATE, IN  
qua Pueri iam dentire incipiunt: inci-  
piunt autem ferè mense septimo.  
Cap. II.

2 *In progressu vero, cum iam dentire inci-  
piunt, gingiuarum prurigines, febres, con-  
uulsiones, alui profluvia: & maximè cum  
caninos edunt dentes; & ijs praesertim pue-  
ris,*

*ris, qui crassissimi sunt, et aluos duras habent. 25. 3.*

**DE TERTIA AETATE, QV AB**  
ad duodecimum vsq; annum progre  
ditur. Cap. III.

*3 Cum vero iam magis adoleuerint, consil-  
lae, et vertebrae, quae in occipitio, ad in-  
teriora luxationes, crebri anhelitus, quos  
Graeci asthmata vocant, calculi, lumbrici  
rotundi, ascarides, verrucae, quas Grae-  
ci acrochordonas vocant, satyriae, strumae,  
et alia tubercula, sed praecipuè antedicta:  
26. 3.*

**DE QVARTA AETATE**  
Pubertati proxima, quæ ad quartum  
decimum annum extenditur.  
Cap. IIII.

*4 Grandioribus autem, et iam accedenti-  
bus ad pubertatem, plurima ex his, et febres  
diuturnae magis, et ex naribus profluvia  
sanguinis. 27. 3.*



DE QVINTA ET SEXTA  
ætatibus, nempe Adolescen-  
tia, & Iuuentute ipsa.

Cap. v.

5 *Tabes fiunt maximè ætatibus à decimo octauo usque ad trigesimum quintum. 9.5.*  
6 *Iuuenibus autem sanguinis spuitiones, ta-  
bes, morbus comitialis, et alij, sed præcipuè  
[ardentes, et tertianæ febres.] 29.3.*

Fortè hoc loco Hippocr. Puberum, atque Adolescentium ætates prætermisit, quòd hæ sanè in multis affectionibus cum ætatibus vtrinque adiacentibus communicent: de Adolescentia quidem illud solum statuens, quòd ea cum iuuentute ipsa tabi maximè dicatur esse obnoxia, cum dicit: [Tabes fiunt maximè ætatibus &c.] Ita verò se habent Pubertas & Adolescentia, quòd Pubertas à decimoquarto vsque ad vigesimum quintum perdurans Adolescentiam sub se complectitur, quæ à decimo octauo initium capit. Iuuentus autem, quæ & virilis, & florens, & consistentiæ ætas appellatur (his enim, & tot nominibus insignitur) a vigesimo quinto vsque ad

tri-



trigesimū quintum protrahitur. Quoniam itaq; eo annorum numero videlicet a 18. vsq; ad 35. non vna tantum circumscribitur ætas, iccirco dixit Hippoc. [ætatibus] in numero multitudinis. Vnū est hic animaduersione dignū q̃ (vt sentit Gal.) tabes non dicuntur fieri secundum propriam earum ætatum rationem, sed ex accidenti, ob incontinentiam videlicet, & multa alia, quæ illis ætatibus sinistrè euenire solent. Atqui Philotheus tabem per se, & secundum propriam earum ætatum rationem atq; naturam aduenire etiam posse contendit, quādo eius mali ortum causam uè refert in sanguinis tum copiam, tum biliosiore temperaturam.

DE SEPTIMA ÆTATE,  
quæ est declinantium, & prima senectus dici potest.

Cap. VI.

7 Ultra hanc ætatem asthmata, id est crebri anhelitus, morbi laterales, pulmonis inflammationes, lethargi, phrenitides, [melancholiae,] ardores, diuturna profusiuia, cholera, difficultates intestinorum, leuitates intestinorum, hamorrhoides. 30.3.

## D E O C T A V A E T P O .

strema ætate, quæ senium, & senectus, siue senectus dicitur.

Cap. VII.

8 *Senibus spirandi difficultates, destillationes cum tussi, vrina stillicidia, vrina difficultates, articuloꝝ dolores, renum passionēs, vertigines, apoplexia, mali habitus, pruritus totius corporis, vigilie, alui, oculorum, & narium humiditates, visus obtusus, glaucescences, auditus graues. 31. 3.*

Oculorum, & narium humiditates fieri in senibus propter magnum recrementorum aceruum, quem ea ætas ex imbecillo calore procreat, & parit: vnum est eorum, quæ omnibus pro confesso habentur. Sed fortè controuersia oriri posset de ipsius alui humiditatibus, quæ inter proprias senilis ætatis passionēs non videntur iure posse reponi, & collocari; quando alui senescentibus magna ex parte exsiccentur, eodem Hippocr. auctore 2. Aphor. 53. Quòd si tu dicas, haudquaquam pro absurdo esse habendum si & eorum meminere

minerit hoc loco Hipp. quæ quandoq; , licet non sæpius , ipsis senibus aduenire possunt : cur ergo (inquam) somnolentiæ simul nō meminit, cui nonnunquam senes & quidem magnopere sunt obnoxij , si quando contingat multas in cerebro pituitosas superfluitates aggregari, neque debite excerni per propria ipsius cerebri emissaria ?

## P R O G N O S T I C O N .

Cap.

VIII.

9 Plurimæ autem [ diutina ] passiones Puerulis iudicantur , nonnullæ quidem in quadraginta diebus , nonnullæ in septem mensibus , nonnullæ verò in annis septem , quedam vero iam ad pubem accedentibus . Quæ verò permanserint , nec in pubertate finierint puerulis, aut fæminis, cum menstrua erumpunt , consenescere consueverunt . 28. 3.

10 Puer podagra non laborat ante vsum venereorum. 30. 6.

11 Quibuscunq; morbi comitiales fiunt ante pubertatem , [ in eius ætatis tempore ]

*mutationem accipiunt: Quibuscunq; autem vigesimo quinto, [ & vltra ] commo-  
riuntur. 7. 5.*

Hunc Aphor. Galenus suo modo totum immutauit, nobis verò placuit seruata eadem Hippoc. phrasi, ac contextus forma, quod ad integram ipsius veritatem deesse videbatur, vnius, & alterius tantum verbi additione sup-  
plere. Mutationis autem appellatione hic im-  
propriè & satis abusiue vsus est Hipp. pro so-  
lutione siue curatione. Quum verò morbus co-  
mitialis ex crasso, frigido, & pituitoso humo-  
re ortum habeat cerebri ventriculos obstruē-  
te (loquimur autem hoc loco de prima eius  
mali specie, quæ fit primogenio, primariouè  
cerebri affectu) clara res est, siquidem contra-  
ria contrarijs perpetuò curentur, quòd eius  
medela perficitur ex idoneo calfacientium  
et exiccantium vsu. Actas itaq; ad calidiorem  
& sicciorem statum vergens, loca item, anni  
tempora, & ipsa deniq; victus ratio ætati pro-  
portionalia omnino huic affectioni erunt  
præsidio. At Hippoc. in præsentī Aphor. eius  
auxilij solū meminit, quod fit merito ipsi-  
us ætatis. In eo verò, qui hūc statim sequitur,  
non huius duntaxat, sed & temporum, & lo-  
corum

corum, & victuum quoq; fecit mentionem. Quibuscunq; igitur morbi comitiales sunt ante pubertatem, in eius pubertatis tempore [mutationem] id est, sanationem & medellam recipiunt: (concurrentibus ad hæc alijs idoneis remedijs) Quibuscunq; autem vigesimo quinto, & ultra hunc terminum eueniunt, [commoriuntur] hoc est, omnino permanent nullam ex ætatis permutatione sanationem admittentes: licet non eat inficias, quin possint alijs auxiliorum generibus tolli & persanari. An autem verum hoc sit, quod morbi comitiales, qui vigesimo quinto vel ultra eueniunt, curationem subire nequeant merito (inquam) ætatis, quum luuentus, quæ trigessimum quintum annum attingit, sua calida & sicca temperatura non minorem vim habeat ad hunc morbum profligandum, quam pubertas ipsa: Quomodo item hoc ipsum non pugnet cum sequenti Aphor. in quo decernit Hippoc. Iuuenes morbo comitiali correptos cum ætatis, tum etiam temporum, locorum, & victuum mutatione liberari, vestrum erit iudicare.

12 Quicumq; Iuuenes morbo comitiali laborant, mutatione maxime ætatis, & tempo-

rum, & locorum, & victuum quoq; liberantur. 45.2.

13 Quicumq; aluos humidus habent, si quidem Iuuenes fuerint, melius degunt ijs, qui siccus habent. Ad senectam verò deterius degunt: nam senescētibz magna ex parte excantur. 53.2.

14 Magnitudo corporis, Iuuentas quidem neque indecens, neque illiberalis: senectas verò inutilis, & deterior paruitate. 54.2.

Magnitudinis vocabulo lōgitudinem hic solam intelligere oportet.

15 Senes Iuuenibus magna ex parte agrotant minus. Qui verò morbi ipsis accidunt longi, maxima ex parte comitantur ad mortem. \*Raucedines [igitur] & grauedines in valde senibus coctionem non admittunt. 39. & 40.2.

Verba Galeni in comm. prioris partis huius Aphor. quæ habent: & omnes morbi diuturni frigidi sunt &c. Quibus affinia sunt & illa, quæ habentur 2. Aphor. cōm. Aphor. 19. hunc in modum: Morbi verò longi ob crassos, lentos, ac frigidos sunt humores, qui nō facile

facile concoqui possunt &c. Non parum studiosorum animos torquent. Nam his manifestè aduersatur Galeni locus Quinto in sextū de morbis vulg. 6. Vbi idem Galenus quosdā recenset diuturnos morbos à causa tamen calida ortū habentes, cephalæas, inquam, calidas, calidos renum affectus, & articularū dolores. Quòd autem cephalæa in primis diuturnus sit & ægrè cedens morbus, nemo est qui ambigat.

*16 Renum, & vesicæ vitia in senioribus difficulter sanantur. 6.6.*

Est & hoc vnum exemplum eius, quod de ipsis senibus dictum fuit ab Hippoc. prius in hæc verba; qui verò morbi ipsis accidunt longi, maxima ex parte comitantur ad mortem.



## APPENDIX.

Sequuntur alij quidam Aphoristici sensus  
De tuenda Puerorum bona valetu-  
dine, qui huic materiæ De æta-  
tibus colophonem ad-  
dunt, & veluti extre-  
mam manum  
imponūt.

## I

Quoniam eius naturam, quo nutrimur,  
sapimus: bonorum morum Nutrix, bonæq;  
eucrasia, ac mediocris ætatis semper est eli-  
genda.

## II.

Bono cibo nutrices si nutriantur, boni  
chymi lac generant, quod crescendo dat bo-  
nos ipsi nutritio succos.

## III.

Solo lacte pascendus est infans, vsque quo  
dentes anteriores producat.

## IIII.

Quum ex eodem simus, & nutriamur, lac  
maternum sanguinis consueti, atque cogniti  
ali-



alimonia genitum, lactibus cæteris naturæ in-  
fantis conformius existit.

V.

Vt hædi lacte ouino nutriti pilum gignūt  
teneriorem: & agni lacte caprarum aliti lanā  
ferunt duriorē: sic nati matribus alienis edu-  
cati à proprijs matrum naturis multum di-  
screpant.

VI.

Qui suos partus deferunt, ablegantq; à se-  
se, & alijs nutriendos dedunt, vinculum, coa-  
gulumq; animi, atque amoris, quo Parentes  
cum filijs Natura consociat, intercēdunt, atq;  
diluunt.

VII.

Infantis aliorum dati, facta est ex oculis  
eius amolitio: vigor enim ille maternæ fla-  
grantiæ sensim atque paulatim extinguitur,  
ipsiusq; affectio animi, atque amoris in ea so-  
la, vnde alitur, occupatur: & matris, quæ ge-  
nuit, neque sensum vllum, neque desiderium  
capit.

VIII.

Moderatus fletus ante Pueri lactationem  
ad membra spiritalia dilatanda, cæteraq; con-  
fortanda, ad caput purgandum conuenit.

Pueri

Pueri mense septimo dentire incipiunt: dentiunt verò citius, qui lac calidius sugunt.

Quum ignem igni addere non liceat, eueratus Puer ad plurimum vsque, aut eius nutritrix nequaquam vinum gustare debet: quoniam sufficienter calefacit corpus, caputq; vaporibus replet, atque in his furiam quandoque, & maniam irritat.

Puer a septem annis ad quatuordecim vsque, nec multis, nec violentis est prouocandus gymnasijs, ne eius augmentum talibus impediatur: tunc enim eius animus bonis moribus, & honestis ornandus est disciplinis.

Animi mores corrumpuntur malis consuetudinibus, ex cibis, ac potibus, & gymnasijs, inspectionibus, auditionibus, & a mala musica.

## XIII.

Multi multis annis egrotantes propter malam consuetudinem, contraria motu ipsius animae immoderatione curantur.

Diligentia multa studendum est, ne vllum animi

animi immoderatum motum ad tertium annum vsque cum corpore Paruuli patiantur. Ea propter nutricem oportet esse prudētem, & consuetudinis pueri expertam.

## XV.

Necesse est calere corpus, quod adolescit, & ad vires, & incrementum tendit: viceversa, illud supra modum frigere, cum coeperit aboleri, & tanq̃ maturum, atque caducum in ruinam præceps festinare.

## XVI.

Vinum, & ceruisia inimica sunt Pueris: nam eorum capita malo vapore replent, & calefaciendo mentem eorum perturbant.

## XVII.

Infantium dolores tribus modis leuātur, nutricis papilla ori eorum apposita, motuq; mediocri, & vocis modulamine.

## XVIII.

Quibus infantibus aluus siccata est, hanc, quantum est cicer vnum terebinthinæ, aut mellis vncia soluit.

## XIX.

Rubrus corallus Infantium lactentiū collo appensus ad os vsque ventriculi deueniēs, lactis vomitum prohibet, roboratq; horum coctionem.

Ne quis sua fraudetur gloria, & honore,  
 hos quidem Pueris congruetes Aphoristicos  
 sermones ex varijs Autoribus congestos in lu-  
 cem ante nos pridem edidit Sebastianus qui-  
 dam Austrius Rubeaquensis in suo de Puero-  
 rum morbis, & symptomatis tum dignoscen-  
 dis, tum curandis Libello, qui Medicinæ stu-  
 diosis praxim (vt vocant) exercentibus admo-  
 dum utilis est in ea, quam pollicetur & tra-  
 ctat, materia.

*Quarta Sessio Finis.*

DE QVORVNDAM MORBORUM,  
& symptomatum tum cau-  
sis tum curatio-  
nibus.

Sectio Quinta;

P R A E F A T I O.

**E**xtat de usu humidorum Hipp. Liber,  
vbi de calidi, & frigidi simul moderato,  
immodicoq; usu doctrinam nobis tradi-  
dit uberio rem. Quæ igitur latius ibi, ac di-  
stinctius prosequutus fuit, hic in prima vide-  
licet Sectionis huius parte veluti per capita,  
& summatim paucis quibusdam Aphorismis  
perstrinxit: docens nimirum quas utilitates,  
quæ item mala afferant tum calidum, tum  
frigidum extrinsecus corpori nostro admo-  
ta, à calido, tanquam ab eo, quod magis est  
actiuum, suam exorsus orationem. Quin-  
tam verò hanc sectionem illis in vniuersum  
Aphor. dicatam volumus, quicumq; salu-  
bres, morbosasue causas promiscue in seipsis  
continent, curatiuaq; artis Theoremata pan-  
dunt.

DE CALIDO.

Cap. 1.

**I** Calidum, ubi quis sæpius eo utatur, hæc mala affert, carnum effœminationem, nervorum incontinentiã, mentis torporem, profluvia sanguinis, animi defectiones: hæc, ad quæ mors. 16. 5.

Galeno asserenti in comm. Fœminam viro debiliorem super eo verbo [effœminationem] contradicit Hippoc. contextus in 1. de passionibus Mulierum, quo in loco habetur expressè, quòd mulier sanguinem habet calidiorem, & propterea calidior est, quàm vir. Ex quo nimirum consequitur, ut viris ipsis fœminæ dicantur esse fortiores: quandoquidem ex calidiori temperatura vires manare robustiores sit verisimile. Contra verò Hippocratem marem esse fœmina calidiorem palam asserit Galenus 7. & 14. De usu partium. Nec sibi ipsi satis constare videtur Hipp. quum in libello de Genitura inscripto marem fœmina statuatur fortiolem. Cuius tamen oppositum deductum prius fuit in eo de morbis mulieb. loco paulò ante citato. Ego dubitationis

tationis locum tetigi ; controuersiam vos dirimatis .

2 *Calidum suppuratorium , non in omni vlcere magnum ad securitatem indicium , cutem mollit , extenuat , dolorem sedat , rigores , conuulsiones ; & distentiones mitigat : & ex ijs , quæ ad caput attinent , eius soluit grauitatem . Plurimum autem confert ossium fracturis , sed nudis præcipuè , eorumq; maxime , qui in capite vlcera habent , & quæcunque à frigore moriuntur , vel vlcerantur , & herpetibus exedentibus , sedi , pudendis , utero , vesicæ . His calidum , amicum & iudicans : frigidum , inimicum & perimens . 22. 5.*

3 *Quæcunq; refrigerata sunt , excalfacere oportet , exceptis ijs , quibus sanguis fluit , aut fluxurus est . 19. 5.*

4 *Si febris non ex bile habeat , multa aqua calida capiti superinfusa , solutio fit febris . 42. 7.*



DE FRIGIDO. Cap. II.

5 *Frigidum autem [immodicum] conuulsiones, distentiones, liuores, rigores febriles.* 17. 5.

Nescio profectò quî putet Galenus, hunc Aphor. rectius ita efferri: [rigores facientes & conuulsiones, & distentiones, & liuores, & febres.] Nam videtur mihi hæc scriptura germanum Aphor. sensum omnino peruertere: quid enim hoc est dicere, a frigido nempe excitari rigores facientes conuulsiones, distent. &c? rigores demum a febribus seiungit, quos paulò ante copulauerat in hunc modum: rigores febres aduocantes. Satiùs itaq; visum fuit in hoc Aphor. seriem, phrasimq; Hippocraticam seruare.

6 *Frigidum, inimicum ossibus, dentibus, nervis, cerebro, spinali medulla: calidum verò vitile.* 18. 5.

7 *Ulceribus frigidum quidem mordax, cutem obdurat, dolorem insuppurabilem facit.* † 20. 5.

Si frigidum mordax, quomodo igitur & calidum? nisi idem effectus a duobus contrarijs



trariis induci queat? Quod profecto haud in-  
conuenit, si dicamus diuerſa ratione poſſe id  
contingere. Mordicationem autem fieri  
tū à calido, tū à frigido auctor eſt Gale-  
nus in 4. de ſimpl. med. facultatibus. † Hic ve-  
rò deleuimus, quæ ſequuntur in Apho. iuxta  
vulgatæ editionis ſeriem & ſcripturam: quo-  
niam de illis eiſdem integer extat Apho. quin-  
tam ſectionis huius obtinens ſedem.

8 *Eſt autem, ubi in diſtentione [quemad-  
modum & in omni alia conuulſione] ſine vl-  
ceratione, iuueni bene carnoſo, æſtate me-  
dia, frigida aquæ multa perfuſio calo-  
rem reuocat. Calor autem hæc ſoluit.*

21. 5.

9 *In his frigido vtendum, vnde fuit ſan-  
guis, aut fluxurus eſt, non ad ipſa, ſed cir-  
ca ipſa vnde influit: & quæcunq; inflam-  
mationes vel inflammina ad rubrum, &  
ſubcruentum ſanguine recenti tendunt: nam  
veteribus nigredinem affert. Eryſipelas e-  
tiam non vlcera tum iuuat: nam exulcera-  
tum ledit. 23. 5.*

10 Tumores articulorum, atque dolores absque vlcere, & podagricos quoque, atque conuulsa, horum plurima, frigida aqua largè effusa leuat, & extenuat soluiq; dolorem. Nam modicus torpor dolorem soluit.

25. 5.

11 Frigida, qualis nix, & glacies, pectori inimica, tusses mouent, & sanguinè, & destillationes. 24. 5.

12 Aqua, qua cito calefit, & cito refrigeratur, leuissima est. 26. 5.

Haëtenus de vsu aquæ calidæ & frigidæ, nunc postremò subnectit quoddam bonitatis aquæ sanè q̃ artificiosum iudicium: si cito caleat, & cito refrigeretur. Talis nanque leuissima est, id est ventrem minimè grauat, ac cito permeat.

## DE CAVSIS MORBOSIS, ET SALUBRIBUS sigillatim: & primùm quidem de morbofis.

Cap. III.

13 Conuulsio fit vel ex repletionem, vel inanitione: ita verò & singultus. 39. 6.

Ster-

14 *Sternutamentum fit ex capite, calefacto cerebro, aut humectato eo, quod est in capite; inani. Aer enim intus contentus extra erumpit; sonat autem, quoniam per angustum ipsi est exitus. 51. 7.*

In hisce posterioris Aphor. verbis, [calefacto cerebro, aut humectato] duas innuit Hipp. sternutamenti ex capite euenientis causas, efficiētem vnam nempe calorem ipsum, materiale alteram humorem, qui nimirū a calore attenuatus & rarefactus in flatum conuertitur. nescio igitur quo pacto Galeno visa fuerit superuacanea particula illa [humectato.] Quem Galeni locum miror expositores clarissimos sic sicco pede, & conuiuentibus oculis præterijisse. Hippocrates vero inane capitis vocat, tum cerebri ventriculos, tum vacuitatem ipsum cerebrum extrinsecus ambientem. Ceterum, quod ait [aut] disiunctiuè, melius fortè haberet [&] copulam. Sed cogitabitis & vos.

15 *Si lingua repente incontinens fiat, aut aliqua pars corporis stupore elanguit, tale*

316 DE QVORVNDAM MORB. ETC.  
*est melancholicum*, [ *vel pituitosum.* ] 40.  
7.

[ *Tale est melancholicū, vel pituitosum* ]  
id est, ab humore pendet melancholico, vel  
pituitoso sua crassitie obstruente.

## DE CAUSIS SALVBRIBVS.

Cap. IIII.

16 *Famem thorexis*, id est vini potio,  
soluit. 21. 2.

17 *Corporibus carnes habentibus humi-  
das, famem adhibere conuenit*: fames enim  
corpora siccatur. 59. 7.

18 *Alyce*, id est anxietudo, oscitatio,  
horror: vinum aequale aequali potum soluit  
agritudinem. 56. 7.

19 *Dolores oculorum*, meri potio, aut bal-  
neum, aut fomentum, aut venæ sectio, aut  
medicamentum epotum soluit. 31. 6.

20 *Dolenti partem capitis posteriorem, in  
fronte recta vena incisa prodest.* 68. 5.

21 *Caput dolenti & † circundolenti* [ *ex*  
in-

† Theodo-  
rus cōuer-  
tit, uehe-  
mēter do-  
lenti.

□

□

..

..

*inflammatione quapiam, aut crudorum humorum sanguinisve multitudine ] pus, vel aqua,† vel sanguis effluens per nares, aut os, aut aures, morbum soluit. 10. 6.*

Galenus in suo contextu non habuit hanc disiunctiuā † [ vel sanguis ] & hinc est, quòd inter causas dolorum capitis, quorū fit mentio, sanguinis multitudinē non includit. Cuius postea causæ seorsim meminit in fine cōmē. dicens: si verò propter spiritū flatuosum, aut sanguinis multitudinem &c. dolor acciderit, per alia sanabitur, q̄ scilicet per puris aut aquæ effluxum.

*22 Quicunque † [ dolores ] ex dorso ad cubitum descendunt, venæ sectio soluit. 22. 6.*

† [ Rupta ] legebatur in vulgata editione, quam etiam scripturam nititur saluare Galenus, ( & post ipsum Philotheus, ) alteram tamen magis probat, quā ideò acceptauimus.

*23 Cancros occultos omnes melius est non curare, curati enim cito pereunt: non curati verò longius tempus perdurant. 38. 6.*

24 *Quicumque euomunt sanguinem, si sine febre quidem, salutare; si verò cum febre, malum. Curare verò acerbis & refrigerantibus. 37. 7.*

Prima statim Aphor. verba suadent collocandum potius fuisse sub 2. cap. postremæ Classis. At curatiua methodus, quæ in finali conclusione explicatur, in loci designatione longè præualet.

2 *Quicumque hepar circundolent, ijs febris superueniens soluit dolorem. 52. 7.*

26 *Quibus dolor circa hypochondrium fit absque inflammatione, ijs febris superueniens dolorem soluit. 40. 6.*

27 *A quartanis capti, non admodum à conuulsionibus capiuntur. Si verò prius capiantur, & quartana superuenerit, liberantur. 70. 5.*

28 *Febrem conuulsioni superuenire melius est, quàm febre conuulsione. \* Qui [enim] à conuulsione, aut distensione nervorum tenetur, febre superueniente liberatur. 26. 2.*

& 57. 4.

Licet hi duo posteriores Aphor. videantur potius ad partem prognosticam, quæ de febribus, attinere, si primæ eorum partes spectentur: tamen, quoniam finalis ipsorum conclusio quendam nobis insinuat salubris causæ modum, iccirco quinta hæc sedes visa mihi est illis magis cōgruere. Ceterum quinquagesimum septimum quarti lib. cum vigesimo sexto secundi copulauimus cum particula [enim] quod alter alterius causæ redditionem contineat, vt intuenti liquido patet.

29 *Qui alba pituita detinetur, si fortis ventris fluxus superuenerit, à morbo liberatur.*

29. 7.

30 *Quibus inter ventriculum, & septum pituita reposita est, & dolorem affert, non habens exitum, neq; ad alterum ventrem: ijs per venas ad vesicam pituita versa, soluitur morbus. 54. 7.*

31 *Ab aqua inter cutem habito, si aqua è venis in ventrem defluxerit, soluitur morbus. 14. 6.*



32 *A longo alui profluuiο habito, spontaneus vomitus superueniens, morbum soluit.*

15. 6.

33 *Lippientem alui profluuiο corripī, bonum.* 17. 6.

Nō vt signum, sed ut causa dictum est hoc in loco [bonum.]

34 *A singulis [ex repletionē, magna autem ex parte ita fit,] habitum stercoratio superueniens liberat.* 13. 6.

35 *In [melancholicis] si varices, vel hæmorrhoides superuenerint, [melancholiæ] solutio.* 21. 6.

36 *Melancholicis, et renum vitio laborantibus hæmorrhoides superuenientes, bonū.* 11. 6.

† In antiquioribus codicibus legebatur [phreneticis.] Cui literæ consonat dictum Auic. 17. 3. cap. de cura hæmorrhoidum. Satiū tamen, atque verisimilius existit, vt loco [phreneticis] legi debeat vtrobique; [nephriticis,] hoc est renum passionibus vexatis, vt vertit Leonicens: nam apud Gal. apud Philotheum quoque in suis in eundem Aph. enarrationibus de nephriticis verba fiunt.



37 *In omni corporis motu, ubi laborare cœperu, quies statim lassitudinem aufert.* 48. 2.

Scio non defuisse, quibus huiusce Aphor. sententia adeò ieiuna visa sit, ac ridicula, ut hinc nō leuem arripuerint occasionem egregiè subsannādi ipsum Hippocr. quòd scilicet inter Aphorismos, quos vniuersus medicorum cœtus tanquam oracula quædam suspicit, & admiratur, orationem hanc planè vulgarem, ac fatuam conscripserit. Quare, ne Hippocr. nomen apud quempiam malè audiat immeritò, ac vitiligatores hi omnino relinquuntur inulti: cogor hîc paulisper digrediendo immorari. Hallucinantur itaque, & toto errant Cœlo, qui putant Hippocrat. tantum virum hoc solum voluisse, quod videntur Aphorif. verba simpliciter sonare: Alia enim fuit longè vtilior Hippocr. intentio in præsentî Aphorif. edocere videlicet normam mensuræ siue quantitatis ipsius exercitiî in corpore inculpate sano, ac debite recto, ut sit sensus: temperatum corpus non est exercitandum ultra principiū lassitudinis, cui pro remedio sufficit ipsa quies. Nos ergo hac ipsa oratione admonit os vult Hippo. ne ultra laboris initium exerceamur, quia

quia alioqui non sola protinus auferretur quiete. Ne quis verò hunc sensum me somniasse putet, Galenus 3. Artis medicinalis assignans mensuram exercitij corporis temperati hanc ipsam elicit ex præsentì Aphor. dicens: Ab exercitatione verò, cum primùm lassescere corpus cœperit, cessandum est. Quare, non est credendum, quòd hæc Hippocr. sententia illi omnino æquipolleat Iurisperitorum glossemati; fœnum, id est herba sicca.

38. *Qui noctu bibere appetunt, ijs admodum sitientibus, si super dormierint, bonum.*

27. 5.

39. *Quibus biliosa deiectiones, superueniente surditate cessant: & quibus surditas, superuenientibus biliosis deiectionibus cessat.*

28. 4.

40. *Quibus in febribus aures obsurduerunt, sanguis ex naribus fluens, aut alvus turbata, soluit morbum.* 60. 4.

41. *Lienosis difficultas intestinorum superueniens, bonum.* 48. 6.

Quod dicitur [bonum] hîc, & supra. 39. & 41. vt causæ rationem habet, accipere oportet. In proposito itaque casu difficultatem intestinorum lienosis superuenire, bonum:ratione (inquam) translationis eius materiæ melancholicæ, quæ prius splenem obsidens scirrhusi affectus causa erat, à quo lienosi ipsi denominantur. Bonum item, nisi ea intestinorum difficultas immodica penitus existat: si enim ultra modum extendatur, grauia & penè insanabilia mala secum aduocat, de quibus meminit Aphor. 92. postremæ sectionis.

42 Quibus speratur abscessum futurũ ad articulos, liberat ab abscessu vrina multa, crassa, et alba facta, qualis in lassitudinarijs febribus quarto die quibusdam incipit fieri. Si verò etiam ex naribus fluxerit sanguis, breui admodum solutio fit. 74. 4.

43 Quibus in urinaria fistula tubercula nascuntur: his suppuratione facta & eruptione, [affectus in reddendo lotio hinc pendentis] solutio. 82. 4.

A febre

44 *A febre ardente habito, rigore superueniente, solutio. 58. 4.*

V T R A S Q V E C A V S A S,  
& morbosas, & salubres continet  
postremus hic Aphor.

Cap. v.

45 *Lac dare caput dolentibus malum: malum verò & febricitantibus, & quibus hypochondria suspensa murmurant, & siticulosi: malum autem, & quibus in febribus acutis biliosa sunt deiectiones, & quibus sanguinis multi deiectio facta est. Conuenit autem & rabidis dare, qui non valde multum febricitant: & in febribus longis, & paruis, si nullum ex suprà dictis signum affuerit, & præter rationem consumptis. 64. 5.*

D V O P R A E C I P V A M E D E N D I  
Methodi Theoremata. Cap. vi.

46 *Quicumq; morbi ex repletione fiunt, curat euacuatio: & quicumq; ex euacuatione, repletio: & aliorum, contrarietas. 22. 2.*

Hinc

Hinc desumitur tritum illud pariter ac vulgatissimum in schola medicorum Theorema: Contraria contrarijs curantur. Cuius etiam Aphor. sententia planè astruitur ea medicinæ definitio, quæ (eodem Hippoc. auctore in libello de flatibus) sic habet: Medicina est *πρόσθεσις καὶ ἀφαιρέσις*, hoc est adiectio, & subtractio: deficientium quidem adiectio, subtractio vero redundantium.

*47 Omnia secundum rationem facienti, si non succedat secundum rationem: non est transeundum ad aliud stante eo, quod a principio visum est. § 2. 2*

Maximè quidem hic Canon deseruit actui practico. Etsi enim quæ semel recta ratione, ac vera methodo visa sunt à medico fuisse præscripta, eorum iuuamentum nondum appareat, & subsequi conspiciatur, non est tamen ob hoc statim ad aliud, videlicet auxilium diuersi generis, transeundum, [stante eo, quod à principio &c.] Quod notanter dictum puta. Si enim non stet, quod a principio visum est, sed vel superueniat aliquod symptoma diuersa utiq; postulans remedia, vel certè morbus ipse mutetur in cōtrarium præter naturam affectum, tunc dubio procul  
ad

ad medicamenta diverſi generis nobis erit  
 confugiendum, aliàs non. Cum hoc tamen  
 ſtat, quòd permutatio fieri & poſſit & debeat  
 ad auxilia eiufdem ſpeciei, vel æqualia in gra-  
 du, vel etiam potentiora. Intelligatur itaq;  
 hoc præceptum, non eſſe ad diverſi generis  
 medicamenta recurrendum, cum ea limita-  
 tione, [ſtâte eo, quod à principio viſum eſt]  
 &, ſi recta ratione fuerint primùm adhibita  
 remedia.

*Quinta Sectionis Finis.*

DE MULIERVM

127

Passionibus,

Sectio Sexta.

PRAEFATIO.

**S**exta iam nobis se se offert sectio, quæ muliebrium dispositionum materiam continet, satis quidem ab Hippocr. pro doctrinæ Aphoristicæ modo exactè elaboratam. Ea nouem ad summum capitibus absoluetur. Quid verò in quolibet tractetur, ex proprijs eorū inscriptionibus statim vobis innotescet. Nec est, quòd vllam eorum, quæ hîc aguntur, ordinis rationem afferam, neque enim vlla me mouit ordinis ratio. Placuit autem à menstruis purgationibus tentasse initium.

DE MENSTRUIS PURGATIONIBUS.

Cap. 1.

*I Si mulier, quæ neque grauida est, neque peperit, lac habet: huic menstrua defecerunt. 39.5.*

Fit

Fit sanè hoc perrarò, vt mulier, quæ graui da non est, neq; peperit, in mammis lac conti neat. Si quando verò hoc ipsum contingat, argumento est suppressos esse menses.

*2 Si menstrua plura fiant, accidunt morbi; & si non fiant, ex vtero morbi contingunt.*

57. 5.

Immodicum & diuturnum menstruorum profluuium multa, eademq; graua minatur mala, quorum catalogum ex ipso Auic. petas 21. 3. Trac. 3. cap. 2. Nec, si nimium procedat, curatione admittit: quoniam vasorum ora, quæ pertingunt ad vterum, supra modum & diutius hiantia, patentiaque callum contra hunt, vt deinceps agglutinationis in partibus solutæ vnitatis nulla omnino spes sit reli qua. Si verò menses ipsi cohibeantur, & præter naturam supprimantur: consequitur primûm ipsius prolis priuatio, hinc plurimæ, & effatu dignæ vteri affectiones, quibus & totum corpus compatitur. Et quum alioqui mulieres à podagricis doloribus sint immunes, ex sola menstruorum retentione his ipsis redduntur obnoxia. Quod ijs verbis memoria prodidit Hippocrates:



3 Mulier podagra non laborat, nisi menstrua defecerint. 29. 6.

4 Sufficiens aromatum muliebria ducit: sapius verò & ad alia utilis esset, nisi capitis faceret grauitatem. 28. 5.

5 Mulieri, si velis menstrua cohibere, cucurbitulam quàm maximam ad mammas appone. 50. 5.

Habes hic paucis menstruæ purgationis tū largioris, tum suppressæ haud inartificiosam curationem per ea, quæ extrinsecus admoventur.

6 Mulieri menses decolores, nec per idem semper tempus venientes, purgationem indicant esse necessariam. 36. 5.

7 Mulieri sanguinem euometi, menstruis erumpentibus, solutio. 32. 5.

8 Menstruis deficientibus, sanguis ex naribus fluens, bonum. 33. 5.

9 Influxu muliebri si conuulsio, & animi defectus aduenerit, malum. 56. 5.

DE SIGNIS ET CAVSIS STERILITATIS & FŒCUNDITATIS IN VIRIS, ac Mulieribus. Cap. II.

10 *Si mulier non concipit, scire autem velis, si conceptura sit, pannis circumiectam desubter suffias; & si odor videatur per corpus ire ad nares & os, scito, quòd ipsa non ex seipsa sterilis est. 59. 5.*

Ex aromatibus suffitus, quem prius dixerat cohibitos excitare menses; idem, num sterilis futura sit mulier an fœcunda, probat. Quidam autem sanè haud contemnendæ auctoritatis vir tria refert empirica signa, quibus utriusque sexus sterilitas arguitur & fœcunditas. Primum est: spermata separatim ponantur in vase aqua pleno, illud, quod supernabit, sterilitatem prodet. Alterũ: mingat vterq; separatim super virentem lactucã, & quæ deinde arefcet, eius, qui superminxit, sterilitatem nuntiabit. Tertium: grana tritici, vel hordei, vel fabarum reponantur septẽ dies in vasis, in quibus separatim vtriusque sit

fit vrina . illa enim, in qua grana germinaue-  
rint, fœcunditatem indicabit.

*II Quacunque frigidos & spissos vteros  
habent, non concipiunt : & quacunq; præ-  
humidos vteros habent, non concipiunt; ex-  
tinguitur enim in eis genitura ; & quacun-  
que siccos magis & adurentes ; nam ex de-  
fectu alimenti corrumpitur semen . Qua-  
cunque verò ex virisque mediocrem habent  
temperaturam, ea fœcundæ sunt. 62. 5.*

Alter Aphor. de maribus loquēs, qui aliàs  
hunc modò dictum statim sequebatur, me-  
ritò ceu spurius ( si quis alius ) hinc fuit ex-  
emptus . Cuius quidem loco sequentem ex  
Gal. doctrina penitus conflatum haud ab re  
visum fuit substituere, ne scilicet fœcundita-  
tis ac sterilitatis signa in viris ipsis intacta re-  
linquerentur omnino . Nec me latet eum iu-  
sto prolixiorē esse, atque adeò Aphoristici  
sensus modum parumper excedere : Verumē-  
nimvero, si paucioribus res acta fuisset, non  
utiq; sermo foret ita manifestus . Malui itaq;  
in serie paulò locupletiori clarus esse, quàm  
alioqui affectato compendio obscurus fieri .

I 2 De maribus autem ita sentiendum.

His enim primum ob temperatura frigiditatem non bene semen concoquitur. & si quidem mediocris sit intemperatura, vtero indiget calido sufficienter: sin verò immodica, erit omnino sterile semen. De humida intemperatura idem prorsus esto iudicium. Quod si in calore fuerit excessus, infœcundum penitus reddetur semen: fit enim tosto simile. Item, ob siccitatem semen, vbi excidit, extendi minimè potest, quod maxime est necessarium, si mulier debeat concipere. Si verò mediocres extiterint hæc duæ intemperaturæ: hæc quidem ad concipiendum vterum poscit humidiores, illa autem frigidiores.

I 3 Quacunque præter naturam crassa non concipiunt vtero: ijs omentum os vteri comprimit, & prius, quàm extenuata fuerint, non concipiunt. 46. 5.

Ab ipsius omenti pinguedine (zirbū Mauritani appellant) os vteri internum comprimitur,

mitur, atque angustatur ijs, quæ supra modum crassæ sunt. Quò fit, vt quum præ oris angustia in vteri capacitatem haud commodè semen ipsum eiaculari queat, conceptionem ipsam frustrari necesse sit, quousque imminuta ea pinguedine modum excedente patens ac velut hians vteri os immissum semen excipiat.

DE SIGNIS CONCEPTIONIS

in vniuersum, & de signis concepti maris vel fœminæ.

Cap. 111.

14 Si velis noscere, an conceperit mulier: cum dormitura est, ei aquam mulsam potandam da; & si alui tormina patietur, concepit: si minus, non concepit. 41. 5.

15 Quæ vtero gerunt, ijs vteri os comprimuntur. 51. 5.

16 Si mulieri cessent purgationes, neque horror, neque febris superueniat, & fastidia incidant; iudica ipsam in vtero habere. 61. 5.

Sunt & alia nonnulla præter ea, quæ hoc loco ab Hipp. assignantur, conceptionis indicia: nempe, si mulier post coitum sentiat frigus,

& dolorem circa renes, & sub vmbilico. Si post coitum nullum vel paucum admodum exit ab utero semen, & siccitas in ore matricis adest. Si pudendum viri in coitu fugi videatur, & post coitum siccum est. Quæ omnia Egidius suo quodam Tetrasticho haud ineptè perstrinxit in hunc modum:

*Matrix sicca, Venus sopita, retentio fluxus,  
Discolor affectus, vomitus, compressio virga,  
Mamma grossities, & perturbatio ventris  
Ex melicrato, conceptus signa probantur.*

In vrina item prægnantium quædam alba & rotunda apparent in fundo. Verùm, neque proprium, neque inseparabile est hoc signum.

17 *Mulier, si marem concepit, bene colorata est: si verò fœminam, male colorata.*

42. 5.

18 *Fœtus, mares quidem in dextris, fœminæ verò in sinistris magis.* 48. 5.

Hiscæ duobus concepti maris uel fœminæ signis duo alia subnectit præfatus Egidius his carminibus comprehensa:

*Conceptum maris insinuat splendor faciei,  
Membrorum leuitas, siccis concretio lactis,  
Atque tumor uentris in dextra parte rotundus:  
Fœmineum sexum contraria signa demonstrant.*

His adderre possumus mammarum crassitiem & magnitudinem. Si enim dextra crassior fuerit, masculum: si verò sinistra, foeminā esse conceptam nobis insinuat.

DE SIGNIS ET CAUSIS ABORTUS. Cap. IIII.

19 *Mulierì utero gerenì si mammae graciles repente fiant, abortiit. 37. 5.*

20 *Mulierì utero gerenì si altera mamma gracilis fiat geminos habenti, alterum abortiit: & si quidem mamma dextra gracilis fiat, marem: si verò sinistra, foeminam. 38. 5.*

Duo hi præscripti Aph. de vna & eadē re tractant. In eo tantum discrepant; quòd hic quidem de altera mamma, ille verò de ambabus sermonem facit.

21 *Quæ corrupturae sunt foetus, ijs mammae extenuantur: si verò rursus duræ fiant, dolor aut mammas, aut coxas, aut oculos, aut genua infestabit, & non corrumpent.*



In loci huius enarratione Philotheus inquit, quòd Aphor. indiget determinatione vt verus sit, hoc pacto : [ Quæ corrupturæ sunt foetus ( alimenti inopia ) ijs mammæ extenuantur &c. ] Galenus verò vult in omnibus quacunque ex causa foetum corrupturis mulieribus gracilia reddi vbera ipsa, siue id contingat in ipso duntaxat abortiendi actu, siue ante ipsum per aliquod temporis intervallum. Quomodo autem differat huius Aphor. sententia à duobus præcedentibus vi de Gal. in com.

22 *Mulier vtero gerens, sanguine missa ex vena, abortit, & magis, si foetus sit maior.* 31. 5.

23 *Mulieri in vtero gerenti si alius plurimum profluat, periculum est ne abortiat:* 34. 5.

24 *Mulieri vtero gerenti si tentio superuenit, facit abortum.* 27. 7.

25 *Quacunque præter naturã tenues existentes vtero gerunt, abortiunt prius, quàm crassescant.* 44. 5.



26 Quaecunque mediocriter corpora habentes abortiunt secundo, aut tercio mense, sine occasione manifesta, ijs accetabula uteri plena mucoris sunt, & non possunt expondere foetum continere, sed disrumpuntur : 45. 5.

**Q**VIBVS ARGVMENTIS DEPREHENDATUR foetus in utero matris beleualere, aut contra.

Cap. v.

27 Mulieri utero gerenti si lac multum e mammas effluat, foetus imbecillem significat: si vero mamma solida fuerint, foetus significat saniozem. 52. 5.

28 Si mulieri utero gerenti purgationes eant, impossibile est foetum esse sanum : 60. 5.

**D**E SIGNIS LETHALIBUS in praegnanate.

Cap. vi.

29 Mulierem utero gerentem capi ab aliquo morbo acuto, lethale. 30. 5.

Si

30 Si mulieris grauida in utero sit Erysipelas, lethale. 43. 5.

31 Quacunque utero gerentes à febris corripuntur, & fortiter calefiunt sine occasione manifesta, difficulter pariunt, & cum periculo; aut abortum facientes periclitantur. 55. 5.

### DE GRAVIDARVM PURGATIONE Canon. Cap. vii.

32 Utero gerentes sunt medicanda, si materia turget, quarto mense, & usque ad septimum, sed hæc minus; iuniora autem & seniora vereri oportet. I. 4.

### TRIVM VTERI PASSIONVM curatio. Cap. viii.

33 Si uterus in coxam vergens suppuratur, necesse est linamentum fieri. 47. 5.

34 Ut secunda procidant, sternutatorio imposito, nares apprehendito, & os. 49. 5.  
Mulieri,

35 *Mulier, quæ vterinis [strangulationibus] molestat, aut difficulter parit: superueniens sternutatio, bonum.* 35. 5.

Verbo [vterinis] apposuius determinationem hanc [strangulationibus,] quæ satis amplam eius verbi acceptionem contrahit ad germanum Aphor. sensum, & intellectum. Quod dicitur in calce [bonum] promiscuè ad signum, & ad causam referri potest.

## PROGNOSTICON.

Cap. IX.

36 *Mulier ambidextra non fit.* 43. 7.

37 *Quibuscunq; mulieribus ad mammas sanguis colligitur, furorem significat.*

40. 5.

Fieri quidem potest, ut sanguis ad mammas quandoque delatus in lac minimè conuertatur, sed intransmutabilis permanens furorem (vt ait Hippocr.) significet. Hoc ipsum tamen vnum est eorum, quæ rarò admodum eueniunt. Vnde in tota uita

se

140 DE MULIERVM PASSIONIBVS  
se nunquam id vidisse ingenuè fatetur Ga-  
lenus.

38 *Quibus os vteri durum est , ijs vteri os  
comprimi est necessarium. § 4. §.*

*Sexta Sectionis Finis.*

## DE PRAEDICTIONIBVS,

Seçtio Septima ;

& postrema.

### P R A E F A T I O.

**V**Ariam, ac multiplicem prædictionum  
materiam nobis suggerit septima hæc ,  
eademq; ordine postrema Seçtio. Quã  
quidem partem fusissimè tractauit Hipp. vt  
ex prægrandi ipsius seçtionis mole cuiq; sit  
manifestum. Hæc enim reliquas omnes si-  
mul seçtiones Aphorismorum ad ipsas atti-  
nentium numero æquat omnino. In qua  
an distinctè, & appositè summas rerum, quæ  
ibi tractantur , complexi fuerimus , iudi-  
cent

cent alij. Prognosticorum verò vsum si quis integrè nouisse velit, Hippocratis præfationem in tres lib. de his ipsis inscriptos adeat, & perlegat. Nos interim institutum, ac propositum negotium aggrediemur: si prius illud Lectorem admonuerimus, nempe in præsentī sectione promiscuè fieri sermonem de signis tum demonstratiuis, tum prognosticis: sed tamen à prognosticis factam fuisse Inscriptionem, quòd illa ab his & numero, & dignitate vincantur.

## DE SOMNO, ET VIGILIA.

### Cap. I.

- 1 In quo morbo somnus laborem facit, mortale: si vero somnus iuuat, non mortale. Ubi [igitur] somnus delirium sedat, bonum. 1 & 2. 2.
- 2 Somnus, atque vigilia, vtraq; si modum excefferint, malum. 3. 2.
- 3 In vigilia, conuulsio, † vel desipientia, [malum.] 18. 7.

Philotheus in suo Codice habet [ & ] copulam loco [ vel ] deterioremq; facit casum, si conuulsioni ex vigilia adhuc superueniat desipientia: quòd hoc longè maioris siccitatis sit argumentum. Galenus verò legit [ vel ] disiunctiuè, imò asserit in quibusdam Exemplaribus deesse verbum [ desipientia. ] Terminus autem [ malum ] facile poterat subintelligi, etiam si appositus minimè fuisset: additus, tamen orationem facit tum planiorem, tum auribus consonam magis. Et est præsens hic Aphorismus ex eorum numero, qui ancipitis dubiæq; sedis existunt. Nam ex vna parte in superuenientium classe iure videbatur esse locandus: de vigilia autem facta metio huc etiam nos dirigit.

4 Oportet verò & considerare oculorum in dormientibus suspensiones . Nam , si quid album † commissis palpebris subinspiciatur , neque ex alui profluvio , aut medicamenti potione istud contingat , malum est signum , & lethale valde. § 2. 6.

† Huic quidem Leonicensi versionì fauet antiqua translatio sed Laurentiani interpretatio , quæ habet: [ palpebris non undiq; sibi

sibi commissis] mihi magis aridet. Quî enim fieri potest, vt albi quippiam subinspiciatur palpebris commissis, atque adeò oculis ipsis exquisitè clausis? sed & nostræ astipulantur sententiæ Galeni verba, quæ sic efferuntur in ipso statim comm. initio: Aut ob palpebrarû siccitatem, aut propter potentiæ ipsas mouëtis imbecillitatem, aliquid subinspicitur, cum oculi integrè claudi non possint. Et in calce eiusdem: Et quidem, quòd potentia existente imbecilli non possint exquisitè oculos claudere &c. Ea itaque Laurentiani interpretatio cum eo, quòd verior existit, habet & Galenum sibi suffragantem, imò verò & Hippo. ipsum I. Præfagiorû. II. quo in loco eundem penè sub eodem verborum contextû explicans Aphor. intellectum inquit: oculorum autem suspensiones per somnos considerare oportet, nam si palpebræ non committantur, sed inter eas aliquid ex albo oculorum appareat, &c.

DE EXCRETIONIBVS, QVAE  
vel per aluum inferiorem, vel per os  
ipsum fiunt. Cap. 11.

5 Deiectiones nigra, qualis est sanguis niger, sponte venientes, siue cum febre, siue sine febre, pessima: & quanto colores magis prauifuerint plures, peius: cum medicamento verò melius, et quanto colores plures non prauifuerint. 21. 4.

6 Morbis quibuscumque incipientibus, si acribilis vel supra vel infra exierit, lethale. 22. 4.

7 Quibuscumque ex morbis acutis aut diuturnis, vel ex vulneribus, siue quouis alio modo extenuatis, nigra bilis, siue ut sanguis niger desubter exierit, postridie moriuntur. 23. 4.

8 Sanguis quidem supra, qualiscumque fuerit, malum: infra autem nigra deijci, [melius.] 25. 4.



9 Quicumque spumofum sanguinem expuunt, ijs è pulmone eductio fit. 13. 5.

10 Excreationes in febris non intermiffis, liuida, cruenta, fœtida, biliôfa, omnes mala. Et si bene exeunt, siue per alui excretionem, siue per vrinas, bonæ. Si verò non aliquid eorum, quæ iuuant, per hæc loca excernitur, malum. 47. 4.

11 Quibus in alui profluuijs excrementa spumofa sunt, † ijs [pituita vel ex capite in ventriculū defluit, vel in eodem ventriculo cum spiritu flatuoso generationem habet, nec aliunde influit.] 30. 7.

† Iis ex capite pituita defluit.) sic claudbatur Aphorismus in vulgata editione: sed sensu ita indistincto, ac indefinito, vt & confusionem pareret, & veritate careret.

12 In profluuijs alui, mutationes excrementorum iuuant, nisi ad mala mutatio fiat. 14. 2.

## DE VRINIS.

## Cap. III.

13 Quibus vrina crassa, † grumosa, pauca, non sine febre, multitudo veniens ex his tenuis iuuat: præcipuè verò tales veniunt, quibus ab initio, vel breui sedimen inest. 69. 4.

Quamuis ea dictio † [ grumosa ] non careat interpretatione, Galeno tamen magis arridet, vt hac expuncta Aphorismus ita incedat: [ Quibus vrinae crassae, paucae &c. ]

14 Quibus vrina alba, & perspicua, mala, praesertim si in phreniticis appareant. 72. 4.

15 Quibus vrina perturbata, quales sunt iumentorum, iis dolor capitis vel adest, vel aderit. 70. 4.

16 Quibus septima iudicatur, iis nubileculam habet quarta die vrina rubeam, & alia, ex ratione. 71. 4.

17 Quibuscunque febricitantibus, in vrinis fiunt sedimina, veluti farina crassior,  
in

[in quibus spes est salutis longam fore agri-  
tudinem, in morituris vero pro foribus mor-  
tem adesse significat.] 31. 7.

18 Quibus autem urinarū sedimina, [quæ  
ab initio quidem tenuia sunt, postea vero bi-  
liosa fiunt:] acutum morbum significant.  
32. 7.

19 Quibuscunque urinae distantes sunt  
[id est, substantia inæquales,] iis turbatio  
vehemens in corpore fit. 33. 7.

20 Quibus in urinis bullæ insident, morbū  
renalem, & longum significant. 34. 7.

21 Quibus [insidens] pingue, ac simul co-  
tum [.i. vniuersim, & non paulatim cum  
urina prodit,] iis renum vitium acutum si-  
gnificatur. 35. 7.

22 Quibus autem morbo renali laboranti-  
bus prædicta accidunt signa, doloresq; circa  
spinæ musculos fiūt, si quidem circa loca ex-  
teriora fiant, abscessus quoque exterius fu-  
turos expecta. Si verò dolores magis circa  
locâ interiora fiant: etiam abscessus expe-

et a fururos interius. 36. 7.

23 Si sanguinem, aut pus mingat: aut renum, aut vesicae exulcerationem significat.

75. 4.

24 Si sanguinem, aut pus minxerit, aut squāmulas, & grauis odor adsit, vesicae exulcerationem significat. 81. 4.

25 Quibus in vrina crassa existente, carunculae paruae, aut veluti capilli vnā exeunt, iis à renibus excernitur. 76. 4.

26 Quibus in vrina crassa fursfurea quaedam simul exeunt, iis vesica scabie laborat. 77. 4.

27 Quicumque sponte [.i. repente] sanguinem mingunt, iis à renibus venulam rupiā significatur. 78. 4.

28 Quibus in vrinis arenosa subsistunt, iis vesica [.vel. renes.] laborant calculo.

79. 4.

29 Si sanguinem mingant, aut grumos, vel stillicidium vrina habeant, & dolor in anum incidat ventrem, & pectinem, & se

men:

men: circa vesicam [.i. communiter circa  
 instrumēta vrinaria, renes (inquā) vrinarios  
 meatus, & vesicam ipsam,] labor est. 80. 4.  
 30 Mictio noctu plurima facta parvam si-  
 gnicat deiectionem. 83. 4.

DE SVDORIBVS. Cap. IIII.

31 Sudores febricitanti si inceperint, bo-  
 ni, & tertio die, & quinto, & septimo, &  
 nono, & vndecimo, & quartodecimo, &  
 septimodecimo, & vigesimo, & vigesimo septi-  
 mo, & trigesimo quarto. Hi enim sudores  
 iudicant morbos. Qui verò non ita fiunt, la-  
 borem significant, & morbi longitudinem,  
 & recidiuam. 36. 4.

32 Frigidi sudores, cum acuta quidem fe-  
 bre, mortem: cum mitiori autem, longitu-  
 dinem morbi significant. 37. 4.

33 Qua parte corporis sudor est, ibi signi-  
 ficat morbum. 38. 4.

34 Sudor mulis ex somno factus absq; causa  
 manifesta corpus vti copiosiore cibo significat:  
 Si verò cibū nō accipientu hoc accadat: scire

*oportet, quod euacuatione corpus indiget :*  
41. 4.

35 *Sudor multus calidus, vel frigidus superfluens, frigidus magis, calidus minus significat morbum.* 42. 4.

36 *Febricitanti sudor superueniens febre non deficiente, malū. prorogatur enim morbus, & multam significat humiditatem :*  
56. 4.

37 *Quibus cutes circumtenduntur aridae, & siccae, sine sudore moriuntur : quibus vero laxae, & rae, cum sudore moriuntur.*  
71. 5.

## DE RIGORIBVS, ET FEBRIBVS. Cap. v.

38 *Rigores incipiunt mulieribus quidem ex lumbis magis, & per dorsum ad caput : sed & viris parte corporis posteriore magis, quàm anteriore, veluti femorum, cubiti : Sed & cutis rara : indicio autem est pilus.*  
69. 5.

Quibus

39 Quibus in febris sexto die rigores sunt, difficile iudicium sequitur. 29. 4.

40 Si rigor incadat febre non deficiente, agro iam debili, lethale est. 46. 4.

41 Quibus in febris quotidie rigores fiunt, quotidie febres solvuntur. 63. 4.

42 Febricitantium non omnino leuiter, permanere corpus, & nihil minui: vel etiā [colliquescere] plus, quā ratio postulat, malum. Illud enim morbi longitudinem, hoc vero imbecillitatem, [vel humorum cū corporis raritate tenuitatem] significat. 28. 2.

43 Quibus in febris sanguinis fluxerit multitudo quacunque ex parte; cum resciantur, alui ijs humectantur. 27. 4.

44 Quibuscunque accessiones fiunt, quacunque hora febris dimiserit, si eadem cras occupauerit, iudicium habent difficile. 30. 4.

45 Lassitudinem habentibus in febris, in articulos, & circa maxillas potissimum abscessus fiunt. 31. 4.



Si solum lassitudinis vocabulum hîc spectes, in. 12. potius Sectionis huius Capite exarandus fuisset Aphor. sed propter factam de febribus mentionem, haud illi incōgruus censendus erit hîc locus.

46 Si à febre habito, tumore non existente in faucibus, Strangulatio repente supervenerit, lethale. 34. 4.

Nec inconueniens fuisset hunc illis associari, qui in septima hac Sectione de superuenientibus malis inscripti sunt.

47 Si à febre habito collum perueritur, & vix potest deuorare, sine vlllo tumore, lethale est. 35. 4.

48 Febres, quacunque non intermittentes tertia die fortiores fiunt, magis periculosa. Quocunque autem modo intermiserint, periculum abesse significatur. 43. 4.

49 Quibus febres longae, uis tubercula vel labores in articulis [magna ex parte] fiunt. 44. 4.

50 In febribus non intermittentibus, si partes exteriores frigidae, interiores vruntur, & sitim habeat, lethale est. 48. 4.



- § 1 In febre non intermittente, si labrum, vel palpebra, vel supercilium, vel oculus, vel nasus peruertatur, vel non videat, vel nō audiat, iam debili existente corpore: quicquid horū euenerit, mors proxima est. 49. 4.
- § 2 Ubi in febre non intermittente difficultas spirandi, & delirium acciderit, lethale. 50. 4.
- § 3 In febribus, abscessus, qui ad primas iudicationes non solvunt, longitudinem morbi significant. 51. 4.
- § 4 Quicūq; in febribus, vel in aliis morbis ex voluntate illachrymant, nihil absurdū; qui verò non ex voluntate, [absurdum.] 52. 4.
- § 5 Quibus circa dentes in febribus quidam lentiores nascuntur, iis fortes fiunt febres: 53. 4.
- § 6 Quibus plurimum sicca tusses leuiter irritantes in febribus ardentibus fiunt, nō multum siti infestantur. 54. 4.
- § 7 Ex bubonibus febres omnes male, præter diarias. 55. 4.

58 *Teruiana exquisita, septenis circuibus, quod longissimum est, iudicatur.* 59.4.

59 *Febricitantem nisi diebus [iudicatorijs] febris reliquerit, solet recidiuare.* 61.4.

Philotheus in suo codice habet quendam alium Aphor. post hunc immediatè hisce verbis exaratum: quæ paribus diebus iudicatur, difficilem habent iudicationem, & recidiuare consueuerunt. Quem nescio quomodo Philotheus ipse opinetur fuisse necessario appositum: quum potius constet totum oppositum, nempe superfluum esse omnino. pendet enim manifestè ex sui antecedētis doctrina, qui & à Galeno castigari meruit ob verbum [imparibus] pro quo rectius censuit esse legendum [iudicatorijs.]

60 *Quibus in febribus morbus regius ante diem septimum accidit, malum. \** [Post septimum vero optimum: nisi dextrum hypochondrium obduruerit.] 62. & 64.4.

Vitandæ prolixitatis, & clarioris simul doctrinæ gratia, ex duobus integrum vnum fecimus Aphorif. Galeno ipso monitore: qui damnans eius Aphor. intermediij, videlicet. 63. præposterum ordinem inquit: melius enim

nim fuisset, hunc, qui nunc scribitur, Aph. illi fuisse coniunctum, in quo ait: [ Quibus in febribus morbus regius &c. ] vt totus sermo talis procedat; Ante septimum quidem diem morbum accidere regium, malum omnino: post septimum vero, optimum, nisi &c.

61 In febribus circa ventriculum & fortis aestus, & cordis morsus, malum. 65. 4.

62 In acutis febribus conuulsiones, & circa viscera dolores fortes, malum. 66. 4.

63 In febribus, ex somnis timores, vel conuulsiones, malum. 67. 4.

64 In febribus spiritus offendens, malum. conuulsionem enim significat. 68. 4.

65 Quibus hypochondria suspensa murmurantia, lumborum dolore superueniente, ijs alui humectantur, nisi flatus erumpant, aut vrina multitudo proueniat. hac vero in febribus. 73. 4.

## DE VNIVS IN ALTERVM

præter naturam affectum transmu-

tatione. Cap. vi.

66. *Quicumque morbo laterali laborâtes in quatuordecim diebus non repurgantur, ii ad suppurationē vertuntur. \* Quicumque [autem] ex morbo laterali suppurâtur, si in quadraginta diebus purgantur à die, à qua fit ruptio, liberantur. Si verò non, ad tabem transeant. 8. & 15.5.*

Hosce duos Aphor. copulare visum fuit, ut sic eiusdem materiæ sermo cohærens fiat manifestior.

67. *Quicumque ab angina liberantur, † & ad pulmonem vertitur, ii in septem diebus pereunt. Si vero has effugerint, suppurantur. 10.5.*

Copula † [&] a Philotheo transposita, & in eum locum reiecta longè clariorem reddit Aphor. sententiam. Prius enim corruptè & depravatè legebatur: [Quicumque ab angina liberantur, iis ad pulmonem vertitur, & in septem

[septem diebus pereunt &c.] nec hac de re  
quicquam tetigit Galenus.

## DE SUPERVENIENTIBVS, ET

primum quidem de iis, quæ immo-  
dice vel inanitioni, vel reple-  
tioni superueniunt.

Capitulum VII.

Quoniam de superuenientibus verba fa-  
cturi sumus, ideo operæpretium fuerit doce-  
re in primis quid superuenientium malo-  
rum nomine intelligatur. Superuenientia au-  
tem quænam dicantur, ex Galeno ipso disce-  
re licet comm. Aphor. II. lib. 7. quo in loco  
declarās quis cui morbo intelligatur superue-  
nire, vel etiam in alium quemlibet transmuta-  
ri (de qua quidem transmutatione nuper ha-  
bitus est sermo) inquit: Transmutatur igitur  
morbus, quando priore cessante, aduenit al-  
ter: Superuenit autem, quando altero adhuc  
manente, alter adiicitur. Superuenientia ita-  
que in proposito appellantur, quæcunque,  
priore morbo adhuc manente superueniūt.  
Estq; de ratione superuenientium, quòd ea  
mala sint omnino, vt statim subdit Galenus  
in eodem comm.

68 *Ubi sanguis multus fluxerit: singultus, aut conuulsio superueniens, malum. 3.5.*

69 *A profluvio sanguinis, desipientia, ac conuulsio, malum. 9.7.*

70 *A forti in vlceribus pulsu, profluvium sanguinis. † 21.7.*

Philothæus habet verbum†[malum]in calce Aphor. adiunctum, cuius etiam in comm. ipse meminit. Extat & codex Venetijs excusus eiusdem omnino (quod attinet ad hunc locum) scripturæ. At in Hippocr. qui ex Iuntarum typis iam tertio nobis in lucem prodiiit, illud desideratur. Quod ipse quoq; Galenus prætermisisse conspicitur.

71 *Ex superflua purgatione conuulsio, aut singultus superueniens, malum. 4.5.*

72 *A vomitu singultus, & oculorum rubor, malum. 3.7.*

73 *A tuberculi intus ruptione, exolutio, vomitio, aut animi defectio fit. 8.7.*

74 *Ab æstibus fortibus conuulsio, aut distentio, malum. 13.7.*

75 *A sudore horror, non bonum. 4.7.*

76 Si ebrius quispiam repente obmutuerit, conuulsus moritur, nisi febre corripatur, aut, ubi ad horam peruenerit, qua soluntur erapulae, vocem recuperet. 5.5.

77 Ex multa potatione, rigor, & desipientia, malum. 7.7.

DE IIS, QVAE IPSIVS CAPITIS noxis superueniunt.

Cap. VIII.

78 Quibuscunque praeciditur cerebrum: iis necesse febrem, & bilis vomitum superuenire. 50.6.

79 A capitis ictu, obstupescencia, & desipientia, malum. 14.7.

80 In ossis [videlicet capitis] praecisione, desipientia, si in vacuum apprehenderit. 24.7.

81 Quibus cerebrum aliqua ex causa concussus fuerit, necesse est statim mutos fieri. 58.7.



## SEQVVTVR THORACIS MA-

la alia aliis superuenientia.

Cap. IX.

82 A morbo laterali, vel pulmonia habi-  
to, alui profluvium adueniens, malū. 16. 6.

83 A morbo laterali inflammatio pulmo-  
nis, malum. 11. 7.

84 A pulmonis inflammatione phrenitis,  
malum. 12. 7.

85 A sanguinis spūto puris spūtum, ma-  
lum. 16. 7.

86 A puris spūto phthisis, & fluxus: cum  
verò spūtum retinetur, moriuntur. 16. 7.

Apud Philotheū hi duo postremi Aphor.  
coniuncti leguntur.

87 A tabe habito profluvium alui super-  
ueniens, lethale. 14. 5.

88 Qui tabe moelegantur, si spūtum, quod  
excussunt, graue olet iniectum carbonibus,  
& capilli à capite defluunt, lethale. 11. 5.

89 Quibuscunque tabe laborantibus, ca-  
pilli



*pilli à capite defluunt, & alui profluvio superueniente, moriuntur. 12. 5.*

DE SUPERVENIENTIBVS  
in ventre inferiori, & membris naturalibus in eo contentis.

Cap.

x.

90 Recto intestino, aut vtero inflammationem patiente, vrina stillicidium superuenit: & renibus purulentis vrina aduenit stillicidium: hepatis autem inflammationem patienti singultus aduenit. 58. 5.

91 In hepatis inflammatione singultus, malum. 17. 7.

92 Quibus hepar aqua plenum in omentum eruperit, ijs venter aqua repletur, & [magna ex parte] moriuntur. 55. 7.

93 Quicumque lienosi à difficultate intestinorum capiuntur, ijs superueniente longa difficultate intestinorum, aqua intercutem, aut læuitas intestinorum aduenit, & moriuntur. 43. 6.

94 *Ab ileo vomitus, singultus, desipientia, vel conuulsio, malum. 10. 7.*

95 *A ventris dolore diuturno, suppuratione, 22. 7.*

96 *A deiectione sincera difficultas intestinorum, malum. 23. 7.*

97 *A puuita alba, aqua inter cutem superuenit. 70. 7.*

98 *Aqua inter cutem laborantibus iussis superueniens, malum. 35. 6.*

DE SUPERVENIENTIBVS NON  
in determinata nostri corporis  
parte. Cap. xi.

99 *Quibus tumores in vlceribus apparent, non conuelluntur valde, neque insaniunt: Verum his euanescentibus, derepente quibusdam à tergo conuulsiones & distentiones fiunt: quibusdā ante insania, vel dolor lateris acutus, vel suppuratio, vel difficultas intestinalium, si tumores sint rubicundi. 65. 5.*

100 *A corruptione ossis, abscessus [super]*  
per-

peruenit.] 73. 7.

101 In ossis exuione, erysipelas, [malum.]  
19. 7.

102 Ab erysipelate, putredo, aut suppu-  
ratio, [malum] 20. 7.

DE DOLORIBVS, LASSITVDI-  
nibus, & laboribus. Cap. xii.

103 Quicumque dolentes parte aliqua cor-  
poris omnino dolorem non sentiunt, is mens  
agrotat. 6. 2.

104 Duobus doloribus simul non eundem lo-  
cum infestantibus, vehementior alterum ob-  
scurat. 46. 2.

105 Dum pus conficitur, dolores ac febres  
accidunt magis, quàm iam confecto. 47. 2.

106 Dolores, qui sunt in lateribus & pe-  
toribus atque alijs partibus, an multum  
differant, perdiscendum. 5. 6.

107 Dolores, & tumores ventris sublimes,  
leuiiores: qui verò non sublimes, fortiores.  
7. 6.

108 Quibus tormina, & circa umbilicum dolores, & lumborum dolor, qui neq; à medicamento, neq; aliter soluitur, in aquā inter cutem siccam firmatur. 11. 4.

109 In forti dolore ventris, paruum extremarum frigiditas, malum. 26. 7.

110 Quicumque sani dolore capitis repente capiuntur, & statim muti fiunt, & steriunt, in septem diebus pereunt, nisi febris apprehenderit. 51. 6.

111 Quibuscunque morbi podagrici fiunt, ijs sedata in quadraginta diebus inflammatione, finiunt. 49. 6.

112 Quibuscunq; à coxendicum dolore diuturno molestatis excidit coxa, & rursus incidit, ijs mucrores superueniunt: \* [ & crus tabescit, claudicantq; si non vrantur. ] 59. & 60. 6.

Vsum prænotionis simul & curationis nobis præstat hic Aphor. 112. Quare, non hanc potius, q̃ ordine Quartam iure sibi vindicare poterat sedem. Verum enim uerò, quū is post multos ad partem Prognosticam attinentes

conscriptus fuerit, placuit eum à sua sede nō remouere. Constat porrò ex quinquagesimo nono, & sexagesimo sexti lib. Aphorismis, quos coniungentes necesse fuit illius sexagesimi priorem clausulam demere, quoniam ea dem omnino erat cum initio sui antecedētis.

113 *Spontaneæ lassitudines morbos prænuntiant.* 5. 2.

114 *Qui consueti solitos labores ferre, etsi fuerint imbecilles, & senes, nō consuevis fortibus, atq; iuuenibus facilius ferunt.* 49. 2.

115 *Quibuscunque resurgētibus ex morbis, si quid laborauerit, hic fiunt abscessus. \* Sed etsi ante morbum aliqua parte laborauerit, hic morbus firmatur.* 32. & 33. 4.

## DE MORBIS ACUTIS.

### Cap. XIII.

116 *Acuti morbi in quatuordecim diebus iudicantur.* 23. 2.

117 *Acutorum morborum nō omnino sunt certæ prænuntiationes, aut salutis, aut mortis.* 19. 2.

118 In acutis passionibus ; quæ cum febre sunt , luctuosa suffiria , malum. 54. 6.

119 In morbis acutis frigus partium extre-  
marum , malum. 1. 7.

DE CRISI, ET DIE-  
bus tum Decretorijs, tum contem-  
plabilibus. Cap. XIIII.

120 Quibuscunque crisis , id est iudicatio fit , ijs nox grauis ante accessionem : quæ ve-  
rò subsequitur , magna ex parte leuior exi-  
stit. 13. 2.

121 Septenorum quartus est index . Alte-  
rius septimanæ octauus principium . Est au-  
tem & vndecimus contemplabilis : ipse enim  
quartus est secundæ septimanæ . Rursus ve-  
ro & decimus septimus contemplabilis : ipse  
siquidem quartus est à quartodecimo , septi-  
mus vero ab vndecimo. 24. 2.

## PRAEDICTIONES VARIAE.

Cap. xv.

122 Non satietas, non fames, neque aliud quicquam, quod modum naturæ exceſſerit, bonum. 4. 2.

123 His, quæ non ex ratione leuant, non oportet fidere; neque multum formidare mala, quæ præter rationem eueniunt. Plurima enim talia stabilia non sunt, neque multum durare & permanere cōſueuerē. 27. 2.

124 In quouis morbo mente conſtare, & bene ſe habere ad illa, quæ offeruntur, bonum: contrarium vero malum. 33. 2.

125 In morbis minus periclitantur, quorū naturæ, aut ætati, aut habitu, aut tempori magis congruit morbus, quàm quibus ſecundum nihil iſtorum congruit. 34. 2.

126 In quouis morbo partes ad vmbilicū, & imum ventrem attinentes, craſſitudinem habere melius eſt: vehemens autem extenuatio, & liquatio, prauum. Sed & hoc



quoque ad inferiores purgationes, periculosum. 35. 2.

127 Qui frequenter, ac fortiter absq; manifesta causa exoluuntur, derepente moriuntur. 41. 2.

128 Soluere apoplexiam, fortem quidē impossibile: debilem vero, non facile. 42. 2.

129 Qui strangulantur, ac dissoluuntur, nondum verò mortui sunt, non referuntur [maxima ex parte,] quibus spuma circa os fuerit. 43. 2.

130 Qui natura admodū crassi sunt, citius intereunt, quàm qui graciles. 44. 2.

131 Plurimum atque repente euacuare, vel replere, calefacere, vel refrigerare, siue quouis alio modo corpus mouere, periculosum, quoniam omne nimium est naturae inimicū: sed, quod paulatim fit, tutum est, tū aliàs, tum cum ab altero ad alterum transitus fit. 51. 2.

132 A difficultate intestinorum habito, si veluti carunculae exeant, lethale est. 26. 4.

Dif-

133 *Difficultas intestinorum, si ab atra bile inceperit, lethalis est.* 24. 4.

134 *In longis difficultatibus intestinorum, cibi fastidia, malum, & cū febre peius.* 3. 6.

135 *In longis lauitatibus intestinorum, si ructus acidus fiat, qui prius non erat, signum bonum.* 1. 6.

136 *In morbo diuturno fastidium cibi, & deiectiones sincere, malum.* 6. 7.

137 *Conuulsio ex elleboro, lethalis est.* 1. 5.

138 *Conuulsio ex vulnere, lethalis est.* 2. 5.

139 *Quicumque à distentione corripuntur, in quatuor diebus pereunt: si verò hos effugerint, sani fiunt.* 6. 5.

140 *Si omentum excidat, necessario putrescit.* 58. 6.

141 *Ulcera circum glabra, maligna sunt.* 4. 6.

142 *Ulcera quaecunque si annua sunt, aut etiam diuturniora, os abscedere est necessarium, & cicatrices cauas fieri.* 45. 6.

143 *Lata pustula non admodum pruriunt.* 9. 6.

144 *Aqua inter cutem laborantibus, ulcera in corpore facta difficulter sanantur.*  
8. 6.

145 *A diuturnis sanato haemorrhoidibus, si vna non seruetur, periculum est aquam inter cutem, vel tabem aduenire.* 12. 6.

146 *Si in vulneribus fortibus & prauis tumor non appareat, ingens malum. \* Et molles quidem boni, † crudi vero, mali.* 66.

& 67. 5.

† [Crudi] id est duri, posuit antecedens pro eo, quod sequitur. Nam, propterea quod tumor aliquis crudus est, ideo durus, ac renitens sit oportet.

147 *Si in ventrem sanguis præter naturam effunditur, necesse est † [corrumpi.]* 20. 6.

† [Suppurari] legitur in vulgata editione.

148 *Distillationes in ventrem superiorem suppurantur intra viginti dies.* 38. 7.

149 *Qui gibbi ex asthmate, aut tussi fiunt ante pubertatem, moriuntur.*

150 *Quicumque suppurati, aut aquam in-*

ter cutem patientes vruntur, aut secantur :  
si pus, aut aqua vniuersim effluxerit, omnes  
moriuntur. 27. 6.

1; 1 Quicunque suppurati vruntur, vel se-  
cantur, si pus purum fluxerit, & album,  
euadunt; si vero subcruentum, & faculen-  
tum, ac fœtidum, pereunt. 44. 7.

1; 2 Quorum hepar suppuratum aduritur,  
si pus purum fluxerit, & album, euadunt :  
in tunica enim his pus continetur; si vero,  
qualis amurca, fluat, pereunt. 45. 7.

Hic Aphor. est antecedentis veluti exem-  
plum quoddam.

153 Quibuscunque suppuratio in corpore  
existens non innotescit; ijs ob crassitudinem  
puris, aut loci non innotescit. 41. 6.

154 Qua parte corporis calor, aut fri-  
gus, ibi morbus. 39. 4.

155 Et, vbi in toto corpore mutationes, &  
si corpus refrigeretur, vel rursus calefiat,  
vel color alter ex altero fiat: longitudinem  
morbi significat. 40. 4.

156 Quibus nares natura humidiores, & genitura humidior, minus integra sanitate fruuntur: quibus verò contraria, salubrius degunt. 2. 6.

157 Vesica discissa, aut cerebro, aut corde, aut septo, aut aliquo ex tenuioribus intestinis, aut ventriculo, aut iecore, lethale est. 18. 6.

158 Cum discissum fuerit os, aut charsilago, vel nervus, aut genæ particula tenuis, vel præputium, neque augetur, neque coalescit. 19. 6.

159 Si timor, atque mæstitia longo tempore perseuerent, melancholicum tale est. 23. 6.

160 In morbis melancholicis, ad hæc periculosi decubitus, apoplexiam corporis, † [quæ homines occupat à quadragesimo anno vsq; ad sexagesimum] vel conuulsionem, vel furorem, vel cæcitatem significant. 56. & 57. 6.

† Ibi clauditur sententia Aphor. 57. eiusdē lib. qui habet: [Apoplexiæ autem fiunt maximè à quadragesimo anno vsq; ad sexagesimum.] Præsentis autem Aphor. ceu obscurio

ris intellectum paucis exponā. In morbis melancholicis, si materia, quæ hos ipsos parit, fouetq; , per transpositionem ad partes mox dicendas inclinet, ac decumbat, periculosum: etenim, si ad cerebri vëtriculos, morbum attonitum, quem apoplexiam Græci vocant: si ad neruos, conuulsionem: si ad cerebri membranas, furorem, vel melancholiam, pro varia ipsius humoris melancholici qualitate, & natura: si verò ad oculos, cæcitatem inuehit.

161 *Erysipelas ab exterioribus verti ad interiora, non est bonum: ab interioribus autem ad exteriora, bonum.* 25. 6.

Ampliat hunc locum Galenus ad alia omnia mala, q̃ videlicet ea salubria sint, cū ab internis partibus, & principibus ad externas, & ignobiliore transferuntur.

162 *Ab angina habito si tumor fiat in collo, bonum.* † 37. 6.

† [Foras enim morbus deducitur.] clausulā hāc inuenies superadditā in textu Philothei: Cui fauēt antiqua pariter, & Laurëtiani translationes, imò verò & ipsa Leonicensi versio, vt iacet in veteri operū Galeni Tomo. Attamē nō videtur iure esse apponēda, propter dicta

dicta Galeni 7. Aphor. com. Aphor. 49. in calce, quæ sic habent: Hic igitur videtur fuisse interiectus, volente aliquo adiungere: [extra enim conuertitur morbus.] Supponit ergo legitimum Aphorismum, qui nunc scriptus est, ea additione carere.

163 Balbi, [qui tales natura sunt vitio duntaxat humidioris, & mollioris linguae temperamenti] ab alui profluuio maxime capiuntur. 32. 6.

164 Qui acidum eructant, non valde morbo laterali corripuntur. 33. 6.

165 Quicumque † calui sunt, ijs magna varices non fiunt; quibus vero caluis varices magne superueniunt, ii rursus capillati fiunt. 34. 6.

† Caluitij vocabulo abutitur hoc loco Hippoc. pro capillorum profluuio.

166 Eunuchi, neq; podagra laborant, neque calui fiunt, † [nisi otio, & gulæ supra modum indulgeant.] 28. 6.

† Nō absq; ratione facta fuit ea additio, est enim de ipsius Aphor. integritate. Pro qua re Galenū, si libet, necnon Philotheū consulas.

Quibus



167 Quibus cerebrum † sphacelatum, id est corruptum est, in tribus diebus pereunt; si vero hos euaserint, sani fiunt. 50. 7.

† Sphacelus hac in parte abusiue sumitur non pro absoluta, & completa corruptione, (ea enim insanabilis est omnino) sed pro initio & via ad futuram corruptionem.

168 Desipientia, quæ cum risu fiunt, securiores: quæ vero cum studio, periculosiores. 53. 6.

169 Qui regio morbo laborant, non multum ventosi sunt.

Vltimus est Quinti lib. & septimæ huius nostræ Sectionis. Soli autem Deo tribuatur honor, & gloria, qui autor est omnis boni, quiq; benedictus sit in secula. Amen.

*Septima, & postrema  
Sectionis Finis.*

## CATALOGVS.

## P R A E F A T I O.

**M**Aximè quidem Aphoristica sententia repugnat, quòd si quippiam efferrì paucis queat; illud contrà, pluribus enuntietur. At quanto magis à breuitate Aphoristica erit alienum, si idem penitus bis, vel etiam sæpius repetatur? Quòd si tu dicas, nulli id vitio verti, aut posse, aut debere, quum alioqui obseruatum sit nò semel fuisse id facinus ab Hippoc. admissum, quem tamen nullam ob hoc calumniæ notā subiisse constat, quando ea in re Galenum habeat sibi suffragantem, vt patet quinto Aphorismorum comm. Aphor. 64. in calce: nò ideo equidem inficias, Galenum præcitato loco strenuè Hipp. partes tueri, ipsumq; à culpa vindicare, si eandem quandoq; sententiam bis ter uè scriptis mandare haud veritus fuerit. Attamen non in omnibus simpliciter iure id posse admitti contendit Galenus: sed in quibus duntaxat (vt iisdem penè Galeni verbis utar) magnum aliquod periculum imminet,

net, si negligentius, quod ab ipso docetur, accipiat. Non igitur, quod in medium attulisti, nostram euertit sententiam, ac initio propositum thema oppugnat. Quinimo illud ausim dicere, Galenum ut supra eum excusationis modum fuisse venatum, ut solum Hippoc. quem tanti semper fecit, omni culpa vacare testaretur: licet re vera mente concipiat, & ita sentiat iteratos in Aphorismis sensus à ratione Aphoristica esse omnino alienos. Id quod confirmant, quæ prius ab eodẽ Galeno in comm. illo his verbis exarata comperimus: Miror autem, quomodo in illis, in quibus lac dari iubet, adscripsit, [ si nullũ ex supradictis signis affuerit ] quum sit à doctrina Aphoristica alienum. Id enim erat ex ijs, quæ prius dixerat, cognitum, etiam hoc non adiecto, q̃ dandum est tabidis, & præter rationem extenuatis lac, nisi caput doleat &c. Hæc Galenus. Nonne ille palam nugationis vitium hîc carpit, repetitosq; in Aphor. sensus detestatur? Hoc idem similiter repetit 4. Aphor. in ipso statim exordio comm. Aphor. 47. inquit: fortè conueniens fuerat doctrinæ Aphoristicæ, dici compendiosius, omnes prauas excretiones, cum bene exeunt, ad bonum terminari &c. Sed hac de re plura for-

falsis, quàm Præfationis modus expostulet. Cupiens itaq; has Hippoc. sentētias, quæ antehac nimirum partu alieno deturpatæ circumferebantur, nunc ope nostra tandem genuino candori, suæq; integritati restitutas in communem proferre vsum: iccirco post septem Aphorif. Sectiones hæcenus ex ordine explicatas vnā hanc classē parare decreui, in quam referantur quotquot ab ipso Galeno illegitimi habentur Aphorismi. Quorū sanè alij tales censentur ob manifestam, quā circumscribunt, sententiæ absurditatē: Alij propterea q̃ bis, ter, & sæpius plerunq; conscripti cernantur: nunc quidem seruata prorsus eadem verborum serie, ac contextus forma: nunc verò vno, pluribus, demptis, super additis terminis quoquo pacto immutata. Ceterum, si huc etiam reiectos comperies nō nullos repetitos quidem, sed quos Galenus haudquaquā falsus sit esse spurios: scias nō quidem ausu temerario, sed Galeni decreto fuisse id à nobis tentatum. Quandoquidem ea Galeni mens est, vt quæcunque in Aphorismis repetita deprehenduntur, ea melius sit eximere, quàm intacta relinquere. Ne verò eandem penè cantilenam subinde canere Galenus ipse cogeretur, de repetitis multotiens

vè iteratis in vniuersum oblitterandis semel admonuisse sat sibi visum fuit 6. Aph. côm. Aphor. 24. quanquàm idipsum & alibi in memoriam quandoq; reuocare minimè graetur. An verò quilibet repetitus continuò sit & spurius, alijs perquirendum relinquo. Philotheus sanè autor grauissimus hanc intrepidè proferens sententiam ita paucis cōtrouersiam dirimit, diluitq; : sciendum est, quicunque Aphorismi inter se similes sunt, & eiusdè sententiæ ab alijs, & non ab Hipp. interpositos esse. 7. Aphor. comm. Aphor. 45. Sicque Præfationem hanc nostram ad calcem deduxisse volo, vbi prius quorundam meminero locorū, in quibus indicat Galenus, palamq; monet, repetitos Aphorif. esse penitus eximendos.

## I

**P**rius hic Aphorismus à nobis expositus est in præcedentis Aphor. expositione: scriptus etiam in superiori lib. parte ijsdem verbis. Quare, & nonnulli eum de hoc loco sustulerunt quarto Aphorif. toto com. 3. Aphorismi.

I I

Hic Aphorismus dictus est & antea, ubi de purgatione sermo habebatur. Sed & hic, ubi de mulieribus agitur, in quam pluribus exemplaribus inuenitur. Quidam verò eximunt ipsum, ne his scriptus inueniatur. 5. Aphor. comm. Aphor. 29.

I I I

Hoc & in Aphorismo paulò antea dicto monstrauit, cuius initium: [Vesica discissa, vel cerebro &c.] Nescio igitur quo pacto nunc frustra fuerit adscriptus. Idem autem vidimus & in pluribus aliis Apho. quos melius fuerit eximere. 6. Aphor. toto comm. Aphor. 24. & est locus ille generalis.

I I I I

In omnibus ferè exemplaribus hic Aphorismus scriptus est: eximere autem ipsum oportet propter alterum, qui prius est dictus, quem nos exposuimus in 4. horum Commentariorum per hæc verba scriptum: [Si sanguinem mingant, ac grumos &c.] 7. Aphor. comm. Aphor. 39.

V

Hic Aphorismus pars est eius, qui prius dictus fuit in hæc verba: [Quibuscunque venæ sectio, vel purgatio cum medicamento conuenit

uenit &c.] Atque ideo in quibusdam exemplaribus non est adscriptus omnino: Id quidam libri huius expositores sciunt, bisque ipsum scribunt: nonnulli vero neque metum eius omnino fecere. Non admirari verò illos non possis, qui non modo bis eundem scribunt Aphorif. verum etiam in eisdem Commentariis cum exponunt, nulla facta significatione, quòd ijs, qui antea scripti fuerunt, quidam sunt ex toto iidem, quidam verò ex parte, cuiusmodi hic est. 7. Aph. comm. Aphor. 53.

## V I

Hic vltimus Aphorismus in multis exemplaribus scriptus est, in quibusdam verò & alij adiecti sunt eodem modo, quo & illi omnes, quos decurrimus, ex legitimis ita fraudulentè concinnati, vt nonnulli eisdem verbis scribantur, nonnulli parum euariant, nonnulli parua facta adiectione similes sint ijs, quos scripsit Hippo. Quare, ne ipsos quidem duximus adiiciendos. 7. Apho. comm. Aph. 75.

*Prefationis finis.*



1 Si, qualia oportet purgari, purgentur: confert, & facile ferunt: si contrà, difficulter. 25. 1.

2 Si, qualia oportet purgari, purgentur: confert, & leuiter ferunt: contraria verò grauiter. 3. 4.

Continentur hi duo in prima parte. 2. Aphor. primi lib.

3 Quibus Iuuenibus adhuc aluus humecta est, ijs senescentibus exiccatur. Quibus vero Iuuenibus aluus sicca est, ijs senescentibus humectatur. 20. 2.

Affinis est hic, 53. eiusdem lib. Sed illū quidem posteriorem in quarta legitimorum Sectione numero 13. prælegimus propter verba [magna ex parte] quæ hîc desiderantur.

4 Eius, qui ex aegritudine bene cibatur, nihil proficere corpus, malum. 31. 2.

Manifestè hic continetur in octauo & 32. secundæ Particulæ.

5 Crauitas purgare turgente materia à quarto mense vsq; ad septimum, minus verò has. Recentiores autem & seniores vereri  
opor-

*oportet. 29. 5.*

Idem 4. Aphor. 1.

6 *Similiter autem & in maribus: aut enim propter corporis raritatem spiritus extra fertur, ut semen transmittatur ad os: vel propter spissitudinem humor non exit foras: vel propter frigiditatem non concalescit ita, ut ad hunc colligatur locum: vel propter caliditatem hoc idem accidit. 63. 5.*

Manifesta est Aphorismi absurditas: cuius loco alterum nos exarauimus, ac substituimus.

7 *Si quod intestinorum gracilium discindatur, non coalescit. 24. 6.*

Continetur in decimooctauo eiusdem lib. cuius quidem initium: [Vesica discissa, aut cerebro &c.]

8 *Qui in febribus ardētibz tremores fiunt, delirio soluantur. 26. 6.*

Suspectus est Galeno ipsa loquutionis improprietate. Fuchsius verò ut vitet illam sermonis improprietatē, sic suo modo Aphor. vertit: [quibus in ardentibus febribz tremores fiunt, ijs delirium succedit.] At Fuchsius sua hac versione Galeni potius commen-

tum, quàm Hipp. contextum latinitati reddidisse videtur. Nisi fortassis ille Græcum habeat exemplar longè ab aliis diuersum, quod neq; Leonicens vnquam viderit, neq; Rasario hætenus innotuerit

9 *Morbo regio laborantibus si fiat hepar durum, malum. 42. 6.*

10 *Quibus in febribus morbus regius septimo, vel nono, vel vndecimo, vel quartodecimo superuenerit, bonum, nisi dextrum hypochondrium obduruerit: si verò non, non bonum. 64. 4.*

Huius & immediatè antecedentis Aphor. sententia duobus verbis absolutè est comprehensa in calce Aphor. 62. 4. lib. ex additione nostra, suasu tamen Galeni facta, vt patet sectione vltima. 60.

11 *Quibus ex stillicidio vrinae, ileos superuenerit, in septem diebus pereunt, nisi febre superueniente satis vrina fluxerit. 44. 6.*

Putat Galenus illegitimum esse hunc Aphor. propterea quod eius sententia neq; ratione vlla, neq; ipsa demum fulciri potest experientia. Conatur tamen ipse in postrema comm. parte quendam venari expositionis

mòdum, quo, & si perrarò, verificari potest eius Aphor. sensus & intellectus. Quem sanè enarrationis modum, quum alioqui Galenus subobscurum nobis reliquerit, nemo post Galenum ipsum vno Philotheo autore Graeco magis enucleauit.

12 *Difficultatem vrinae, vena secta iuuat: secare verò interiores. 36. 6.*

Palam astruit Galenus ex interpositorum numero hunc vnum esse, pro falso enim dicit esse habendum, nisi [ & ] copulam assumat hoc modo; [Difficultatem vrinae & vena secta iuuat] Præterea, quod dicitur: [Secare vero interiores.] Nullum habet sensum doctrinae Hippocraticæ, atque adeo veritati ipsi consonum.

13 *Ex medicamento potione conuulsio, lethalis est. 25. 7.*

Continetur hic Aphor. in 4. quinti lib.

14 *Quando os, aut chartilago, aut nervus abscinditur in corpore, non augetur. 28. 7.*

In 19. 6. lib. concluditur.

15 *Si quis sanguinem minxerit & grumos, & stillicidio vrinae laboret, et dolor incidere in femur, & imum ventrem pectinemq;:*  
quæ

*quæ circa vesicam, male se habere significatur. 39. 7.*

Idem 4. Aphor. 80.

16 *Si senioribus supra modum purgatis singultus superuenerit, non bonum. 41. 7.*

Clauditur & hæc sententia eodem Aphor. 4. Quinti lib. paulò ante citato, quo in loco Hipp. lethalem facit tum cõuulsionem, tum singultum ex superflua purgatione superueniētes. Etenim si hæc cūctis in vniuersum praua sunt, senibus ipsis deteriora esse quis ambigat? Meritò itaq; & hic repetitis adscribitur.

17 *Dolores oculorum, post meri potionē, & aqua calidæ balneum, venæ sectione curato. 46. 7.*

Spurius hic esse proculdubio dignoscitur: fuit autem, sed perperam, ex 31. lib. 6. transumptus, & confarcinatus.

18 *Aqua inter cutem laborans, si à tussi habeatur, desperatus est. 47. 7.*

Idem habetur 6. Aphor. 35.

19 *Urinæ stillicidium, & mingendi difficultatem, vini potio, & venæ sectio soluit: incidere autem interiores. 48. 7.*

Labo-

Laborant Galenus & Philotheus dictorū affectuum causas inuestigare ac distinguere, iuxta quas proposita auxilia duabus illis dispositionibus præsidio esse queant. Sed utcūque, vel ex illis postremis verbis, [incidere autem interiores.] hic, non secus atque 36. lib. 6. ceu nothus reijciendus venit ac reprobādus.

20 *Ab angina habito tumor, & rubor in pectore superueniens, bonum: extra enim vertitur morbus. 49. 7.*

Idem 6. Aphor. 37. paululum mutatis, & quibusdam etiam adiectis voculis.

21 *Quibus à venis sanguinem mittere confert: ijs vere venam oportet secare. 53. 7.*

Pars est Aph. 47. lib. 6. cuius initiū: [Quibuscunq; venæ sectio, vel purgatio &c.]

22 *Quibus in vrinario meatu tubercula fiunt, ijs suppuratione facta & eruptione, soluitur dolor. 57. 7.*

Iisdem propemodum verbis legitur quarto Aphor. penultima sede.

23 *Ubi in toto corpore mutationes, & corpus refrigeratur, & rursus calefit, aut colorem alium ex alio cōmutat, longitudo morbi signi-*

*significatur . 60. 7.*

Idem 4. Aphor. 40.

24 *Sudor multus calidus, vel frigidus semper fluens, humorē abduci, robusto quidē supra, debili verò infra, significat. 61. 7.*

Initio quidem assimilatur. 42. lib. 4. Sed fine eidem non consentit: quinimo sensu & vocum contextu toto ab eo discrepat coelo.

25 *Febres, quaecunque non intermittentes, tertia die fortiores fiunt, periculosa: quocunque autem modo intermiserint, significant, quòd non sunt periculosa.*

Hunc, & duos statim subsequētes sine numero ipsis præfixo scriptos reperies in vulgata editione immediatè post 61. quem modo exarauimus. immo in quibusdam codicibus ne omnino quidem scribuntur, aut solum in com. eorum meminit Galenus. Legitimi autem, a quibus hi ab alijs interiecti parum, aut nihil differunt: in quarta Aphor. Particula seriatim locantur hisce numeris inscripti: 43.

44. 45.

26 *Quibuscunq; febres longæ, ijs vel tubercula, vel ad articulos dolores decumbunt.*

Qui-



27 *Quibuscunque tubercula diutina, aut in articulos dolores ex febre decumbunt, ij cibo pleniore vtuntur.*

28 *Si quis cibum febricitanti dederit: vt sano robur, sic laboranti morbus. 62. 7.*

Qui hūc interposuit Aphor. malè Hippocratem æmulando 2. Aphor. 10. ita scribentē: [Non pura corpora quantò plus nutries, tantò magis lædes.] eandem sententiam sub factua, & planè ridicula verborum serie ac forma explicuit. Satius vtique fuisset hūc in modum ipsam efferre: *cibus, vt sanis robur, ita laborantibus morbum auget.*

29 *Quæ per vesicam excernuntur, inspicere oportet, si talia, qualia sanis, excernuntur. Quæ igitur minimè similia sunt his, hæc morbosiora: Quæ verò sunt sanis similia, hæc minimè morbosa. 63. 7.*

Nemo est, qui vel summis labellis phrasim Hippocraticam degustarit, cui statim non pateat, hunc, & sequentes duos contextus ne Aphorismi quidem appellatione dignos haberi, (adeo rudioris sunt literaturæ, ac inextricabilis sensus) tantum abest, vt

a tanto viro, qualem fuisse Hipp. nouimus, conscripti putentur.

- 30 *Et quibus deiectiones si stare permiseris, & non moueris, veluti strigmenta subsistunt: & si pauca, paucus est morbus: & si multa, multus: is cōfert alui purgatio. Quòd si aluo nō purgata dederis sorbitiones, quāto plures dederis, tanto magis nocebis. 64.7.*
- 31 *Quibuscunque cruda infra deiiciuntur, atra bilis inest: si plura, maior: si pauciora, minor est morbus.*

Sunt, qui huiusce Aphor. initio ad præcedentis calcem reiecto eundem ab atra bile inchoent, hocq; pacto legant; [vbi atra bilis in est, si plus, maior est morbus: si minus, minor.] Quum verò sit spurius, vtcunq; scribatur, nihil sit nobis curæ. Nec in aliorū Aph. serie is collocatur, sed solum in comm. eius Aphor. 64. excuditur.

- 32 *Excreationes in febribus non intermittentibus, liuidæ, sanguineæ, biliosæ, & fætidæ, omnes malæ. Cum verò bene excernuntur, bonum est, & per vesicam: &, vbi aliquid secedens steterit non purgatum malum.*

*lum. 65. 7.*

Parum hic differt a 47. lib. 4.

33 *Corpora oportet, vbi quis purgare voluerit, fiuida facere: & si supra, sistere alium: si verò infra humectare. 66. 7.*

Prior quidem Aphor. pars est integer 9. Secundæ Part. Aphorismus. Reliquum fuit appositum.

34 *Somnus, vigilia, utraq; modum excedentia, morbus. 67. 7.*

Eodem ferè modo effertur 2. Aphor. 3.

35 *In febribus non intermittentibus si exteriora frigent, interiora vruntur, & febris habeat, lethale. 68. 7.*

Si loco eius, quod dicitur: [& febris habeat] scriptum esset: [& sitim habeat] in nullo penitus discreparet a 48. lib. 4.

36 *In febre non inter mittente si labrum, aut nasus, aut oculus, aut supercilium perueritur, si non videat, si non audiat, & iam debilis sit; quicquid horum fuerit, mors prope est. 69. 7.*

Et oratione, & sensu æquipollet. 49. lib. quarto.

37 *Ab alui profluvio difficultas intestino-  
rum [superuenit.] 71. 7.*

Lōge meliori scriptura habetur. 7. Aph. 23.

38 *A difficultate intestinorum, leuitas in-  
testinorum superuenit. 72. 7.*

Liquidò hic continetur in 43. lib. 6.

39 *A sanguinis vomitu, tabes, & puris pur-  
gatio suprà: in tabe, fluxio ex capite: in flu-  
xione, alui profluvium: in alui profluvio,  
adstrictio purgationis superioris: in adstrictio-  
ne mors. 74. 7.*

Ex 15. & 16. Aph. eiusdem lib. fuere hæc col-  
lecta, & corruptè satis composita.

40 *Qualia fuerint vesica, aut alui excre-  
menta, & ex carnibus, & sicubi alibi à na-  
tura corpus exierit, si parū, paucus est mor-  
bus: si multum, multus; si valde multum,  
lethale est. 75. 7.*

Modus hic loquutionis ab ea, quæ Hipp. ge-  
nuina dicendi forma, est alienissimus. Et hoc  
sermone clauditur Illegitimorum Aphor. Ca-  
talogus.

FINIS.



LEGITIMORVM **HIPP.** **APHO-**  
 rismorum Index Alphabeticus, priori  
 numero Aphorismum, altero  
 sectionem indicantibus.

*A*

<b>A</b> <i>Ab astibus fortibus.</i>	<u>74.</u>	<u>7</u>
<i>Ab angina habito.</i>	<u>162.</u>	<u>7</u>
<i>Ab aqua inter cutem habito.</i>	<u>31.</u>	<u>8</u>
<i>Ab eryspelate putredo.</i>	<u>102.</u>	<u>7</u>
<i>Ab ileo vomitus.</i>	<u>94.</u>	<u>7</u>
<i>Acapitis iclu.</i>	<u>79.</u>	<u>7</u>
<i>Accessiones uero &amp; constitutiones.</i>	<u>16.</u>	<u>1</u>
<i>Ac corruptione ossis.</i>	<u>100.</u>	<u>7</u>
<i>Acuti morbi.</i>	<u>116.</u>	<u>7</u>
<i>Acutorum morborum.</i>	<u>117.</u>	<u>7</u>
<i>Ac deiectione sincera.</i>	<u>96.</u>	<u>7</u>
<i>Ac difficultate intest. habito.</i>	<u>132.</u>	<u>7</u>
<i>Ac diuturnis sanato hamorr.</i>	<u>145.</u>	<u>7</u>
<i>Acstate autem nonnulli horum.</i>	<u>2.</u>	<u>3</u>
<i>Acstate, &amp; Autumno.</i>	<u>13.</u>	<u>2</u>
<i>Acstiva Quartana.</i>	<u>2.</u>	<u>3</u>
<i>Ac febre ardente habito.</i>	<u>44.</u>	<u>7</u>
<i>Ac forti in vlceribus pulsu.</i>	<u>70.</u>	<u>7</u>
<i>Ac longo alui profluuio.</i>	<u>32.</u>	<u>7</u>
<i>Aclyce, id est anxietudo.</i>	<u>18.</u>	<u>7</u>
<i>Ac morbo laterali, uel pulm.</i>	<u>82.</u>	<u>7</u>

*N*

*Ac mor-*

# I N D E X.

<i>A morbo laterali inflammatio pulm.</i>	83.	7
<i>A pituita alba.</i>	97.	7
<i>A profluvio sanguinis.</i>	69.	7
<i>A pulmonis inflammatione.</i>	84.	7
<i>A puris sputo.</i>	86.	7
<i>Aqua inter cutem lab. tussis.</i>	98.	7
<i>Aqua inter cutem lab. ulcera.</i>	144.	7
<i>Aqua, qua cito calefit.</i>	12.	5
<i>A quartanis capiti.</i>	27.	5
<i>A sanguinis sputo.</i>	85.	7
<i>A singultu.</i>	34.	5
<i>A sudore.</i>	75.	7
<i>A tabe habito.</i>	87.	7
<i>A tuberculi intus ruptione.</i>	73.	7
<i>A ventris dolore diuturno.</i>	95.	7
<i>A vomitu.</i>	72.	7
<i>Austri auditum hebetantes.</i>	14.	3
<i>Autumno morbi acutissimi.</i>	12.	3
<i>Autumno uerò &amp; multi effiui.</i>	8.	3
<i>Autumnus tabidis malus.</i>	9.	3

## B

<i>Balbi.</i>	163.	7
---------------	------	---

## C

<i>Calidum, ubi quis sepius.</i>	1.	5
<i>Calidum suppuratorium.</i>	2.	5
<i>Cancros occultos.</i>	23.	5
<i>Caput dolenti.</i>	21.	5
<i>Concocta medicari.</i>	12.	1
<i>Coniectari autem oportet.</i>	7.	2

Corpora cum quissiam.	13.	1
Corporibus carnes habentibus humiditas.	17.	5
Conuulsio fit, uel ex repletione.	13.	5
Conuulsio ex elleboro.	137.	7
Conuulsio ex uulnere.	138.	7
Cum biberit quis elleborum.	22.	1
Cum discissum fuerit os.	158.	7
Cum morbi inchoant.	11.	1
Cum uerò iam magis adol.	3.	4
Cum uulneris magis ducere elleb.	23.	1

D

Deiectiones nigrae.	5.	7
Deiectiones non multitudine.	8.	1
De Maribus autem.	12.	6
Desipientia.	168.	7
De temporibus.	21.	3
Difficultas intestinorum.	133.	7
Distillationes in Ventrem superio.	148.	7
Dolenti partem cap. postero.	20.	5
Dolores oculorum.	19.	5
Dolores podagrici.	11.	3
Dolores, qui sunt in lat.	106.	7
Dolores & tumores uentris.	107.	7
Dum pus conficitur.	105.	7
Duobus doloribus.	104.	7

E

Eorum, quae uniuersim.	22.	2
Erysipelas ab exterior. uerti.	161.	7
Est autem ubi in distensione.	8.	5



# I N D E X.

<i>Et quibus semel, aut bis.</i>	12.	2
<i>Et ubi in toto corpore.</i>	155.	7
<i>Eunuchi.</i>	166.	7
<i>Ex Anni autem constit.</i>	16.	3
<i>Ex bubonibus febres.</i>	57.	7
<i>Excreationes in febribus.</i>	10.	7
<i>Ex multa potatione.</i>	77.	7
<i>Ex superflua purgatione.</i>	71.	7
<i>Extremus morbus.</i>	3.	2

## F

<i>Facilius est impleri potu.</i>	21.	2
<i>Famem thorexis</i>	16.	3
<i>Febrem conuulsioni superuenire.</i>	28.	3
<i>Febres quacumq; non intermitt.</i>	48.	7
<i>Febricitantem nisi diebus iudicat.</i>	59.	7
<i>Febricitanti sudor superueniens.</i>	26.	7
<i>Febricitantium non omnino leuiter.</i>	42.	7
<i>Fœtus, mares quidem in dex.</i>	18.	6
<i>Frigida, qualis mix.</i>	11.	3
<i>Frigidi sudores.</i>	32.	7
<i>Frigidum autem [immodicum.</i>	5.	3
<i>Frigidum inimicum ossibus.</i>	6.	3

## G

<i>Graciles &amp; facile vomentes.</i>	18.	1
<i>Grandioribus autem.</i>	4.	4

## H

<i>Habitus exercitatorum.</i>	7.	1
<i>His, qua non ex ratione leuant.</i>	123.	7
<i>Hyeme verò morbi laterales.</i>	10.	3

# I N D E X.

<i>In , qui per circuitus .</i>	15.	2
<i>In accēssionibus abstinere oportet .</i>	14.	2
<i>In acutis feb. conuulsiones.</i>	62.	7
<i>In acutis passionibus, quæ cum febre.</i>	118.	7
<i>In acutis passionibus raro .</i>	13.	1
<i>In atatibus autem.</i>	1.	4
<i>In contantibus temporibus.</i>	4.	3
<i>In febre non intermittente.</i>	51.	7
<i>In febribus , abscessus.</i>	53.	7
<i>In febribus circa uentriculum.</i>	61.	7
<i>In febribus ex somnis timores.</i>	63.	7
<i>In febribus non intermittētib.</i>	50.	7
<i>In febribus spiritus offendens.</i>	64.	7
<i>In fluxu muliebri.</i>	9.	6
<i>In forti dolore ventris.</i>	109.	7
<i>In hepatis inflammatione.</i>	91.	7
<i>In his frigido utendum.</i>	9.	5
<i>In longis difficultatib. intest.</i>	134.	7
<i>In longis leuitatib. intest.</i>	135.	7
<i>In medicationibus.</i>	6.	1
<i>In [ melancholicis ]</i>	35.	5
<i>In morbis acutis.</i>	119.	7
<i>In morbis melancholicis .</i>	160.	7
<i>In morbis minus periclitantur .</i>	125.	7
<i>In morbo diuturno fastidium cibi.</i>	136.	7
<i>In omni corporis motu .</i>	37.	3
<i>In ossis [ uidelicet cap. ] præcisione.</i>	80.	7
<i>In ossis exustione.</i>	101.	7

<i>In perturbationibus uentris.</i>	5.	I
<i>In profluuijs alui.</i>	12.	7
<i>In progressu uerò.</i>	2.	4
<i>In quo morbo somnus.</i>	1.	7
<i>In quouis morbo mente const.</i>	124.	7
<i>In quouis morbo partes ad umbil.</i>	126.	7
<i>In siccitatibus.</i>	17.	3
<i>In temporibus.</i>	19.	3
<i>In tenui victu.</i>	2.	2
<i>In uigilia.</i>	3.	7
<i>Iuuenibus autem sang. spuitiones.</i>	6.	4

## L

<i>Lac dare caput dolentibus.</i>	45.	5
<i>Lassitudinem habentibus.</i>	45.	7
<i>Lata pustula.</i>	143.	7
<i>Lienosis difficultas intest.</i>	41.	5
<i>Lippientem alui profluuiio corrip.</i>	33.	5

## M

<i>Magnitudo corporis.</i>	14.	4
<i>Medicari ætate.</i>	17.	I
<i>Medicari in ualde acutis.</i>	14.	I
<i>Melancholicis &amp; renum uitio lab.</i>	36.	5
<i>Melancholicos autem.</i>	20.	I
<i>Menstruis deficientibus.</i>	8.	6
<i>Mictio noctu plurima.</i>	30.	7
<i>Morbi in plumarum multis.</i>	18.	3
<i>Morbi omnes quidem.</i>	6.	3
<i>Morbi quoq; [ &amp; ætates.</i>	3.	3
<i>Morbis quibuscumque incipien.</i>	6.	7

# I N D E X.

<i>Mulier ambidextra.</i>	38.	6
<i>Mulierem vtero gerentem.</i>	29.	6
<i>Mulieri utero gerenti si alius.</i>	23.	6
<i>Mulieri menses decolores.</i>	6.	6
<i>Mulieri, quæ uterinis [ strangulationibus ]</i>	35.	6
<i>Mulieri sanguinem euomentis.</i>	7.	6
<i>Mulieri, si uelis menstrua cohib.</i>	5.	6
<i>Mulieri utero gerenti si altera mamma.</i>	20.	6
<i>Mulieri vtero gerenti si lac multum.</i>	27.	6
<i>Mulieri vtero gerenti si mamma.</i>	12.	6
<i>Mulieri utero gerenti si tentio superu.</i>	24.	6
<i>Mulier podagra non laborat</i>	3.	6
<i>Mulier, si marem concepit.</i>	17.	6
<i>Mulier utero gerens.</i>	22.	6
<i>Mutationes temporum.</i>	13.	3

## N

<i>Naturarum, hæc quidem ad ætatem.</i>	2.	3
<i>Non febricitantibus si tormina.</i>	25.	1
<i>Non satietas, non fames.</i>	122.	7

## O

<i>Omnes ferè, qui malè se habent.</i>	24.	2
<i>Omnia secundum rationem facienti.</i>	47.	5
<i>Oportet uerò &amp; considerare.</i>	4.	7

## P

<i>Parum deterior potus.</i>	17.	2
<i>Per tempora Anni.</i>	1.	3
<i>Plurimæ autem [ diutinae ] passiones.</i>	9.	4
<i>Plurimum, atq; repente.</i>	131.	7
<i>Puer podagra non laborat.</i>	10.	4

Q.

<i>Qua corruptura sunt fetus.</i>	21.	6
<i>Quacunq. frigidos &amp; spissos uteros.</i>	11.	6
<i>Quacunq. mediocriter corpora habentes.</i>	16.	6
<i>Quacunq. prater naturam crasse.</i>	13.	6
<i>Quacunq. prater naturam tennes.</i>	25.	6
<i>Quacunq. refrigerata sunt.</i>	3.	5
<i>Quacunq. utero gerentes.</i>	31.	6
<i>Qua ducere oportet.</i>	16.	1
<i>Qua ex longo tempore consueta sunt.</i>	18.	2
<i>Qua iudicantur, &amp; iudicata sunt.</i>	15.	1
<i>Qua longo tempore extenuantur.</i>	10.	2
<i>Qua relinquuntur in morbis.</i>	28.	1
<i>Qua utero gerunt.</i>	15.	6
<i>Quando astus fit verisimilis.</i>	20.	3
<i>Quando morbus in suo uigore.</i>	5.	2
<i>Qua parte corporis calor.</i>	154.	7
<i>Qua parte corporis sudor.</i>	33.	7
<i>Qui acidum eructant.</i>	164.	7
<i>Qui ad elleborum.</i>	4.	1
<i>Qui alba pituita detinetur.</i>	12.	5
<i>Qui bene se habent corpore.</i>	1.	1
<i>Quibus autem morbo renali lab.</i>	22.	7
<i>Quibus autem urinarum [sedimina.</i>	18.	7
<i>Quibus biliosa deiectiones.</i>	12.	5
<i>Quibus cerebrum aliqua ex causa.</i>	81.	7
<i>Quibus cerebrum sphacelatum.</i>	167.	7
<i>Quibus circa dentes in febris.</i>	55.	7
<i>Quibuscunq. accessiones fiunt.</i>	44.	7

Qui-

# I N D E X.

Quibuscunq. à coxendicum dolore.	112.	7
Quibuscunq. crisis. i. iudicatio fit.	120.	7
Quibuscunq. ex morbis acutis.	7.	7
Quibuscunq. febricitantibus in Vrinis.	17.	7
Quibuscunq. morbi comitiales fiunt.	11.	4
Quibuscunq. morbi podagrici fiunt.	111.	7
Quibuscunq. mulieribus ad mammas.	37.	6
Quibuscunq. praeiditur cerebrum.	78.	7
Quibuscunq. resurgentibus ex morbis.	115.	7
Quibuscunq. suppuratio in corpore.	153.	7
Quibuscunq. tabe laborantibus.	89.	7
Quibuscunq. vena sectio.	10.	2
Quibuscunq. Vrina distantes sunt.	12.	7
Quibus cutes circumduntur aride.	37.	7
Quibus dolor circa hypochondrium fit.	26.	3
Quibus febres longæ.	49.	7
Quibus hepar aqua plenum.	92.	7
Quibus hypochondria suspensa.	65.	7
Quibus egitur statim morbus.	6.	2
Quibus in alui profluuijs.	11.	7
Quibus in febribus aures obsurd.	40.	3
Quibus in febribus morbus regius	60.	7
Quibus in febribus quotidie rigores.	41.	7
Quibus in feb. sanguis fluxerit.	43	7
Quibus in feb. sexto die rigores.	39.	7
Quibus [ insidens ] pingue	21.	7
Quibus inter Ventriculum, & septum.	30.	3
Quibus in Vrina crassa existente.	25.	7
Quibus in Vrina crassa fursurea.	26.	7
Quibus		

Quibus in urinaria fistula.	43.	2
Quibus in urinis arenosa subsistunt.	28.	7
Quibus in urinis bullae insident.	20.	7
Quibus nares natura humidiores.	156.	7
Quibus os uteri durum est.	38.	6
Quibus plurimum sicca tusses.	56.	7
Quibus septima iudicatur.	16.	7
Quibus speratur abscessum futurum.	42.	2
Quibus tormina.	108.	7
Quibus tubercula.	26.	2
Quibus tumores.	99.	7
Quibus urina alba & perspicua.	14.	7
Quibus urina crassa.	13.	7
Quibus urina perturbata.	15.	7
Qui consueti solitos labores ferre.	114.	7
Quicunq. à distentione corripuntur.	139.	7
Quicunq. ab angina liberantur.	67.	7
Quicunq. aluos humidus habent.	13.	4
Quicunq. calui sunt.	165.	7
Quicunq. dolentes parte aliqua corp.	103.	7
Quicunq. [ dolores ] ex dorso.	22.	2
Quicunq. euomunt sanguinem.	24.	2
Quicunq. hepar circundolent.	25.	2
Quicunq. in febribus, uel in alijs.	54.	7
Quicunq. iuuenes morbo comitali.	12.	4
Quicunq. lienosi à difficult. intest.	93.	7
Quicunq. morbi ex repletione fiunt.	46.	2
Quicunq. morbo laterali laborantes.	66.	7
Quicunq. sani dolore capitis.	110.	7



# I N D E X.

Quicumq. sponte [ <u>i. repente</u> ]	<u>27.</u>	<u>2</u>
Quicumq. spumofum sang. expunt.	<u>9.</u>	<u>7</u>
Quicumq. suppurati, aut aquam inter cutem.	<u>130.</u>	<u>7</u>
Quicumq. suppurati uruntur, uel secantur.	<u>131.</u>	<u>7</u>
Qui frequenter ac fortiter.	<u>127.</u>	<u>7</u>
Qui gibbi ex asthma, aut tussi fiunt.	<u>149.</u>	<u>7</u>
Qui in medicamentis purgati.	<u>27.</u>	<u>1</u>
Qui natura admodum craffi sunt.	<u>130.</u>	<u>7</u>
Qui nactu bibere appetunt.	<u>38.</u>	<u>5</u>
Qui regio morbo laborant.	<u>169.</u>	<u>7</u>
Qui salubritatem corporis habent.	<u>2.</u>	<u>1</u>
Qui strangulantur, ac dissoluuntur.	<u>129.</u>	<u>7</u>
Qui tabe molestantur.	<u>88.</u>	<u>2</u>
Quorum alui intest. leuitate laborant.	<u>21.</u>	<u>1</u>
Quorum hepar suppuratum adurit.	<u>152.</u>	<u>7</u>
Quotidiana autem constitutiones.	<u>15.</u>	<u>3</u>

## R

Recto intestino, aut utero.	<u>90.</u>	<u>7</u>
Renum, & uesica uitia.	<u>16.</u>	<u>4</u>
Rigores.	<u>38.</u>	<u>7</u>

## S

Sanguis quidem supra.	<u>8.</u>	<u>7</u>
Senes facillime ieiunium ferunt.	<u>8.</u>	<u>2</u>
Senes iuuenibus magna ex parte.	<u>15.</u>	<u>4</u>
Senibus spirandi difficultates.	<u>8.</u>	<u>4</u>
Septenorum quartus est index.	<u>121.</u>	<u>7</u>
Si à febre habito collum peruertitur.	<u>47.</u>	<u>7</u>
Si à febre habito, tumore non existente in faucibus.	<u>46.</u>	<u>7</u>
	<u>Si ebrius</u>	

# I N D E X.

<i>Si ebrius quispiam repente obmutuerit.</i>	<u>76.</u>	7
<i>Si febris non ex bile habeat.</i>	<u>4.</u>	5
<i>Si in Ventrem sanguis.</i>	<u>147.</u>	7
<i>Si in Vulneribus fortibus &amp; prauis.</i>	<u>146.</u>	7
<i>Si lingua repente incontinens fiat.</i>	<u>15.</u>	5
<i>Si menstrua plura fiant.</i>	<u>2.</u>	6
<i>Si mulier non concipit.</i>	<u>10.</u>	6
<i>Si mulier, quæ neq. grauida est.</i>	<u>1.</u>	6
<i>Si mulieri cessent purgationes.</i>	<u>16.</u>	6
<i>Si mulieri vtero geienti purg. eant.</i>	<u>28.</u>	6
<i>Si mulieris grauida in utero sit.</i>	<u>30.</u>	6
<i>Si omentum excidat.</i>	<u>140.</u>	7
<i>Si quis à morbo.</i>	<u>25.</u>	2
<i>Si quis febrem non habens.</i>	<u>24.</u>	1
<i><u>Si</u> rigor incidat febre non deficiente.</i>	<u>40.</u>	7
<i>Si sanguinem, aut pus mingat.</i>	<u>23.</u>	7
<i>Si sanguinem, aut pus minxerit.</i>	<u>24.</u>	7
<i>Si sanguinem mingant, aut grumos.</i>	<u>29.</u>	7
<i>Si timor, atq. mæstitia.</i>	<u>159.</u>	7
<i>Si uelis noscere, an conceperit mulier.</i>	<u>14.</u>	6
<i>Si uero æstus sicca fuerit &amp; aquil.</i>	<u>23.</u>	3
<i>Si uero hyems australis &amp; pluuiosa.</i>	<u>22.</u>	3
<i><u>Si</u> Vterus in coxam uergens.</i>	<u>33.</u>	6
<i>Soluere Apoplexiam.</i>	<u>128.</u>	7
<i>Somnus, atq. uigilia.</i>	<u>2.</u>	7
<i>Spontaneæ lasitudines.</i>	<u>113.</u>	7
<i>Sternutamentum fit ex capite.</i>	<u>14.</u>	5
<i>Sub cane, &amp; ante canem.</i>	<u>9.</u>	1
<i>Sudores febricitanti si inceperint.</i>	<u>31.</u>	7

# I N D E X.

<i>Sudor multus calidus, uel frigidus.</i>	33.	7
<i>Sudor multus ex somno factus.</i>	34.	7
<i>Suffitus aromatum.</i>	4.	6
<i>Supra septum transversum dolores.</i>	26.	2

## T

<i>Tabes fiunt maximè a'atibus.</i>	9.	4
<i>Tabidos uerò, cauentes.</i>	19.	2
<i>Tertiana exquisita.</i>	18.	7
<i>Tumores articularum.</i>	10.	5

## V

<i>Vbi alimentum præter naturam.</i>	10.	2
<i>Vbi fames.</i>	19.	2
<i>Vbi fauces egrotant.</i>	23.	2
<i>Vbi igitur morbus peracutus est.</i>	4.	2
<i>Vbi in febre non intermitt.</i>	52.	7
<i>Vbi sanguis multus fluxerit.</i>	68.	7
<i>Ventres hyeme &amp; uere.</i>	9.	2
<i>Vesica discissa, aut cerebro.</i>	157.	7
<i>Vitellus humidus.</i>	11.	2
<i>Vitellus tenuis, atq. exquisitus.</i>	1.	2
<i>Vlcera circum glabra.</i>	141.	7
<i>Vlcera quæcunq. annua sunt.</i>	142.	7
<i>Vlceribus frigidum quidem mordax.</i>	7.	5
<i>Vltra hanc ætatem.</i>	7.	4
<i>Vtero gerentes sunt medicandæ.</i>	32.	6
<i>Vt secunda procidant.</i>	34.	6

INDICIS FINIS.



# ERRATA PER IMPRVDEN<sup>2</sup>

tiam commissa sic corrigito.

**G**eminatos seu copulatos Aphorismos duplici asterisco notandos indicauit Auctor in suis Obseruationibus, vno quidem in margine, qui omnino prætermisus fuit, altero verò in capite annexi Aphorismi, quem ubiq; appositum inuenies præterquam vno in loco sectionis 7. Aphor. 160. Ne quis verò inter legendum scrupulus lectorem ipsum remoretur & fallat, suum quisq; sibi codicem emendet ac corrigat prius, quam operi euoluendo manus admoucantur. Mendis itaq; à nobis hic patefactis grauioribus, deprauata loca sic benignus restituat Lector. Pag 22. vers. 20. adiurasse, adiudicasse. 53. 8. nullos, nullus. 57. 13. simpliciter, simpliciter. 59. 10. Diæticem, Diæticen. 62. in Titulo, De instit. vit, vict. 69. 10. malum morbum. 71. 7. illud, illis. 73. 9. neq; haud, neq; cum haud. 75. 11. delectionis, delectionis. 76. 19. celebritate, celeritate. 77. 2. vna, vna. Eadem, 7. simile, similes. Eadem, 15. circa finem rursus cibum ualde, tolle ualde. 87. 19. aggrauant, aggrauant. 90. 3. temperatura, temperaturæ. 105. 22. ad caput, & ad caput. 107. 19. Rubrus, Rubeus siue Ruber. 111. 19. febris. febris. 114. 4. effusa: effusa. 122. 13. super dormierint, superdormierint, 123. 12. Aphorif. 92. Aphorif. 93. postremæ &c. 133. 16. concepit, concepit. 135. 3. fœminam, fœminam. Eadem, 18. Quæ; Quæ. 137. 1. habentes, habentes. Eadem, 2. secundo, secundo. ibidem tertio, tertio. Eadem, 3. acetabula, acetabula. Eadem, 5. disrumpuntur, disrumpuntur. 142. in titulo, De Prædictionibus, De Prædictionibus. 148. 22. semen, semen. 149. 20. multis multus. 169. 19. si annua sunt, dele si. 170. 22. moriuntur, adde 46. 6. ) 172. 16. apoplexiam corporis,

appone asteriscum iuxta signum |.178. 18. ceterum cæte-  
rum.182. 11.iuuenibus, subde adhuc. Eadem,21. Graui-  
tas, Grauidas. 183. 5. semen, adijcito non. 184. 2. fortasis.  
fortafsis 186. 14. aqua, aquæ. 191. 24. quarto, quarti. 192.  
20. allicnissimus, alienissimus.



Handwritten text at the top of the page, likely a header or title, which is mostly illegible due to fading and bleed-through.



Main body of handwritten text, consisting of several paragraphs. The text is extremely faded and mostly illegible, appearing as light greyish-brown smudges against the aged paper background.









BIBLIOT.